



**Copeien Derer
Schrifften so
zwischen dem
Churfürsten
vnd Hertzog ...**





Unser freuntlich dienst/
 vnd was wir liebs vnd guts ver-
 mögen / zuvor / Dochgeborner
 Fürst / freuntlicher lieber Vete-
 ter / Schwager / Bruder vnnnd
 Gefatter / E. E. tragen freunt-
 lich gut wissen / welcher gestalt
 wir vnlangst Willhelmen von Grumbachen/
 durch vnserer Rhetor vnd Gesandten / haben beschüs-
 cken / vnd in E. E. gegenwart / besprechen lassen /
 Nemlich / weil wir in glaubwürdige erfahrung
 komen / das er / vber vielfeltige andere beschwer-
 liche reden / sich auch dieser wort / wieder vns
 vernemen lassen / das er vns nach Leib vnd leben
 trachten wolte / vnd wir in dem zwischen der
 zeit vnd verschieenen Weinachten / nicht vorgehen
 solten / Sintemal wir jme vnd seinen Gefellen /
 nach Leib vnd leben trachteten / etc. Ob er dessel-
 ben also gestendig oder nicht / vnd das er Grum-
 bach dazumal / vnter andern vnsern Rethen / hin-
 wieder zur antwort gegeben / Er gestünde der rea-
 den vnd wort / das sie von jme geschehen vnd ge-
 redt / nicht / er würde es dann vberweiset / wie
 jme dann auch von vns / keine vrsach darzu were
 gegeben worden. Darmit es nun E. E. vnd son-
 derlich Grumbach / darfür nicht halte / als ob
 wir dessen keine ankunfft / oder solche beschüs-
 ckung

erung nur aus blossen wahn/oder one grundt geschehen/ So wollen wir E. E. freundlich nicht vorhalten vnd derselben hiemit angetündigt haben/ das vns der Wolgeborne/ vnser lieber getreuer/ Graff Günther zu Schwartzburg/ solches seinen Lebenspflichten nach/ vermeldet/ vnd offenbaret hat/ Deffen er auch gestendig/ vnd wie er vns geschrieben/ Grumbach solchs durch Ernst von Mandelslo vnd Aschen von Wolle/ vnlangst hat anzeigen lassen/ Daraus E. E. freundlich zuuerstehen/ das Grumbach solcher reden/ durch den Graffen vberzeuget.

Wann wir vns nun/der zwischen E. E. vns vnd andern/ Chur vnd Fürsten/ auffgerichteten Erbeinung/ welche E. E. neben vns/ zur Naumburg persönlich geschworen/ freundlich zuuernern/ darinnen ausdrücklich vorsehen/ das wir einander mit Leib vnd gut/ Landen vnd Leuten/ getrewlich beholffen vnd beraten sein/ keiner des andern Feindt werden/ vmb niemands/ noch vmb keinerley vrsach willen/ noch jnen beschädigen/ oder beschädigen lassen sol/ oder vnsern Mannen/ Dienern vnd Vnterthanen/ die in vnsern oder andern Landen gefessen sein/ das nicht gestatten zu thun/ in keinerley weise/ auch keiner des andern Feindt/ Echter vnd Kenber/ in seinen Landen/ Schlössern/ Stedten vnd Gebieten/ wissentlichen vnd mit vorsatz nicht hausen/ besorgen/ schützen/ noch den einigerley zulegung/ förder

förderung / hülff noch radt thun / noch durch
seine gezwenge vnd Landtwehre nicht kommen
lassen / heimlich noch öffentlich / oder den seinen
gestatten / das zuthun / in keinerley weise / vnnd
jme auch kein Bleidt geben / noch geben lassen
solle etc.

Vnd aber Grumbach / vns feindtlich nach
Leib vnd leben zu trachten / obberürter massen
sich vernemen hat lassen / So wollen wir vns /
gar keinen zweifel machen / E. E. werden sich
disfalls der nahen Bluts verwandtnus nach /
auch in betrachtung / der wider Grumbachen
ausgegangenen Key. Acht / vnd das vns solches
aus lauterer Landtfriedbrüchiger zunötigung /
von jme begegnet / der gemelten Erbeinung /
Rechten vnd billigkeit gemess / erzeigen / Wie wir
dann E. E. hiermit freündtlich darumb ersucht
haben wollen / Das sich E. E. krafft solcher
Erbeinunge / vnnd des heiligen Reichs auffge-
richten / hoch verpeenten Landtfrieden / hterin er-
weisen / vnd vorhalten / vnnd wieder jnen den
Grumbach / ernstlich vorfahren wöllen / darmit
wir zu spüren / das E. E. ob solchen seinen vor-
gesentlichen / mordtlichen bedrawen / vnd dürsti-
gen vorhaben / wieder vns / kein gefallens tragen /
vnd sich zu abwendung vnserer gefahr / als der
Vetter vnd Erbeinungs vorwandte / im werck
getrewlich erzeige / Wie E. E. dessen von vns / in
gleichemfall gewertig sein wolten / E. E. hinwie-

der freundlich vnd Vetterlich zu dienen / sind wir
gantz willig / Vnd bitten E. E. freundliche vn-
sernliche Antwort / Datum Dresden / den 15.
Februarij. 1566.

Von Gottes Gnaden / Augustus Hertzog
zu Sachsen / des heiligen Röm. Reichs
ertzmarshall vnd Churfürst / Landt-
graff in Thüringen / Marggraff zu Weis-
sen / vnd Burggraff zu Magdenburg.

An Hertzog Johansfriedrichen
den Wittlern zu Sachsen / etc.

B



Unser freundlich dienst /
vnd was wir liebs vnd guts ver-
mögen / zuvor / Hochgeborner
Fürst / freundtlicher lieber Vets-
ter / Schwager / Bruder vnd Ge-
fatter / Vns ist E. E. schreiben /
am Datum Dresden den 15. huius / den neunze-
henden darnach zukommen / das haben wir er-
brochen / vnd alles seines inhalts gelesen / vnd
daraus vernomen / was E. E. vnsern Raths /
vnd lieben getrewen Wilhelm von Crumbachs
halben / mit freundtlicher crinnerung / vnserer be-
derseits Erbeintung / bey vns freundlich suchen.
Als

Als wissen wir vns freundlich zu erinnern/das
E. L. in vnlangst verruckten tagen/durch etzliche
E. L. hierzu verordente vnd abgesandte Abete/
gemelten von Grumbach / von wegen etzlicher
beschwerlicher reden / derer er sich E. L. halben/
sol haben hören vnd vernemen lassen/beschickt/
Auch was er inen darauff widerumb zu Ant-
wort gegeben. Weten vns demnach freundlich
versehen gehabt / E. L. wurden gemelts von
Grumbachs beschehenen fürwenden / Vnd das
er solcher reden E. L. halben/mit nicht gestendig/
stat vnd glauben gegeben/vnd inen aus vnghedi-
gem verdacht gelassen haben/Dann ob wol E. L.
in irem schreiben / iren Ansager/als Graff Gün-
thern von Schwartzburg/itzo gegen vns benent-
lich gemacht / vnd darmit maieinen vorgeanten
von Grumbach derhalben zu vberzeugen/Vnd es
nicht an das vnlangst vnser Diener Ernst von
Mandelslo/vnd Aßsch von Wolle/von dem Gra-
nen vorstanden / Als ob solle er von Grumbach
solche reden gehört / welchs sie jm dann als bald
durch jr schreiben/zu erkennen gegeben haben.

So wissen wir doch E. L. freundlicher mei-
nung nicht zu bergen/ das gemelter von Grum-
bach sich darauff/ ob Graff Günthers vermese-
sen vnd vngegründtes angeben / zum höchsten
beschwert/Vnd sich gar nicht zu entschinnen weis/
viel weniger gestendig ist/ das er sich der wort/
E. L. halben/wie ine der Graff bey E. L. an-
getras

getragen / gegen sine verlauten haben lassen. So
halten wir es auch für vns selbs / zuvorderst vff
seinen vns fürgewandten / vnderthenigen bericht /
vnzweuelich nochmals darfür / In massen wir
dann / E. E. abgesandten / zu vnser entschuldigung /
Vnd damit wir nicht stillschweigent / bey
E. E. in verdacht komen möchten / als ob hielten
wir wissentlich die Leute (welchs doch vnser ge-
müt vnd meinung niemals gewesen / auch noch
nicht ist) eben darumb bey vns / das sie E. E. nach
Leib vnd leben trachten solten / Wie jüngsten zum
Grinmenstein auch angezeigt / das gemeltem von
Grumbach an solcher beziehung / gewislich
vnrecht beschicht / Sintemal wir inen eines sol-
chen vnbedechtigen vnd weitlenfftigen redens
vnd mauls / als Graff Günther inen bey E. E. ein-
gebildet / bis daher nicht vermarckt / Sondern
viel bedechtiger vnd bescheidener befunden / vnd
erkannt haben.

Wann dann nun diese sache / zwischen gemel-
tem Grauen vnd Grumbachen / noch zur zeit
zweuelhaftig / Grumbach auch / wie gehört /
derselben nicht bekentlich / noch auch vberwiesen /
Vnd E. E. als der hochuerstendige selbs wissen /
das vff eines Mannes rede / nicht alleine zu fussen
sein wil. Vnd vns demnach nicht zu erinnern
wissen / das wir wieder die Erbeinung seinet hal-
ben in diesem vnklaren fall / gehandelt. Als bit-
ten wir freundlich / E. E. wolten die vmbstende
vnd

vnd gelegenheit dieser sachen/ freundlich betrach-
ten/ vnd gedachts von Grumbachs gegenbe-
richt / zuuorn vnbeschwert/anhören. Auch vns/
von wegen angezogner Erbeinung/ gefasten ver-
dachts erlassen / Vnd damit aus allerhands vr-
sachen / zuuorderst aber / vnserer beiderseits vor-
wandtnus nach/ freundlich verschonen/wie wir
vns zu E. L. freundlich versehen.

Sind aber freundlich erböttig/Grumbach
dahin zu weisen / das er sich fürderlich seiner not-
turfft nach / gegen E. L. schriftlich verantwor-
ten solle / der gentzlichen zuuersicht / E. L. werden
als dann die Sachen anderst / vnd daraus so viel
befinden/das jme der Graue zu viel thut/etc. Das
haben wir E. L. hinwieder freundtlicher me-
nung/nicht bergen wollen Vnd sind dersel-
ben freundliche dienst zu erzeigen/alle-
zeit willig. Datum Weimar/ den
20. Februarij. Anno
1566.

Wertzog Johansfriedrichen
den Mittlern zu Sachsen/etc.

An Wertzog Augusten zu
Sachsen Churfürst/etc.

W

Vnser



Unsere freundtlich dienst/
vnd was wir liebs vnd guts ver-
mögen / zumor / Hochgeborner
Fürst / freundtlicher lieber Vetz-
ter / Schwager / Bruder vnd Ge-
fatter / Was vnlangst E. L. vns /

vnseres Ratts / vnd lieben getrewen Wilhelm von
Grumbachs / vnnnd etzlicher beschwerlicher rede
halben / welcher er sich ob E. L. wie ihne Graff
Günther zu Schwartzburg / gegen E. L. einge-
tragen vnd angegeben sol haben / hõ. en vnd ver-
mercken lassen / geschrieben vnnnd freundtlich ge-
sieht / Wir auch E. L. hinwied er zu freundtlicher
Antwort gegeben / werden sich Ewer E. zweiuels
ane / freundtlich zu erinnern wissen. Als haben
wir nicht können vmbgehen / gedachtem vnserm
Radt / dem von Grumbach solch E. L. gegen ime
angezogene beschwerung / auff gedachtes Gra-
uen angeben / zuuermelden sich gegen E. L. desto
mehr zu entschuldigen.

Wann er dann nochmals festiglich dar-
auff bestehet / das er solcher reden vnd wört / E.
L. halben / wieder den Brannen nicht gedacht / oder
auch ime jemals ein solchs zu thun / in sinn vnnnd
gedanken genommen / Wie E. L. dasselbigẽ aus-
führlicher vnnnd vornemlicher / aus beyliegendem
seinem vnterthemigem bericht vnd entschuldigung /
Auch

Auch daraus soviel vernemen werden / das gemelter Graue / Grumbachen in solchem allen / zu viel vnd vngütlich thut / Vnd ihme wol angestanden hett / sich selbst zuuorn zu erinnern / so er je so gewissenhaftt sein wollen / **E. L.** solche reden / der doch Grumbach in keinem weg noch mit nichte gestehet / vnoffenbaret nicht zu lassen / das er dasjenige / so er für sich selbst **E. L.** halben / nicht zum besten gedacht vnnnd angezogen / daruon Grumbach in seinem schreiben **E. L.** vormeldung thut / billich auch nicht zu geschweigen / Darumb dann vngeweivelt / **E. L.** so des Grauen gelegenheit / one das freundlich bewust / den dingen nach zu gedencken / wissen werden.

Als gelanget an **E. L.** vnser freundlichs bitten / dieselbe wollen gemelts von Grumbachs vnderthenigen entschuldigung / gnedigst stat vnd glauben geben / Vnd sich wieder jne nicht zu ragnaden bewegen / noch in vnguten ichtes entgelten / Sondern aus vngnediger verdacht komen lassen / Auch auff itzigem gegenwertigem Reichstage / wann von seiner fürstehender Vortrags handlung / gesagt werden sol / derer er sich dann / beneben seinen Mituerwandten / zu der Röm. Key. Ma. vnserm aller gnedigsten Herrn / **E. L.** vnd andern Chur vnd Fürsten / des heiligen Reichs / ihrer Key. May. aller gnedigsten gegebenen Antwort nach / vndertheniglich verhoffen vnnnd vertrosten thut / Das zu besonderm freundlichen willen vnnnd gefallen / freundlich befürdern helfen / Damit er

B ij vnd

vnd seine Consorten / zu aller gnedigster ausfüh-
rung / allem friedliebenden wesen / zum besten
kommen nütze / Vnd es an ihr nicht erwinden / son-
dern ihnen dieser vnser freundtlichen Vorbit / gne-
diglich geniessen lassen / Wie wir vns zu E. E.
freundtlich versehen / Das wollen wir hinwieder
gantz freundtlich vnnnd willig verdienen. Datum
auff vnser Vhestung Grimmienstein / den 27. Fe-
bruary / Anno etc. 66.

Hertzog Johansfriedrich
der Mittler zu Sachsen/etc.

An Hertzog Augusten zu
Sachsen Churfürst/etc.

Folget Grumbachs schreiben an
den Churfürsten zu Sachsen/etc. darinnen
er sich der aufflagen Graff Günthers
von Schwartzburgk ent-
schuldiget.

D



Nedigster Herr / Ewer
Churfürsilichen gnaden / haben
mich kurtz vorscheiner zeit / etli-
cher reden halben / so E. Churf.
G. sich zu nachteil / ausgeben ha-
ben sol / durch derselbigen Radt
vnd

vnd Diener / Wolffen von Schönberg / Joachim
Kobel / vnd Wolff Dieffstedter / gnedigst bespre-
chen lassen / vnnnd darauff meines berichts gne-
digst begert / Darauff ich dieselbige E. Churf.
fürstliche G. Gesandte bericht / das mir an sol-
chen auffgelegten reden / gewalt vnnnd vnrecht ge-
schehe / Wer auch dieselbigen also E. Churf. G.
angezeigt hett / das der vnrecht berichten thet /
vnd würde es nimmermehr mit bestandt auff mich
darthun können. Das nun E. Churf. G. sich also
gnedigst erzeigt / vnd vnuerhört mein den dingen /
nicht glauben geben wollen / Vnnnd mich zuuor
gnedigst darumb besprechen lassen / Solchs gne-
digen Churfürstlichen ehrlichen gemüts / sage E.
Churf. G. ich vnderthenigen danck / wil auch
solchs vmb E. Churf. G. vnderthenigst verdie-
nen / vnd solchs bey menniglichen rhümen. Vnnnd
nach dem mir solcher vnbillicher vnd vnerfindtli-
cher auffgelegter bezicht / mich dadurch vnvor-
schuld / bey Ewer Churf. G. in vngnaden vnd bes-
schwerden zu bringen / nicht wenig angelegen /
vnnnd auch mit warheit darthun kan / das ich E.
Churf. G. vnd auch die irige / die tage meines Le-
bens nie beleidiget / So hab ich diesen dingen /
hin vnnnd wieder nachgefragt / ob ich doch möcht
erfahren / wer mich also vnbillich vnd one grundt /
bey E. Churf. G. angeben / Vnd bin ich newlicher
tage / durch meinen gnedigen Fürsten vnd Herrn /
Hertzog Johansfriedrichen / gnediglich berich-
tet worden / das mich solcher ding / Graff Gün-
ther

ther von Schwartzburg / bey E. Churf. G. also
angeben / des ich mich dann nimmermehr verse-
hen / Nach dem ich mit ihme / die tage meines le-
bens / wenig zu schicken oder schaffen gehabt /
Vnd ist nicht ane / berürter Graff / hat mir zu etz-
lichen malen / mit eigener hand geschrieben / das
er Sachen mit mir zu reden hette / daran mercklich
vnnnd viel gelegen / mit bitt vnnnd begeren / das ich
mich zu S. G. vorfügen wolt / Nach dem ich
aber damals mit Leibschwachheit beladen / vnnnd
mir zu reiten vnmöglichen gewesen / hab ich das
selbige Jhre G. wieder bericht / dabey es also ge-
blieben / bis mir vber eine gute zeit / Jre G. wieder
geschrieben / vnd abermals gebeten / mich zu der-
selbigen zu verfügen / dann daran mercklich vnnnd
gros gelegen / Vnd das ich Jre G. wann es mir
gelegen / zwischen Gotha vnd Arnstadt ins feldt
bescheiden solt / Wiewol aber ich Leibes halben
beschwerlich reitten können / So hab ich doch
S. G. wieder geschrieben / das ich auff irer G. be-
scheiden / erscheinen wolle / Vnd bin also von Go-
tha ein meil wegs ins feldt bescheiden worden /
daselbsten Jre G. mich bericht / in was irungen /
sie mit meinem Gnedigen Fürsten vnnnd Herrn /
Hertzog Johansfriedrichen zu Sachsen stün-
den. Aber wie dem / so weren dieselben Sachen
alle / zu recht verfast / dabey sie es auch bleiben
liessen / Was nun das Recht geben vnnnd nemen
würdt / das wolten sie gewertig sein / Aber
nichts desto weniger / weren sie meinem
gnedig

gnedigen Fürsten vnd Herrn / mit Lebenspflich-
ten vorwandt vnd zugethan / Vnd wolten mit
Gott bezeugen / das sie ihrer F. G. wolart gerne
sehen / do sie auch dasselbige mit ihrem vormügen
zu fürdern wüsten / vnd vor schaden vnd nach-
theil sein köndten / das wolten sie gerne thun.
Nu weren aber solche Dendel für der Landt/
daran ihren F. G. auch derselbigen Landt vnd
Leuten / mercklich vnd gros gelegen / die S. G.
niemands / dann S. F. G. eigener Person / an-
zuzeigen wüßten / Vnd do es ihre F. G. leiden
möchten / wolten sie sich zu derselbigen vorfügen/
vnd aller solcher ding vnderthenig berichten/
Disz hab ich also an S. F. G. zu bringen / vnd
dero wiederantwort zuverstendigen / auff mich
genommen / Wie ich dann auch solcher ding/
S. F. G. bericht / vnd den bescheidt darauff em-
pfangen / ihme den Grauen nach Gotha zu be-
scheiden / wie ich dann gethan / vnd S. G. des
orts ankomen / Vnd ob wol S. G. begert dieselbi-
gen allein zu hören / So haben doch ihre F. G. als
die des Grauen gelegenheit / one das wol gewußt /
mich zu sich genomen / Was nun Ire G. Iren F.
G. vertrawter weise / bericht / vnd für warnungen
angezeigt / dauon wil mir itziger zeit / vnd one
vorwissen ihrer F. G. zu schreiben nicht gebüren.
Ob aber gemelter Graff / berürten seiner pflich-
ten nach / damit S. G. Ewer Chur vnd F. G. als
beider seits Erbeinungs vnd Erb verbrüdernten
Chur vnd Fürsten zugethan / solche anzeige zu
B iij thun/

thun / gezeimet habe oder nicht / das stehet an sei-
nem ort / Aber S. F. G. haben auff solch anzeigen
ihme den Grauen beantwortet / das sie mit E.
Churf. G. noch jemandts im gantzen Reich / in
vngutem nichts zu schicken oder schaffen hetten /
Derwegen sich ire S. F. G. auch gar nichts befahren
thete / viel weniger sich in eine Kriegrüstung zu
begeben / noch jemandt zu beleidigen bedacht we-
ren. Do aber jemandt S. F. G. wieder die billig-
keit vberziehen / beschweren oder beleidigen wol-
te / als dann wolten sie sich mit Göttlicher hülff
vnd radt / ihrer Herrn vnd Freundt / auffenthalten
vnnnd wehren / so lange sie möchten / Bey dieser
Antwort haben es S. F. G. bleiben lassen / Vnd er
der Graff / nach gehaltenen malzeit / wieder abge-
ritten.

Über wenig tage hernach / haben mir S. G.
wieder geschrieben / vnnnd begert / mich zu dersel-
bigen / gen Arnstadt zumerfügen / Mit abermals
vormeldung / das daran mercklich vnd viel geles-
gen / Wie dann solchs S. G. schreiben / die ich
noch alle bey handen / vnnnd mit eigen handen be-
schehen / ausweisen. Vnd ob ich wol S. G. auff
einen genandten tag zu kommen zu geschrieben /
so hat sich doch vorhinderung zugetragen / Der-
wegen ich solchen abgeschrieben / vnnnd einen an-
dern benant / auff den ich zu frü zu Arnstadt an-
kommen / vnd mich S. G. zu sich auff das Schloß
gefordert / allda meiner gnedigen Fürsten vnnnd
Herrn irrung halben / allerley fürgelauffen / so zu
schreibe

schreiben vorkengerlich/vnd in des der Graff/mei-
ner eigen Sachen/mit mir auch zu reden worden/
vnd berichtet / was er solcher sach halben am Key.
Doff/ von dann er erst ankem/ vornomen hett/
Darauff ich dann S. G. hinwieder mein Bericht
auch gethan / vnd ire G. gebeten/meiner am Key.
Doff zum besten zu gedencen/das wolt ich vn-
derthenig verdienen / In dessen sich zugetragen/
das auch E. Churf. G. zu rede worden/vnnd ich
gesagt / ich vornem / das E. Churf. G. mir vnnd
meinen Mituerwandten / mit vngnaden geneigt
werden / do ich doch E. Churf. G. auch derselben
Landt / Leut vnd angehörigen / die tage meines
Lebens nie beleidiget / Vnd hetten E. Churf. G.
Georgen von Geusen/ vmb des willen/das er bey
der einnam Wirtzburg gewest / gefenglichen ein-
ziehen lassen/ Do doch fast aller Chur vnd Für-
sten des gantzen Reichs/Doff/ vnd andere Die-
ner vnd Vnderthanen / bey vnnd mit gewest/ E.
Churf. G. hetten auch in newligkeit ein Doctor
niderwerffen lassen / von dem sie/ mein/vnnd mei-
ner Mituerwandten halben / viel berichts haben
wolten / Da doch er in der Welt nichts wußt/vnd
von vns allein der sprach halben/in vnsern Fran-
zösischen handlungen zu gebrauchen angenom-
men worden. Vnnd hab ich S. G. vnderthenig
gebeten/nach dem ich vornem / das S. G. mit
E. Churf. G. in gutem vertrauen / meiner auch
zum besten zu gedencen / das wiß Gott/do
ich E. Churf. G. vnderthenigst dienen/vnnd die
E hende

hendt vnter die fuß zu legen wüßte/das ich solchs
mit vngespargtem fleis/trewlich/willig vnd gern
thun wolte / Darauff S. G. nach der lenge/von
etzlichen beschwerungen ausführlichen/so ihnen
von E. Churf. G. begegnet/anzeigt gethan/Dar-
aus dann allerley reden vnd widerreden/ gefol-
get / die ich dann noch in guter gedechtnis/ vnd
in seiner des Brauen bey sein / zuuernelden kein
schew trage / das aber ich gesagt haben solt/das
ich E. Churf. G. nach Leib vnd Leben trachten
wolte / dessen E. Churf. G. mir zwischen der zeit
vnnnd vorschienen Weinachten / nicht fürgehen
solt / Sintemal E. Churf. G. mir vnd meinen Ges-
ellen nach Leib vnd Leben trachten/oder sonst
ichtes geredt / so E. Churf. G. verkleinerlich oder
nachteilig sein möcht / Daran thut mir der Graff
vnrecht / vnnnd wird es auch nimmermehr auff
mich bringen-mügen / noch ichtes mit bestandt
anzeigen können / so ich geredt/das E. Churf. G.
nachteilig / Vnd bin ich vnbeschwert/ihme/vmb
alles das so er mich beschuldigt/für E. Churf. G.
personlich red vnnnd Antwort zu geben / vnd da
ich in ichten vnrecht befunden / vnnnd der Graff
das so S. G. vnbillich auff mich ausgeben/war
machen würde / in E. Churf. G. straffe zu stehen/
Vnd hab ich solche reden/so der Graff E. Churf.
G. angezeigt / nie gedacht / viel weniger geredt /
Zu dem doch ich ein armer / alter / verlebter Fran-
cker Man bin/so nicht wol vber ein Stuben gehen
kan / wie dann der augenschein gibt / Wie solte
dann

dann ich E. Churf. G. in der selbigen Churf. Landen / darinnen ich doch nicht bekandt / auch weder steg oder weg weis / nachstreiffen können / vnd mich eines solchen dinges vnderstehen / das doch mir zu volbringen vnmüglich / solte nun ich von solchen dingen reden / die mir zu thun vnmöglich / so thet ich mehr nicht / dann das ich mir selbst / nicht allein zu beschwerden / sondern auch zu grossen spot / redet. Dieweil doch meniglich so mich kennet / mein Leibs gelegenheit vnd vnmöglichkeit weis / vnd augenscheinlich sieht / welchs ich dann selbst am beste befinde / Aus was Ursachen solte nun ich mir selbst zu beschwerden / vnd grossen verechtlichen spot / solche reden treiben / Ob ich wol eines geringen verstandes / so weis ich mich doch solcher reden / die mir schädlich / vnd zu nichten fürtreglichen sein können / wol zu enthalten / Ich müste auch meine sinn nicht haben / das ich ein solches wieder ihn den Grauen / mir selbst zu spott / fürgeben / das dieweil ich weis / das S. G. E. Churf. G. Lehenman ist.

Vnd gesetzt / ich hett ein solche rede gethan / das doch nicht ist / vnd auch er der Graff / nimmermehr bestendig war machen würdt / hett nicht S. G. gebürt / mich als bald anzureden / ich solt mich dieser Reden enthalten / dann jr G. weren E. Churf. G. mit Lebenspflichten verwandt / vnd stündt ihm mit nichten zu verschweigen / Vnd ob wol ich solcher reden / auch gestendig
C ij sein

1601. Pre
bel
in b
(e)

sein wolt/ Zu dem so hat mich der Graff nach ge-
haltenem gesprech / mit sich zu Tisch genomen/
Wett nun ich solche reden / wie S. G. fürgeben/
gesagt / vnd er mich derwegen allein nicht zu re-
de setzen wöllen / So hett doch er etliche zu sich
nemen / vnd mir solche reden vorheben / vnd an-
zeigen mügen / Ob ich auch derselbigen gesten-
dig sein wolte / dann jr G. solchs E. Churf. G. mit
nichten verschweigen köndten / Vnd gesetzt/ das
er solchs selbst nicht thun wollen / so hette er doch/
das durch andere thun lassen / vnd in fall/ das er
mich derwegen in seinem Daus nicht besprechen
wollen / so hett er mir doch solchs hernacher/
schreiben können. Der aber alles keins beschehen/
vnd hat er mich in allem gutem / mit hohem erbie-
ten / von sich abscheiden lassen / vnd angezeigt/
mich aller gnaden zu ihme zu vertrösten / vnd do
mein weg fürstündt / seine Flecken nicht zu mei-
den / darinnen dann ich gantz sicher / vnd ohne al-
le fahr sein solt / Do ich auch eines guten Pferds/
für meinem Leib bedürfftig / damit wolten sie
mich versehen / vnd sich noch weiter erbotten / was
sie mir in meiner beschwerden Sachen / zum besten
helffen / radten vnd befürdern köndten / das wol-
ten sie mit allen gnaden thun / mit anzeig / das in
furt; etzlich Key. Gesandten / bey ihrer G. ankun-
men würden / Wann das beschehe / als dann sie
mich / zu sich beschreiben wolten / vnd solt ich
nicht auffen bleiben / das würde mir zu gutem
kommen / vnd haben mich also in allen Gnaden/
mit

mit vielem gnedigen erbieten / abscheiden lassen/
dem ich gleubt / vnd mich anders nichts / dann als
ler gnaden vnd guten vertröstet.

Nach diesem allen / hat er mir widermals/
viel gnedige Brieff zugeschrieben / vnd vnter an-
derm in einem schreiben begert / mein Gnedigen
Fürsten vnd Herrn zu berichten / das er in sachen/
daran gelegen / gern bey iren S. G. sein wolte / das
ich S. S. G. vnderthenig berichtet / vnd jr S. G. in/
durch mich zu etzlichen malen / bescheiden lassen /
Durch was vorhinderung aber Jhrei G. aussen
blieben / das geben seiner G. schreiben. Nach die-
sem allen / haben Jhr G. mich widermals zu sich /
auff derselbigen haus Geren beschrieben / der ende
ich abermals vnderthenig erschienen / vnd hiewo-
rigen beschehenem grossen erbieten / vnd zusagen
nach / nichts dann aller gnaden vnd guts getrös-
stet. Vnd ob wol ich / durch etzliche guthertzige
Leut / die etwa des Grauen gelegenheit / dazumal
besser dann ich gewußt / vor ihm vorwarnet wor-
den / So hab ich doch demselben keinen glauben
zustellen können / Sintemal S. G. ich für einen
solchen Man / niemals gehalten / das S. G. bey
Chur vnd Fürsten / zu anderer Leut verkleine-
runge / hin vnd wieder newe Mehre tragen sol-
ten. Was nun damals S. G. mit mir geredt /
das haben sie sonder zweiffel / so wol als ich /
noch in bedencken / Vnd ist damals R. Churf.
G. weiter oder anderst nicht gedacht worden /
dann Jhr G. angezeigt / Mein gnediger Fürst vnd

Nerr Hertzog Johansfriedrich/ hette weislich
gethan / das sich ihr F. G. in keine Kriegsrüstung
begeben hetten/ dann wer es beschehen/ so möchte
es ihren F. G. zum ergesten geraden / Dann E.
Churf. G. würden mit macht wieder S. F. G.
auffgewest sein. Wie nun dieses sich mit obberür-
ter anzeig/ derhalben/ S. G. bey ihrer F. G. zu Go-
tha gewest / thut vergleichen/ das geb E. Churf.
G. ich vnderthenigst zuermessen/ darauff ich ihre
F. G. beantwort / es were nicht one/ man hett ihr
F. G. gerne zu Kriegsrüstung beweget/ vnd das
sie ihr Vhestung besetzen solten / ich hett es aber
trewlich widerrathen / Dieweil ihr F. G. mit nie-
mand in vngut / nichts zu schicken oder zu schaf-
fen hetten/ vnd solten sie sich zu keinem gewerb be-
reden lassen / damit niemandt nicht vrsach geben
würde / Zu dem so stünden ire F. G. mit E. Churf.
G. in einer Erbeinigung/ auch in einer Erbuerbrü-
derung / weren mit einander belehnet/ vnd aller jr-
rung güetlich vnd freuntlich vertragen/ das also
sie billich/ kein theil vor dem andern zu befahren
haben solt / Vnd nem mich vor Gott wunder/ was
doch die jenigen / so zwischen beiden/ E. Chur vnd
F. G. wieder willen anrichten wolten/ für vrsach
hetten / vnd wußt S. F. G. gegen E. Churf. G. mit
allen freuntlichen willen geneigt / sich hett auch
einsmals/ mein gnediger Fürst vnd Herr/ freunt-
lich erboten/ da sie von E. Churf. G. bescheiden
wurden/ bey derselbigen zuerscheinen / vnd sich
selbsten mit E. Churf. G. zu bereden/ bey solchen
reden

reden es auff dissmals blieben / vnd **E. Churf. G.**
mit keinem argen oder vnguten wort / gedacht
worden. Vnd hat mich der Graff abermals / mit
guten Worten / vnd viel hohen erbieten / wie zu
vor auch beschehen / von sich abscheiden lassen /
vnd ich mich / so fern anders menschlicher trew
vnd glauben was gelten solt / billichen anders
nicht / als aller gnaden / vnd guten / vnderthenig
getrösten / vnnnd solcher beschwerungen nimmer
mehr versehen sollen. Das nun mir vber dis alles /
one alle gegebene vrsachen / von jr **G.** das wieder
wertig begegnet / das mus ich Gott befehlen.

Ob es aber auch billichen / vnd dem Grauen
rhümlichen / dieweil mich **S. G.** auff gut trawen
vnd glauben / zu sich in sein Daus beschrieben / als
so bey **E. Churf. G.** durch dinge zuuerunglimpf
fen / vnd in beschwerden zu bringen / daran mir
doch gewalt vnd vnrecht beschicht / vnd sich da
rüber in schriftten / vnd auch mündtlichen gegen
mir so hoch zuerbieten / vnd dazu gleichsfals /
zumorn beschehen / zu sich in seine Deuser / auff
guten trawen vnnnd glauben zu beschreiben / vnd
sich dermassen / wie gehört / gegen mir zu
halten vnnnd erklären / das wil ich **E. Churf. G.**
als einem löblichen / Ehrlichen Churfürsten /
vnd allen ehrliebenden / hohes vnd nidere Stanz
des zu ermessen / vnderthenigst heimstellen /
vnnnd hett ich mich solcher ding / nimmermehr
versehen / Ich mus es aber Gott befehlen / vnnnd
C iij hettich

hett ich trawer warnung gefolgt/ so were ich zu
S. G. nimmermehr kommen/ Vnd mag ich mir
ein solchs ein warnung sein lassen/ vnd zu einer an-
dern zeit das fürsehen.

Vnd hab ich gar kein zweifel/ do sich der
Graff vorsehen sollen/ das mich E. Churf. G.
solcher dinge gnedigst berichten lassen/ vnd das
gegen mein Antwort / allergnedigst hören wol-
len/ oder das er der Graff / wie es sich dafür an-
sehen leist / bey meinem gnedigen Fürsten vnd
Herrn/ Hertzog Johansfriedrichen / auff sein
vorwart antragen/ das so er vielleicht gesucht/
vnd zu seinem fürhaben dienstlichen zu sein/ ver-
meint gehabt/ ergreifen mögen/ S. G. würden
mich als dann/ mit solchen vnerfindtlichen auff-
lagen/ bey E. Churf. G. anzugeben / wol vnbe-
schwert gelassen haben/ Dieweil S. G. wol wis-
sen / das sie mir daran gewalt vnd vnrecht
thun/ Vnd trag ich gar kein schew/ mich aller
dieser dinge/ von E. Churf. G. auff derselben gne-
digst erfordern/ mit vnderthenigster gehorsam/
persönlich zu verantworten/ Vnd do meine Sa-
chen noch stünden / wie etwan/ vnd ich Leibs
halben der vermügligkeit wer/ als ich leider nicht
bin/ ich wolt es nicht also gut sein lassen / vnd
solt mir mein Leib / gut vnd blut darauff gehen/
Aber er der Graff hat mich vielleicht darumb
ausgemalet/ dieweil ich alt vnd franck/ vnd hiez
vor dermassen beschwert bin/ das ich nicht viel
zu den

zu den dingen thun kan/ Aber es stehet alles bey
Gott/ vnd hab ich wol ehe gehört/ das sich an al-
ten Kesseln ist schwartz gemacht worden. Vnd
werden mir alle diese ding/ von meinen wieder-
wertigen / also zugeschoben/ welchs allein dat
immb beschicht/ dieweil mich Gott bis daher vor
jnen gnedig behüt/ das sie mich in ire hendt nicht
bringen/ vnd jren mut an mir erkülen mügen/ Wie
ich dann zu Gott im Himel hoff/ das mich sein
Göttliche Allmechtigkeit /hinfürder gleichsfals/
gnedig bewaren sollen.

Vnd wurdet ich von redlichen ehrlichen Leu-
ten bericht / Als das mich meine mißgünstigen
für ein Zauberer ausgeben/mit anzeig/ das ich in
einnahm der stadt Wirtzburg/ durch zauberey/
alle Wechter daselbsten schlaffend gemacht ha-
ben sol/ dadurch ich die Thor auffgebrochen.

Item/ ich wüßte durch solche zauberey/
was allenthalben beschehe/ gehandelt vnnnd ge-
radtschlagt würdt/Vnd solt ich durch solche zaub-
berey zugericht haben/ das E. Churf. B. in new-
ligkeit ein junger Derr vnd junges Frewlin/ tödt-
lichen abgangen weren / vnd mich vernemen las-
sen/ das E. Churf. B. jungen Derrn vnd Frew-
lein/ so noch in leben/ auch bald mit todt abge-
hen würden/ die alle E. Churf. B. vor jren augen
sterben sehen/ vnd hernach jr ende auch beschlies-
sen müßten/ vnd haben mich also hin vnd wieder/
D vnde

vnder die Lentgebracht / das es auff die Predige
stul geraten ist.

Diweil nun ich auch bericht worden / das
alle diese dinge an E. Churf. G. gelangt haben sol/
vielleicht der meinunge / mich noch weiter bey E.
Churf. G. zuverunglimpfen / vnd mit vngnaden
gegen mir zu bewegen / So hab E. Churf. G. ich
hierinnen mein vnschuldt / vnderthenigst anzuzei-
gen / nicht vnterlassen sollen / Vnd kan E. Churf.
G. bey meinen ehren vnnnd Eiden schreiben / das
auch mir an diesen dingen / gewalt vnd vnrecht be-
schicht / vn hab ich die tage meines lebens / kein zauberey
nie gelernet / auch damit nicht vmbgangen /
So kan auch ich in der Welt nichts von solcherr
Künsten / das weis Gott in seinem Reich / vnd
bin ich dietag meines lebens aller zauberey feindt
vnd zu wieder gewest / das weis ich bestendig
darzuthun / Vnd wil ich Gott im Himmel vertra-
wen / sein Göttliche Allmechtigkeit sollen gnad-
geben / das in allen dingen meine vnschuldt offen-
an tag komme / wie ich dann gar kein zweifel ha-
be / Gott soll vnd werd mich zu seiner zeit / als ein
Christen / der ich one rhum bin / vnd vormittels
seiner hülff / ersterben wil / erretten.

Vnd bitt E. Churf. G. ich aller vnderthe-
nigst / do diese ding gleicher gestalt / für E. Churf.
G. wie ich bericht bin / gelangt weren / sie wol-
len demselben keinen glauben zustellen / vnd sich
mit vngnaden gegen mir nicht bewegen lassen /
Das

Das vmb E. Churf. B. wil ich vnderthenigst ver-
dienen / Wie dann ich E. Churf. B. des hohen
Churfürstlichen vorstands / verhümen höre / das
ich in meiner einfalt nicht gedencken kan / diuweiß
solche ding vber vnd wieder menschliche ver-
nunfft / das sie demselbigen einigen glauben ge-
ben werden / dann wann ich mit solchen dingen
vmbgehen köndte / so würd ich in diesen beschwer-
den nicht vmbziehen / vnd mir dieselbige wol mi-
tzer zu machen wissen / Aber die mehr gedachten
meine wiederwertigen / schiffen mir alles das zu /
so sie erdencken können / Sie lassen auch auff mich
vnd in meinem namen / die armen Kauffleute be-
rauben / die güterwegen auffhawen / die Leute
erschießen / vnd alles so sie erdencken mügen / auff
mich fürnehmen. Vnd werden sonder zweifel E.
Churf. B. numehr bericht worden sein / welcher
gestalt kurtz verruckter zeit / der gefürste Abt des
Closiers Bantz / in etzlichen nachbarlichen ge-
brechen / zu gülicher Tagleistung / gen Bamberg
beschieden worden / vnd doselbst nach verrichter
handlung auffgehalten / bis alle ding nach gefal-
len gericht / Wie nun der from ehrlich Prelat wie-
der in sein Closter reiten wollen / vnd sich gar
nichts befahret / do haben sich zwölff Reissige / so
die angesichte verdeckt gehabt / gefunden / die den
fromen Man hart geschlagen vnd verwundet /
vnd folgendts vnter meinem namen gefangen /
vnd in Franckreich zustellen / verstrickt. Vnd do der
ehiliche Man die Reuter nicht kennet / so heft ich

D ij

in dem

in dem bezicht bleiben müssen/ Wie sie dann schon
solche ding / ehr vnd dann sie der Abt anzeigt/
hin vnnnd wieder geschrieben / vnd hat sich also
der Abt beschehener verpflichung nach in sein
Closter gestellt / do sind sie kommen / vnd den Abt
mit grosser klage/als das es in sehr leid were/wies
der abgefangen/vnd mit sich hinweg genommen/
vnd dazu dem Abt alle seine Brieff / vnd was
er guts gehabt / genommen / vnd vmb ein grosse
summa Geldes geschätzt. Nach dem aber der
Abt sein vnurmügen angezeigt/haben sie das an-
gefordert gelt /bis auff 6000. floren fallen lassen/
Vnd hat sich der Abt in einen Erbschütz verscrei-
ben müssen / darauff sie in wieder in sein Closter
gelassen / vnd in mein gnediger Fürst vnd Herr /
in krafft des Landtfriedens / auff ansuchung sei-
ner Freund /wieder abgefangen / vnd auff freien
fuß gestellt. Welchs alles sich der Abt /gegen der
Key. Ma. vnnnd auch an dem Key. Cammerge-
richt / auff den Landtfrieden beklagt / alda es
Rechthengig / vnd do der fromme Man/die Kneu-
ter nicht kennet /so wer der handel auff mir auch
geblieben..

Vnd nemen sie alle diese böse handel für / so
sie erdencken können / vnd alles auff mich / vnd
meine Mituorwandten / do doch wir auff der
Key. Ma. befehl/in vnsers gnedigen Fürsten vnd
Werrn Land geblieben /vnd vns friedsam gehal-
ten /vnd mit wissen niemandt beleidiget / vnd die-
ses Reichstags erwart/Vnd hoffen. Ire Key. Ma.
sollen

sollen vns der selbigen Key. erbieten nach/aller sachen in der güte vertragen /vnd vns zu Key.gnaden kommen lassen/ Wie wir dann der Key. Ma. alle sachen/ frey mechtig / vnd one alle vording/ heimsetzen.

Vnd das die gedachte meine wiederwertigen fürgeben / Vnd mich bey menniglichen beschreiben / Ich sey ein vnfriedlicher Mensch / der kein frieden leiden könne / vnd krieg vnd blutvergiessen anzurichten / lust habe / Daran thun sie mir gleichsals/gewalt vnd vnrecht / vnnnd bin ich ein armer / alter kranker Man / so nichts als frieden vnd ruhen begeret / vnd wolt auff Erden nicht mehr wünschen vnd begeren / Als das ich zu frieden vnd ruhen kommen/vnd dabey gelassen werden möcht / als dann ich gewisslich niemandt beleidigen wolt / Vnd ist meiner wiederwertigen art vnd eigenschafft / alles / so sie treiben / das dürffen sie von andern sagen vnd schreiben / Wie wir dann auff jr schmechlich vnwarhafftig ausschreiben vns fern gegenbericht / in offenen Drucke ausgehen lassen wollen / Vnd als dann allen ehrliebenden zu vrtheilen / stellen / wer gerecht oder vngerecht / Vnd haben solch Ausschreiben / der Key. Ma. zu vnterthenigster gehorsam / noch nicht ausgehen lassen wollen / Dieweil sie vns befohlen / bis zu dem Reichstag friedlich zu halten..

So sind doch ich vnd meine Mituerwandten / in allen beschwerden / allein vnserer trew ge-

D iij

leisten

teisten diensthalben kommen / Dessen wir billich
allen andern trewen Dienern / zu einem Exempel
geniessen / vnd nicht entgelten solten / vnd köndt
solchs andern trewen Dienern auch wol begeg-
nen.

Vnd bitt E. Churf. B. ich vnderthenigst / sie
wollen mich / in allen obgemelten dingen / gne-
digst entschuldigt halten / vnd mein gnedigster
Churfürst sein / Vnd bey der Röm. Key. Ma. aller
gnedigst befürdern / Damit doch ich / sampt mei-
nen Mituerwandten / wieder aus der Acht / zu
Key. gnaden vnd vertrag / vnser langwirigen be-
schwerlichen sachen / auch zu frieden vnd ruhen
kommen mögen. Das vmb E. Churf. B. wil ich
vnderthenigst / zu verdienen geflissen sein / das
sinns vnd gemüts ich dann meine Mituerwande-
ten auch weis. Vnd bitt E. Churf. B. nochmals
vnderthenigst / sie wollen mein gnedigster Herr
sein vnd bleiben / vnd mich nicht entgelten lassen /
das ich doch nicht genossen / Das wil ich / wie ge-
hört / vnderthenigst vnd trewlich verdienen / Vnd
thun E. Churf. B. mich hiemit vnderthenigst be-
fehlen / Datum den 28. Februarij / Anno 1566.

E. Churf. B.

Vnderthener

Wilhelm von Grumbach,

An Vertzog Augustus
Churfürsten / etc.

Des

Des Churfürsten antwort.

E.



Unser freundlich dienst/
vnd was wir mehr liebs vnd
guts vernügen / allezeit zuvorn/
Nochgeborner Fürst / freundli-
cher lieber Vetter / Schwager /
Bruder vnd Gefatter / Wir ha-
ben E. E. schreiben / den 27. Fe-
bruarij / zu Grinmenstein datirt / empfangen /
vnd E. E. vorwendung / so viel Wilhelmen von
Grumbach anlangt / daraus vernomen. Wann
wir dann hieuevor / E. E. vnser gemit / derwegen
freundlich zu erkennen gegeben / So lassen wir
Grumbachs vermeinte entschuldigung / in irem
vnwerdt beruhen / Sintemal Graff Günther von
Schwartzburg noch mals festiglich darauff be-
stehet / das er Grumbachen solcher reden vber-
weisen / vnd dieselben / vber iuen / war machen
wil / Wie er jme dann auch durch die vom Adel/
so er zu jme geschickt / selbst anzeigen hat lassen/
Hierumb wir vns nochmals zu E. E. freundlich
versehen wollen / E. E. werde sich disfalls
jüngsten vnserm schreiben vnd bitte nach / der
mit vns habenden Erbeinigung vnd Erbuers-
brüderung / auch des heiligen Reichs Landfrie-
den / allenthalben gemess erzeigen / Indeme E.
E. Vetterliche vnd freundliche neigung (wie
dero E. E. von vns gewertig sein wolte)

D iij

iiii

im werck beweisen / **E. L.** hinwieder freundlich
zu dienen / sind wir willig / Datum Berrent / den
8. Martij/Anno 1566.

Von Gottes Gnaden Augustus / Herzog zu Sachsen / des heiligen Röm. Reichs Erzmarschall vnd Churfürst / Landtgraff in Düringen / Maggraff zu Meissen / vnd Burggraff zu Magdeburg.

An Herzog Johansfriedrichen
den Wittlern zu Sachsen/etc.



Ich / **K**eundlicher lieber Vetter / Schwager / Bruder vnd Gesatter / Wir habē **E. L.** Antwort / am Datum Berrent / den 8. dieses Monats / auff vnser jüngst / von hieraus / an **E. L.** gethanes schreiben / gester abends empfangen / vnd ires inhalts gelesen / auch daraus mit etwas befremdung vernomen / Das **E. L.** vnseres Raths / vnd lieben getrewen Wilhelm von Grumbachs ausführlichen bericht vnd entschuldigung / dero ime durch Graff Günther von Schwartzburg auffgelegter beziehung / vñ vnserer darauff für inen / gegen **E. L.** gethane freundlichen

lichen Fürblitt / nicht stadt vnnß glauben geben
thun. Vnd diexweil E. E. vnßere beiderseits ge-
schworne Erbeinung / Erbuerbrüderung / vnnß
des heiligen Reichs Landfrieden abermals an-
ziehen / Aber Grumbach (dem wir dann E. E.
schreiben / neben einer ernstten anzeige / haben für-
halten lassen) weniger dann gar nicht gestendig/
das er der beschêhenen bezichtigung schuldig/
Auch derselbigen laut seines / an vns / derwegen
gethanen vnderthenigen schreibens / welchs E.
E. hterneben verwart finden / noch nicht vber-
zeugt ist / Als können wir nochmals bey vns nicht
ermessen / was wir vns gegen ime anders vnd fer-
fers / dann allbereit beschêhen / vorhalten vnd er-
zeigen solten / sonderlich / diexweil E. E. selbst wiß-
sen / do jemandt von einem andern bezichtigt o-
der beschuldiget / vnnß die bezichtigung von ihm
vorneint wirdet / das dem beschuldiger oblieget
vnnß gebürt / seine bezichtigung / wie zu Recht
gnugsam zu erweisen / vnd darzuthun / vnnß in vns
gewissen zweifelhaffigen Sachen / des beschül-
digten Nein / eben so starck / als des beschuldigers
Ja / oder bezichtigung ist. Do nun Graff Gün-
ther / oder jemandes anders / Grumbachen der-
wegen mit Recht fürzunehmen vnd zuüberzeugen
bedacht / So sind wir vrbüttig / imen zu Recht zu
halten / hoffen auch nicht / das E. E. oder jeman-
des wer der auch sein müge / vber dieses vnser
gleichmessig billich erbieten / in vns weiter drin-
gen / oder vns auch vordencken / mit was fügen

E

wir

wir vns vnserer Diener/die sich zu Recht erbiethen/
vnd der bezichtigung noch nicht vberzeuget/vnnd
vberwiesen sein/auff solchen vngegründten/vnd
vngleichen bericht zu beschweren/oder von der
Execution mit ihnen anzufahen/bewegen lassen/
können/freundtlich bittende/L.L.wolle solchs
von vns nicht vnfreundtlich vormercken/auch ge-
nanten von Grumbach nochmals aus vngnedi-
ger verdacht lassen/vnd ihr freundtlich zu gemüt-
führen/wie gleichwol Graff Günther/als vnserm
Lebensgrauen/Landtseessen vnnnd Vnderthanen/
wol angestanden/vnserer Rethen vnnnd Diener/ge-
gen L.L.vnuerhörter vnd vnertandter Sachen/
wie dann Grumbach solcher seiner erdichten auff-
lage/gar nicht gestendig/auch bisher dersel-
bigen nicht vberweist/zu beschwerung vnnnd vns
verschuldter Vngnade/gegen Erwer L. einzubil-
den/vnnnd einzutragen/Welchs wir Erwer L.hin-
wieder freundtlicher meinunge nicht wolten
bergen/vnnnd sind derselbigen freundtlich zu die-
nen willig. Datum Grimmenstein/den 13. Martij/
1566.

Von Gottes Gnaden Johans
friedrich der Mittler/Herzog zu
Sachsen/etc.

An Churfürsten zu
Sachsen/etc.

Folget

Folget Grumbachs entschuldigungs Schrift an Herzog Johansfriedrichen den Mittlern zu Sachsen / etc. auff beschriebene fürhaltung des Churfürstlichen schreibens.

G



Nediger Fürst vnn

Der / Was auff des Churfürsten zu Sachsen / an L. F. G. mein halben abermals aus Bairrent gethane schreiben / so L. F. G. mir zuuerlesen / zu stellen / vnd daneben ein ernste fürhaltung

haben thun lassen / Das habich in vnderthenigkeit angehört vnd vernommen / vnd hette mich wol versehen / S. Churf. G. würden meinem jüngsten wol gegründten warhafftigen gegenbericht / der billigkeit nach / gnedigst stadt vnd glauben haben gegeben / Das aber solchs nicht geschehen wil / das mus ich Gott befehlen / vnd es dafür halten / das ich meines Alters / vnd anderer beschwerung / darin ich steck / durch anstiftung meiner Wiederwertigen / entgelten mus / Vnd an mir das Sprichwort war wird / Wo der Faun nieder getreten ist / da wil jederman hinüber

L. ij. schreiten /

schreiten / Vnnd wann man den Dunct gern
schlahen wolt / so sucht vnd findt man leichtlich
einen Brügel / Dann ein jeder vnparteiſcher leicht-
lich abzunemen / ob auch notwendiglich / oder
vornützlich war ſey / vnd folge / das ich die bezeich-
tigte reden / wieder S. Churf. G. ausgoſſen mus
haben / vnd derſelbigen dadurch vberzeugt ſey /
Dieweil Graff Günther von Schwarzburg / mir
ſolchs durch Ernſten von Mandelslo vnnnd Aſ-
ſchen von Döll / hat anzeigen / vnnnd vorhalten
laſſen / Sintemal nichts leichters auff der Welt
ſein wurd / Als ein jedern was man nur wolte / zu
vberzeugen / vnd vberweiſen / Wann der jenig / ſo
jemandt beſchuldigt / zwene zu jhme ſchickte / durch
welche er ihm die beſchuldigung anzeigen lieſſe /
vnnnd dieſelbige zwene zugeſchickte oder abgefer-
tigte / von wegen antragung eines andern re-
den / ſolten zeugen heiſſen / vnnnd ſolche zu-
ſchickung oder abfertigung / ein vberzeug-
nus oder vberweiſung ſein / Sondern es
wolte gemeltem Grauen gebüren / wann er
mich ſeiner vnwarhafftigen bezeichnung /
mit Zeugen vberweiſen wolt / das er ſpreche /
Ernſt von Mandelslo / vnnnd Aſch von Döll /
ſein dabey gewest / vnnnd haben gehört / das
Grumbach / dieſes oder das geredt / vnnnd nicht
alſo wie im Churf. ſchreiben / ſiehet / ſeine be-
weiſung führete / Ich hab durch Ernſten von
Mandelslo vnnnd Aſchen von Döll / laſſen
Grumbachen meine auff ihn beſchehene be-
ſchuldigung

schuldigung anzeigen / darumb hab ich in dersel-
bigen durch sie vberzeuget / Da auch E. F. G. ge-
nannte ErNSTen von Mandelslo vnnnd Aschen von
Doll / hierüber befragen / vnd zu rede werden stel-
len lassen / Darumb ich dann vnderthenig bitt /
So werden / E. F. G. iren bericht / vnd was sie da-
von halten / gnedigst vernemen / Zu dem / das E.
F. G. allbereit des Grauen gelegenheit wissen /
vnnnd sich gnediglich erinnern werden / was er in
meinem bey sein / E. F. G. angezeigt vnnnd gesucht
hab / Vnd nach dem mein gegenbericht vnd ent-
schuldigung / so gar nicht geacht / in Wind ge-
schlagen / vnd im Churf. schreiben vbergangen
würdt / so wil ich dieselbige hiemit noch ein mal /
vnd zum beschlus dieses handels wiederholet ha-
ben / vnd sage gut deudtsch / rundt vnnnd klar / das
mich Graff Günther von Schwartzburg / mit
mehr berürter bezichtigung / angedichtet. Vnd
wil in / vnd einen jedern / der mir solchs schuldt
gibt / vor die jenigen / wie sie mich angegeben / selbst
halten / bis so lang er oder sie / ein solchs auff mich
darthun vnd bringen.

Vnd domit E. F. G. desto mehr zu spüren /
das ich mir / Gott lob / disfalls wol bewußt / vnnnd
der warheit meiner Sachen / gantz vnd gar kein
schew trage / Vnd dann Graff Günther E. F. G.
Vnderthan / Landtsass vnd Lehennan ist / So
wolten E. F. G. zwertündigung des grundts / jnen
vnd mich / als E. F. G. Radt vnd Diener / gegen
E iij einans

**Copeien Derer
Schrifften so
zwischen dem
Churfürsten
vnd Hertzog ...**

vnd Herrn / Hertzog Johansfriedrichen dem
Mittlern zu Sachsen/ etc. vnsern gnedigen Für-
sten vnd Herrn / gegenwertiger Bote/ ein schrei-
ben allhier vberantwortet/ Darauff sein Churf.
G. weil sie jetzo hieran verhindert / sein F. G. zu
fürdelicher gelegenheit / mit eigener Botschafft
beantworten wirdet / Signatum Augsburg/ den
24. tag Martij/ Anno etc. 66.

Churfürstliche Sechsische
Cantzley dafelbst.

**Grumbach bitt vmb Vorbe-
schiedt wieder Graff Gün-
thern.**

I
Achleuchtiger vnd
Döchgeborner Fürst / E. F. G.
sind zuvor / mein vnderthenige /
schuldige / vnd jeder zeit gantz
willige dienst / vnderthenigs ge-
horsams zuvor/ Gnediger Herr/
E. F. G. habe ich vor dieser zeit vn-
dertheniglich berichtet/ was vnbilliger aufflage/
mir von Graff Günthern zu Schwartzburg/ von
wegen etzlicher reden/ so ich vber vnd wieder
den Churfürsten zu Sachsen/ etc. mich sol haben

1512

E iij verne

Was auch itzt gedachter Ernst von Mandelslo
vnd Asch von Doll/ von sein des Grauen beschäl-
digung halten/ das werden E. F. G. sich bey jnen
wol erkundigen mügen.

Letzte er mich in meiner beschwerung nicht
anders fürdern/ dann aus falschem hertzen gute
wort geben/ vnd nachfolgendt gegen dem Chur-
fürsten zu Sachssen etc / in vnuordiente vngnade
vertieffen wollen/ So were jne als einem Grauen
besser angestanden/ vnd rühmlicher gewesen/ das
er meiner/ als eines allbereit beschwerten vom Ma-
dels billich vorsehonen/ vnd nicht mehr trübsal
vnd not zuschieben sollen. Als erfordert zu erret-
tung meiner Adelichen wolhergebrachten ehren/
mein notturrfft/ das ich diese vngegründte ertichte
auflage wieder den Grauen ausfüre/ vnd mein
vnschuld amtag bringe.

Vnd gelangt an E. F. G. mein vnderthenigs
hochfleissigs bitten / E. F. G. wollen gemelten
Graff Günthern von Schwartzburg / als jren
Landtsassen vnd Vntherthanen / vnd Lebensgrä-
uen / vnd mich zu fürderlicher gelegenheit/ für E.
F. G. als dem Landes vnd Lebensfürsten in eige-
ner person/ auff einen namhafften tag für beschei-
den/ vns gegen einander notturrfftiglich verhören/
damit E. F. G. eines jedern grundt oder vngrundt/
erfahren vnd ausfündig gemacht werde / mit
was vnschuld ich von Grauen/ gegen dem Chur-
fürsten angegeben bin worden / E. F. G. gantz
vnder

vnderthenig bittend / sie wollen sich hierinnen so
gnediglich erzeigen / wie zu E. F. G. mein vnder-
thenig vertragen stehet / Das wil ich mit allem
vnderthenigem gehorsamen fleis / vnderthenig
vnd trewlich verdienen. Vnd thue E. F. G. mich
hiemit vnderthenig befehlen / vnd vmb gnedige
gebürliche Antwort / vnderthenig bittend / Da-
tum den 18. Aprilis / 1566.

E. F. G.


Vndertheniger gehorsamer Diener
Wilhelm von Grumbach.

An Hertzog Johansfriedrichen
den Wittlern zu Sachsen/etc.

Graff Günthers von
Schwartzburgs vorbeschied
wieder Grumbachen.

A.

Hertzog Johansfriedrich
der Wittler zu Sachsen etc.

 Nsere grus zuuorn / Wol-
geborner lieber getrewer / Mit was
schriffte der Vhest vnser Radt vnd
lieber getrewer Wilhelm von Grum-
bach //

bach / an vns vndertheniglich gelanget / vnd sich
ob euch beschwerdt / auch vmb fürbescheid / von
wegen der bezichtigung / der jr inen gegen dem
Nochgebornen Fürsten / Herrn Augusten / Her-
tzogen zu Sachsen / etc. vnd Churfürsten etc.
vnserm freündtlichen lieben Vettern / Schwas-
gern / Brudern vnd Gefattern / angegeben vnd
beschwert / wieder euch gebeten / Das findet jr /
beyliegendt daraus zuuernemen.

Wann es dann an dem / das ernelter Chur-
fürst vns mit gantz beschwertem gemüt / vorschie-
ner zeit / durch S. L. schreiben / zuerkennen gege-
ben / das jr S. L. fürbracht / als ob sollet jr von ge-
dachttem von Grumbach / die angezogene reden /
lauts inliegendes Extracts / seiner L. schreibens /
gehört haben / Welches gedachter von Grum-
bach / gar keins wegs gestendig sein wil / Inma-
ssen wir dauon dem Churfürsten auch bericht ge-
than haben. Als bedencken wir / zuerkündigung
der warheit / das beste zu sein / diese sache zwischen
Euch vnd dem von Grumbach / in verhör zune-
men / Damit wir vns nach befindung / der billig-
keit nach / erzeigen / auch erneltem vnserm lieben
Vettern / dem Churfürsten zu Sachsen etc. wie
wir den handel befunden / bericht thun / vnd eines
jeden fug oder vnjug / an tag gebracht werden mü-
ge / Nach dem wir gar nicht gemeint sein jeman-
des / so vnserm lieben Vettern / dem Churfürsten
zu Sachsen etc. nach leib vnd lebentrachten solte /
bey vns zugebilden. So begeren wir für vns / vnd

S ij

den

den Dochgebornen Fürsten / Herrn Johans
Wilhelmen / Hertzen zu Sachsen / etc. vnser
freundlichen lieben Brüdern vnd Gefattern /
gnediglich / Ir wollet euch darnach achten / da
mit jr in eigner person / auff montags nach Jubi
late / den 6. Maij / schierst künfftig für vns / Dann
wir die sachen in eigner person / vornüttelst Göt
licher verleihung / hören wollen / allhier zum
Grinamenstein erscheinen / geschickt / wieder ge
dachten von Grumbach / berürter aufflage vnd
beziehung / der vorr ime ausgegossenen reden
halben / verhör / vnd billichs bescheidts zugewar
ten.

Daran thut jr vnser gefellige meynunge / Vnd
sind Euch mit gnaden geneigt / Datum Grima
menstein / den 21. Aprilis / 1566.

An Graff Günthern von
Schwartzburg / etc.

Graff

Graff Günthers antwort darinn
nen er anzeigt/das er mit Grumbachen/als
einen Echter/für zu kommen nicht
schuldig sey.

¶

Drechlechtigster / Hoch-
geborner Fürst / E. F. G. sind zu-
norn / meine vnderthenige vnd
gantz willige dienste / Gnediger
Fürst vnd Herr/Mir ist vnlangst
einschreiben von E. F. G. darinn
nen E. F. G. mich vff den 6. May
zu Grummenstein / vor E. F. G. person selbst zu er-
scheinen / vnd gegen Wilhelmen von Grumbach/
etzlicher reden halben / verhör / vnd billichs be-
scheids zugewarten / bescheiden/zu kommē/Dar-
auff sol E. F. G. ich nicht bergē/Ob ich wol in de-
nen sachen / darinnert ich für E. F. G. zustehen /
schuldig bin/mich alles billichen gehorsams jeder
zeit zuverhalten wissen wil / So sein doch die sa-
chen / darumb mich gedachter Grumbach / tegen
E. F. G. verklagt / dermassen geschaffen/das mir
auch mit inie / als einer geechtigten person / one
vorwissen der Röm. Key. Ma. meines aller gnedig-
sten Herrn/desgleichē des Churfür. zu Sachsen/
etc. meines auch gnedigsten Herrn/in etwas einzus-
lassen / keins wegs gebüren wil / Zu deme/das ich
¶ in darumb

darumb mich Grumbach zu beklagen vermeint /
nicht in abreden / sondern jme gestendig bin / Der
wegen es wenig verhör oder handlung disfalls
bedarf / Wil auch mit Gottes hülff / meine sachen /
so ich wieder vielgedachten Grumbachen habe /
dermassen hinaus führen / damit zuworderst die
Röm. Key. Ma. alle Chur / Fürsten vnd Stende
des Reichs befinden sollen / das ich die tage mei
nes lebens / mich der warheit beflissen / nach ehr
vnd redligkeit / eufferstes vermögens gestritten /
das auch bis in meine gruben zuthun / vnd zu vol
lenden gedencke / Der wegen ist an E. F. G. mein
vnderthenigs bitten / E. F. G. wolten mich aus
oberzelten vrsachen / meines nicht erscheinens / in
vngnaden nicht verdencken / Vnd ob diesem mei
nem notwendigen schreiben / kein mißfallen tra
gen / Das vmb E. F. G. zu verdienen / bin ich jeder
zeit willig vnd bereit / Datum Augsburg / den er
sten May / 1566.

E. F. G.

Vndertheniger

Günther Graff zu Schwartz
burg / Herr zu Arnstadt /
Sündershausen vnd Laut
enberg.

An Wertzog Johansfriedrichen
den Pittlern / zu Sachsen / etc.

Volget

**Folget des Churfürsten Antwort/
Auff vorig Herzog Johansfriedrichs des
Wittlern zu Sachsen etc / schrei-
ben/mit dem Buchsta-
ben F.**



User freundtlich dienst/
vnd was wir mehr liebs vnd
guts vermügen/zuvorn / Noch
geborner Fürst / freundlicher lie-
ber Vetter / Schwager / Bruder
vnd Gefatter / E. E. haben sich
freundlich zu erinnern / was sie ant vorschienen iz.
Wartij von Grunnenstein ans / Grumbachs hal-
ben an vns geschriben/nemlich / das E. E. mit et-
was befrembdung vernomen / das wir Grum-
bachs vorgewandten entschuldigung / vnd E. E.
vorbitte/kein stat noch glauben geben hetten/Vnd
das wir E. E. auff die beiderseits geschworne Er-
beinung / Erbuerbrüderung / vnd des heiligen
Reichs Landtfrieden / wieder Grumbachen nicht
ersuchen / noch anziehen köndten/weil er des jeni-
gen / so er von Graff Guntthern von Schwartz-
burg / bezichtiget/nicht vbetzenget were/ Ob vns
nun von E. E. ein solch schreiben billich begegnet/
vnd E. E. befrembdung darob zu tragen/vrsache
haben/das wir dieselbe/ vnserer Feinde halben/ so
F. iij. vns

vns nach Leib vnnß leben / Landen vnd Leuten
trachten / vnd von E. E. gehaußet / vnd vnderhal-
ten werden / auff die geschworne Erbeinigung /
freundtlich vnd Vetterlich ersucht / das stellen
wir an seinen ort / vnd lassen es alle Chur vnd Für-
sten / so E. E. so wol als vns verwandt / vnd des-
sen zu seiner zeit weiter berichtet werden sollen /
richten vnd vrteilen. Darfür wöllenes aber E. E.
gewisslich halten / das wir vns dessen / zu E. E.
nit nichten versehen / das sie vns vmb eines sol-
chen leichtfertigen losen Mannes vnd Echters
willen / dermassen hetten vbergeben / vnd vns in
so offenem klaren falle / der nicht alleine durch des
Brauen / sondern auch vieler anderer mehr ge-
zeugnis vnd kundbare Notorietet / vnleugbar /
vnd E. E. des Grumbachen person vnd anschlege /
selbst wol bewust ist / erst weitläufftig Recht an-
bieten sollen. Diweil aber nun weiter darauff er-
folget ist / das wieder gemelten Grumbach / auff
itzo gehaltener Reichs versammlung zu Augsburg /
durch die Key. Ma. Churfürsten / Fürsten vnd
Stende / des heiligen Reichs / die Acht vnnß D-
beracht / eintrechtiglich ist beschlossen vnd pu-
blicirt / Auch E. E. als seinem des Echters Recep-
tatorn / von der Key. Ma. mit absendung irer Key.
Ma. Curirers / bey peen der Acht vnd Dberacht /
ernstlich befohlen vnnß Mandirt worden / inen
samt andern seinē Mitechtern / als bald vnuorzü-
glich / vnd angesichts Briues / gefenglich einzu-
ziehen / etc. So stehen wir nu mehr / so viel mehr in
hoffnung

hoffnung/£. £. werde sich der nahen Blutuer-
wandtnus vnd geschwornen einigung / darmit sie
vns verwandt / gebürlich vnd freuntlich erin-
nern / Auch sich des heiligen Reichs gemeinem
beschluss / vnd der darauff erfolgten Key. May.
Mandaten / zu verhütung £. £. vnd derselben
Erben gefahr / schaden vnd nachteils/ dessen wir
sie/ vnßers theils/ gern entladen wissen wolten/ ge-
mess verhalten. Wolten wir £. £. dero richti-
gen Antwort / wir bey diesem vnßerm Diener ge-
wertig / freuntlich nicht vorhalten / vnd sind £.
£. sonst freuntliche dienst zu erzeigen/ Vet-
terlich geneigt / Datum Weiden/
den 29. May / An-
no / etc. 66.

Von Gottes Gnaden / Augustus
Hertzog zu Sachsen/ des heiligen
Römischen Reichs Ertzmarschall
vnd Churfürst/ Landtgraff in Dür-
ringen/ Marggraff zu Meissen/ vnd
Burggraff zu Magdeburg.

An Hertzog Johansfriedrichen
den Mittlern/ zu Sachsen/etc.

U

Unser

N



Nser freundtlich dienst /
vnd was wir liebs vnd guts ver-
mögen / zuvorn / Nochgeborner
Fürst / Freundtlicher lieber Vetter /
Schwager / Bruder / vnd Ge-
fatter / Vns ist E. L. schreiben /
am dato Weiden / den 29. Maij /

jüngst vorschienen / diesen Abendt zukommen /
das haben wir seines inhalts gelesen / vnd daraus
vernommen / was E. L. Wilhelm von Grum-
bachs halben / abermals gesucht / Nun weren wir
freundtlich geneigt gewesen / Ewer E. darauff als
bald wiederumb freundtlich zu beantworten /
Diweil aber gegenwertiger E. L. Diener / vmb
seine eilende abfertigung gebeten / vnd diese ding
der Sachen notturfft nach / so eilendt nicht haben
gefertiget können werden / Als haben wir ihnen
dismals darüber nicht auffhalten wollen / Vnd
sind freundtlich vrbüttig / E. L. vnsere Antwort /
bey einem eignen Boten / fürderlich zu zuschicken /
Freundtlich bittende / E. L. wollen solchen Kleinen
vorzug / nicht vnfreundtlich vormercken / Dann
E. L. fremndtlich vnd Vetterliche dienste zu erzei-
gen / sind wir willig / Datum Grimmenstein / den
ersten Junij / 1566.

Wertzog Johansfriedrich
der Mittler zu Sachsen / etc.

An Wertzog Augusten zu
Sachsen Churfürsten etc.

Unser



Ser freuntlich dienst/
 vnd was wir liebs vnd guts ver-
 mögen / zuuorn / Hochgeborner
 Fürst / freuntlicher lieber Vet-
 ter / Schwager / Bruder vnd Ge-
 fatter / Nach dem wir vns / in
 vnser E. E. gegebner Antwort/
 freuntlich erbotten / Das wir E. E. auff Ihr / an
 vns / vnder dem Dato / zur Weiden / den 29. ver-
 gangnes Monats / gethanes Schreiben / von
 wegen vnser Adts / vnd lieben getrewen/
 Wilhelm von Grumbachs / bey eigener Bot-
 schafft / freuntlich vnd fürderlich beantwor-
 ten wolten. Als stellen wir nochmals in kei-
 nen zweifel / Ewer E. haben aus hienorigen vn-
 fern schriften verstanden / Ob wir wol vns der
 angezognen Erbuerbrüderung / vnd Erbeini-
 gung / freuntlich zu erinnern wissen / Auch son-
 der rhm / derselbigen Fürstlich vnd auffrich-
 tig bis daher verhalten / das wir doch füglich
 darzu nicht kommen haben können / Vns E. E.
 beschehenen freuntlichen suchung nach / ge-
 gen Grumbachen zu erzeigen / Sintemal er
 nochmals darauff festiglich bestehen vnd beru-
 hen thut / Das er der reden vnd aufflage / damit
 ihne Graff Günther von Schwartzburg / gegen
 E. E. one grundt angegeben / mit nichte gesten-

dig / viel weniger inn sijn genommen / L. L. nach
leib vnd leben / oder derselbigen Landen zu trach-
ten / Derhalben es dann L. L. als der hochuersten-
dige / selbst nicht vor vnzimlich erachten werden /
das Graff Günthern von Schwartzburg oblie-
gen wolle / in solchen zweifelhafftigen vnerwei-
seten Sachen / seine beziehung / wie zu recht /
gnuzsam wieder gedachten von Grumbach / als
es doch bis doher verblieben / auszuführen vnd
darzuthun / Alldieweil Ernst von Mandelslo /
vnd Alch Wolle / von diesen dingen mehr nichts
wissen / dann sie vom Grauen / als sie zu Arnstadt
bey ihm gewesen / gehört haben / Vnd do sie be-
fragt / vngeachtet sagen werden / was sie hier
von halten. Daben demnach für das beste vnd
fürreglichste angesehen / damit wir hinder den
grundt der warheit kommen / vnd kundt gethan
werden möchte / Ob / vnd wie es hierumb eigent-
lich geschaffen vnd gewandt / Graff Günthern /
als vnsern / vnd vnserers freuntlichen lieben Bru-
ders vnd Gefattern / Hertzog Johans Wil-
helms zu Sachssen / etc. Lebensgrauen vnd Vn-
dersassen / so vor diesen entstandenen reden / vnge-
acht ergangener Acht / gar kein schew oder beden-
cken getragen / Grumbachen etzlich mal zu sich
in sein Herrschafft nicht alleine zu bescheiden /
als er dann auch zu ime geritten / sondern freiwill-
lig / one seiner suchen / darüber seinen sichern pass
vnd auffenthalt / in seiner Herrschafft vnghein-
dert / vnd für menniglichen vnbeschwert zu ha-
ben

ben vnd zuzestatten / gütlichen angeboten / für
vns / anhero gegen Grummenstein zu bescheiden/
vnd sie beide gegeneinander / zu erkündigung ei-
nes jeden theils / fug vnd vnfulg zu hören/ Vnd
nach befündung / vns dermassen zu beweisen/ das
mit E. L. vnd menniglich im werck zu spüren/ das
wir gar nicht gemeint / vnser beiderseits verwand-
nus zugegen/ die jenigen/ bey vns wissentlich zu ge-
dulden/ So E. L. nach Leib vnd Leben / vnd dero
Lande trachten theten. Seind auch in willens ge-
wesen / do solcher Tag / durch den Grauen/ vns
zeitlichen zugeschrieben worden/ E. L. freuntlich
zu ersuchen/ damit sie ihres teils Reithe/ zu solcher
verhör abgefertigt vnd anhören hetten lassen/ wie
diese sachen allenthalben fůrgelauffen weren/ sich
als dann / gegen dem vñbefugten theil/ neben vns
der gebůr nach / zu erzeigen haben möchten. Vnd
denmach vns / ermelts Grauen gehorsamlichen
erscheins / gentzlich versehen / Auch gar kein
zweifel gehabt/ Weil er E. L. Grumbachen anzu-
geben / kein bedencken getragen / Er solte auch
noch weniger geschewet haben / für vns/ als sei-
nem Landes vnd Lehens Fürsten zu erscheinen.
Daser aber den angesatzten tag/ wiewol allererst
nach verflossenen Termin abgeschrieben / Vnd
mit Grumbachen von wegen der Acht/ zu Taglei-
sten fůr zukommen / entschůldigung fůrgewandt/
Das vbersenden wir E. L. aus hierbey liegender
Copey / zuuernemen / Aus welchem E. L. bey ihr
selbst vernunftiglich zu bedencken haben / Ob/

vnd was wir in dieser Sachen/ weiter oder mehr
haben thun sollen/ Sintemal Grumbach sich das
hin erkleret/ Auch darauff nochmals vnwanckent
bestehet / Do er dieser reden gnugsam vberzeuget/
als es doch dem Grauen vnd andern / wer die
auch sein mügen / vnmüglich sein werde/ das er
sein straff/ wie jme die zu erkandt/ darumb leiden/
hinwieder auch sich getrösten wil / Weil er sich
dieser aufflage vnschuldig weis/ R. R. werde sich
gegen dem Grauen / so dieser verhör vorflucht/
vnd behelff gesucht/ der gebür nach wissen zu er-
zeigen. Dann dieweil es nicht an/ das die Röm.
Key. May. vnser aller gnedigster Herr / vns bey
derselben Curirer / gemelts von Grumbachs hal-
ben / auff vnser wiederwertigen befürderung vnd
anhalten / etwas ernstlichs geschrieben/ So ha-
ben wir vns doch nach gelegenheit allerhands
vmbstende / gar nicht versehen/ sondern in vnder-
thenigster / vnzweifelhafter hoffnung ge-
standen. Nach dem weiland Keyser Ferdinandus/
Christlicher vnd hochlöblichster gedechtnus/
sich gegen vns allergnedigst/ vnd mit diesen wor-
ten dahin erkleret / Wo ferne gemelter von Grum-
bach / sich durch gebürliche ordentliche/ vnd im
Reich herkomende wege / entweder der güte oder
des rechtens/ aus der Acht wirken/ Vnd als dann
ire Key. Ma. vmb gnade vnd vorzeihung ansuchē/
auch von des Reichs Chur oder Fürsten Vorbit
an ire May. bringen würde/ das sich ire Key. Ma.
aller gebür ferrer zu halten vnd zu erzeigen wissen
wolten.

wolten. Es solten nach solchem allergnedigsten/
vnd von ihrer Key. May. selbst gezeigten weg/vnd
gedachts von Grumbachs/ bey etzlichen Chur
vnnnd Fürsten / zuuorderst dem Churfürsten zu
Brandenburg / an sie gebrachten vorbitten / be-
rer er vnd seine Consorten / sich nichts minders
gegen der itzigen Kön. Key. Ma. vnserm aller gne-
digsten Herrn / in gleichnus schriftlichen vnnnd
mündtlichen gebraucht vnd beflissen/ vnd für sich
vnd seine Consorten/solche ire Sach/Ihrer Key.
May. zu aller gnedigster erkendtnis / mechtiglich
heimigestelt haben / auff itzigem Reichstage in-
halts irer Key. May. allergnedigsten beschehenen
erbietens / darinnen gehandelt / vnd zu erhaltung
vnd pflanzung / allerhands friedliebenden wes-
sens/ruhe vnd einigkeit im heiligen Reich/vormit-
telst irer Key. Ma. milde vnd gnade/gnedigst bey-
gelegt vnd vergliechen worden sein/Wie sich dann
Grumbach vnd seine Consorten / derselbigen in
höchster vnderthenigkeit getröstet / vnd darauff
mit sonderm begierden vnd verlangen gewartet/
wir für vns selbst daran keinen zweiuvel gehabt.
Dann darfür wollen es L. L. gewislich vnnnd vn-
zweiuvelich halten/das wir aus getrewer vnterthe-
nigkeit / vñ wolmeinendem hertzen/genanten von
Grumbachen / sonsten vmb keiner andern vrsach
willen/ vnd auff sonderliche vorgehende seine ver-
pflichtung/das er vñ seine Consorten/sich in allwe-
ge friedlich erzeigen woltē/auffgenommen. Dann
damit nur im heiligen Reich Deudtscher Nation/

G iij der

der geliebte friede befürdert / vnd allerhands
weiter schedliche empörung vnd vnruhe / so nach
der Wirtzburgischen einnehmung / leichtlich one
jemandes ver hinderung / mit noch grösserer ge-
fahr vnd beschwerung / hett können entstehen/
vormittels Göttlicher gnaden vorhüt werden
möcht / wie dann auch beschehen. Das aber
solchs ihr vnderthenigs vertrauen vnd hoffen/
auch hienorigen Keyser Ferdinanden / fürgeschla-
gener weg / vnd itziger Key. May. vnser aller gne-
digsten Herrn / beschehenes aller gnedigstes er-
bieten / so gar hindan gesetzt / vnd mit der Ober-
acht wieder sie geeilet / Vnd also alles jr vnderthe-
nigsts anbieten / nicht angesehen / sondern dahin
gearbeit worden ist / vmb ihre als wenigen Perso-
nen / zuuorderst des von Grunibachs willen / so
numehr ein alter / verlebter gebrechlicher Man /
vnd sich alle tage vnd stunden / sterbens gefahr
besorgen mus / im heiligen Reich / mit sonderer
geltbildung / darzu sie viel zu wenig auch des Ko-
stens nicht werd sein / die Execution der Ober-
acht / wieder sie zuuolstrecken / Solchs haben wir
vns / neben jnen / gar nicht versehen auch mit nicht
wenig bekümmerten gemüte / vernommen / dann
sie je nichts mehr / dann nur gnade vnd Barmher-
zigkeit suchen / bitten / vnd das sie aus itzigem vn-
frieden / in den heilsamen frieden vnd ruhe / ge-
setzt werden möchten / begeren / Auch ihre gantz
sach / Key. May. neben einem vnterthenigsten fuß-
fall / auffobberürten weiland Keyser Ferdinanden /
hochlob

hochlöblichster gedechtnis / allergnädigsten ge-
zeigten weg der güte / heimgestellt haben / Zu
dem / das ihr gegenpart / vnser lieber freunt / der
Bischoff zu Wirtzburg selbst / nicht in abreden
sein wirdet / Solches auch aus beyliegender Co-
pey zuuernemen ist / das sein E. hienor / vnd als
bald nach dem ersten ausgegangnen Achts
Mandat / vmb Cassation derselbigen anfanglich
ire Ma. vndertheniglich gebeten. Darumb haben
wir nicht vmbgehen können / solchs alles not-
turfftiglich mit weiter ausführung itziger Key. M.
vnserm allergnädigsten Herrn / in aller vnderthe-
niger demut / zu erkennen zu geben / Darvon E. E.
wir hieneben vorwart / Copey vberschicken. Vnd
sind zu höchstgedachter Key. Ma. des vnderthe-
nigsten vertrauens vnd zuversicht / Ihre Key.
May. als der friedfertige / milde vnd gnädigste
Herr vnd Keyser / werden diese Sachen / in gne-
digster betrachtung allerhands vmbstende / aller
gnädigst zu genüt ziehen / vnd darauff eines an-
dern allergnädigsten bescheids sich erklären / vnd
zu diesem starcken vnd rawen weg der Executi-
on / wieder vns / Grumbachen vnd seine Conso-
ten / nicht bewegen lassen. Vnd gelanget an E. E.
vnser freuntlichs bitten / dieselbe wolle solche vn-
sere vnderthenigste entschuldigung / vnbeschwert
auch lesen / vnd sich darinnen vnser zu E. E. ha-
benden freuntlichen zuversicht nach / zu vnserm
besten / freuntlich vnd Vetterlich erzeigen / Auch
wieder vns vnd vnser wenige Lande vnd Vnder-
thanen

D

thanen

thanen nicht auffbringen / vnnnd genandten von
Grumbach / als einen alten / Francken / Podageris
schen Man / aus vngnedigem verdacht lassen /
Vnd sich in dem allem / also freuntlich vnd Vets
terlich beweisen / Wie E. E. von vns in gleichnus /
wolten gethan nemen / Das sind wir hinwieder /
vmb E. E. freuntlich vnd Vetterlich zu verdienen
willig / Datum Grimmenstein / den 3. Junij /
1566.

Wertzog Johansfriedrich
der Mittler zu Sachssen/etc.

An Wertzog Augusten zu
Sachssen Churfürsten/etc.

P



Ußer freuntlich dienst/
vnd was wir liebs vnd gut ver
mögen / zuuorn / Hochgeborner
Fürst / freuntlicher lieber Vets
ter / Schwager / Bruder vnd Ges
fatter / Wir haben E. E. Ant
wort / den 3. Junij datirt / auff vn
ser iüngst schreiben / zu vnsern handen empfan
gen vnnnd vorlesen / Können daraus nochmals
nicht befinden das sich E. E. bishero oder noch
der geschwornen Erbeinung / so viel den Ech
ter Wilhelm Grumbachen belangt / gemess er
zeiget /

stiget / Sintemal es das werck an ihme selbst viel
anders ausweist / Vnd sicht vns wenig an/was
zu seiner vormeinten entschuldigung ferner fürge-
wendet wird / in erwegung / das wir nicht allein
des Grauen/sondern auch anderer mehr ehrlicher
Leute vom Adel/gleichformige aussage vnd war-
nung haben / die zu seiner zeit/ auch an tag kom-
men sollen. Was auch etzliche gefangene auff vns
bestaltē mörderische Verrhete / deshalbē be-
standt vnd ausgesagt / Vnd sich erbiēten den Ech-
tern vnder die Augen zu sagen / vnd zu bekennen/
auch darauff zu sterben/Das hat E. E. aus bey-
erwarten warhafftigen Copien der vrgichten zu
vernemen / darinne sich E. E. ersehen/ vnd bey sich
bedencken wollen./ Ob solchs alles zu freundtli-
chem Vetterlichen willen dienen könne/ Vnnd ob
sich E. E. der Erbeinung gemess verhalte/ vnd E.
E. vber solches alles gebüre/ die jenigen so vns mit
Gifft vnd mordt/ nach leib vnd leben trachten/
zu hausen/ zu hegen / vnnd zu entschuldigen/Wir
stellens vnser theils zu der Key. May. Chur vnd
Fürsten/ des heiligen Reichs / so E. E. so wol als
vns vorwandt / ermessen / Vnnd weil wir E. E.
je darzu die wenigste Ursache / nicht gegeben/
So hoffen wir / es werde eine zeit kommen/
das E. E. ihren Vnfug selbst erkennen werden.
Was E. E. fernere erzehlung vnnd einfühung/
von des Echters gelegenheit / vnnd der Antwort/
so E. E. vnlangst der Key. May. gegeben/neben
andern vberschiekten Copien betrifft / Solchs
D ij stellen

stellen wir an seinen ort / Vnd haben wir dieselben
schrifften zuvor / mit fleis gelesen / Sind auch
der Key. May. Antwort / auff E. L. jüngst schrei-
ben berichtet. Wollen vns zu E. L. nochmals
freundtlich versehen / E. L. werde der Key. May.
Mandaten / gehorsamlich pariren / vnnnd sich ge-
gen vns / vermüge der geschwornen Erbeinung /
vnd vnsern hiebeur / an E. L. gethanen schreiben /
vnd suchungen / vnweigerlich erzeigen / Wie solchs
E. L. von vns / in gleichem fall gethan haben wol-
ten. Vnd sind hierauff E. L. richtigen Antwort /
bey gegenwertigen vnserm reitenden Diener /
welchen wir neben E. L. Diener abgefertigt / dar-
nach wir vns zu achten gewertig / Datum / Dres-
den / den 12. Junij / Anno 1566.

Von Gottes Gnaden / Augustus
Hertzog zu Sachsen / des heiligen
Römischen Reichs Ertzmarschalch
vnd Churfürst / Landtgraff in Dür-
ringen / Marggraff zu Meissen / vnd
Burggraff zu Magdeburg.

An Hertzog Johansfriedrichen
den Mittlern / zu Sachsen / etc.

Folgen die Vrgichten / darauff
sich disz. des Churfürsten schrei-
ben Referiren thut.

Den

Den fünfften Junij / ist Hans von
Freiberg/sonst Beheim genant/ Erslich in
der gütē / vnn̄d. folgend̄s in der scherffe/
befragt worden/ Vnd hat güt-
lichen ausgesagt.

Als er nochmals darauff beharre/was
er Wilhelmen von Grumbachs/vnd ande-
rer puncten halben bekandt.

Vnd gestehet/das ihnen Grumbach/als er
ihme drey Ihar gedienet auch die Stadt Wirtz-
burg / in dem beschehenen einfall/verrahten helf-
fen / neben Wilhelmen vom Stein/den Churfür-
sten zu Sachssen / etc. zu verkundtschaffen abge-
fertigt.

Solchs sey geschehen zu Gotha / zwischen
Michaelis vnd Martini/vor zweien Jaren.

Sie hetten ihme befohlen/er solte hierein zie-
hen/vnd sehen wo der Churfürst das Zelt in Wel-
den auffschlagen/ Auch wie S. Churf. S. sich be-
wachen lieffen / Solches solte er/sie persönlich in
eil/ zu Gotha berichten / vnn̄d in sonderheit solte
er sich auff die Schwartzbürgischen Welde be-
geben.

Er kenne den Churfürsten nicht/habe auch
S. Churf. G. Person niemals gesehen/ Er habe
sich aber vornemen lassen/wie das er kundtschafft
mit den Forstern habe/ Inmassen er dann den
Forster zu Dornisdorff wol kenne.

Damals habe jme Grumbach sieben Tha-
ler zur zerung/vnd einen Klepper gegeben/ Es ha-
ben ihn aber Grumbach vnd Stein/zu gleich ab-
gesandt.

Sie haben jnen vertroestet/das sie jme zu Go-
tha oder Weimar/zu einer statlichen nahrung helf-
fen wolten.

Dierauff hette er jhnen kundtschafft ein-
bracht/das der Churfürst vmb Schwartzburg
nicht jagen würde/da hette Grumbach gelachtet/
vnd gesagt/es wurde sich mit der zeit noch wol
schicken.

Vnd so viel vormarckt/weren sie damit vmb-
gangen/das sie den Churfürsten auffn Weiden/
vberfallen vnd wegfüren wolten.

Darnach habe Grumbach allein jnen vorm
Jare/vmb Martini herein geschickt/das er aber
mals höre solte/ob der Churfürst vmb Schwartz-
burg/oder den Eibenstock vorhanden. Do-
mals hette Grumbach viel Edelleute aus Fran-
cken bey jhme gehabt/Es were auch einer aus
dem Lande zu Meissen/mit namen Sebalt N.
ein starcker gesätzter Man/in einem grawolis-
chen Barte/etwan fünfzig Jar alt/bey jhme ge-
wesen.

Da

Da hette er Post bracht/ das S. Churf. S.
kürtzlich der örter kommen würde / Darauß
Grumbach gesagt/ er hette gute Gesellen in Weis-
sen/ die wolte er besuchen.

Der gefangene Beheim/ sey aber niemals an
die örter kommen/ da der Churfürst gewesen.

Von ihren Anschlegen/ hetten sie jnen nichts
wissen lassen / So viel hette er wol gehört/ Wann
sie den Churfürsten bekommen köndten/ so wol-
ten sie die Thur auch wol wiederumb erlangen/
Vnnd bey diesen gesprechen / sey Walröder der
Kendtman von Coburg auch ein mal gewes-
sen.

Sie hetten jhme sonst niemands zugeord-
net / Sondern jnen allein abgefertigt/ vnd wieder-
rumb zu sich/ gegen Gotha bescheiden/ vnnnd dis-
mals weren jhme neun Thaler zur zerung gege-
ben worden.

Des Churfürsten zu Sachssen Kethe vnd
Diener halben / hetten sie jme nichts sonderlichs
befohlen / allein hette er Ponnicken gedencken hö-
ren/ das er es vor Leiptzig bey dem alten Churfür-
sten nicht recht ausgerichtet hette.

Es hette jhme auch Grumbach gesagt/
Wann er also herein ins Landt geschickt würde/
so solte er den Kendtmeister / vnnnd andere des
Churfürsten fürneme Kethe vnnnd Diener kennen
lernen.

D iij Vorn

Vorn Jare vmb Bartholomei/haben Wilhelm von Grumbach/vnd Wilhelm vom Stein/ ihnen der gestalt abgefertiget / Das er dem Churfürsten auff den Welden vnd Jagten nachschleichen/vnd S. Churf. G. erschiesßen solte/Vnd hat inen einen Eidt/so inen fürgelesen worden/ schwören müssen / das er solchen befehlich trewlich verichten / Vnd wann er darüber gleich gefangen würde / von diesen dingen nichts bekennen wolte/ Darzu hette ihme Grumbach eine Büchße/auch ein Jegerhorn / so zu Deltburg darzu gemacht worden/gegeben.

Vnd er hette eine Birschbüchße/von einem bey Saluelt entlehnet / vnd sein Schwert an die stadt gelassen.

Vnd die Fürbüchße hette er dem Forster zu Gröden / vber dem Schraden / Adam gegeben/ so Grumbachs gewesen.

Aber das lange Xhor hette er einem von Ihena / zu Rudelstadt / vmb zwene Thaler verkauft.

Sie hetten ime auch hernacher befohlen/das er auff den Churfürsten/wann S. Churf. G. nach dem Reichstage ziehen würden / achtung geben/vnd sich als dann zum hauffen machen solte/vnd sehen/ob er auff den Churfürsten/wann S. Churf. G. zu Zwickaw ausgezogen / losdrücken / vnd darauff darvon komen köndte.

Vnd diese abfertigung / sey zu Gotha auffm Schloß geschehen / mit dieser vertroöstung/
Wann

Wann er dieses also recht ausrichten würde / das
sie inen zu einem reichen vnd städtlichen Manne
machen wolten / Vnd solches alles wolle er inen
selbst vnter augen sagen.

Von Gotha sey er auff den Schneberg kom-
men / vnd darnach hin vnd wieder im Lande her-
umb gezogen.

Sie hetten inen fürnemlich auff die Schwartz-
bürgischen Welde abgefertigt.

Wann er aber gleich an den Churfürsten
kommen were / So hette er das hertz die that zu-
vorbringen / nicht gehabt.

Es were ime sonst niemandes zugeordnet
worden / So were er auch darsieder nicht wieder-
umb zu Grumbach kommen / sondern gefangen
worden.

Folgendes hat man angefangen / be-
melten Beheimen peinlichen anzugreifen /
vnd inen ernstlich zuuorn vormanet / das
er niemands vnrecht thun / vnd
den grundt der warheit be-
kennen solte.

D hat er anfenglichen fürgeben / das es
nichts were / was er von Grumbachen be-
richtet.
Als bald man in aber seiner vorigen bekent-
nussen erinnert / da hat er nochmals gestanden /
das

das es je alles war were/was er aus gesagt hette/
vnd hette itzo diß allein darumb fürgewandt/
das er verhoffet / man würde derwegen von jme
abelassen.

Vnd hat ausgesagt/das auch Hertzog Jo-
hansfriedrich zu Sachßen / etc. neben Grumbach-
chen / vnd Wilhelmen vom Stein / bey obberür-
ter seiner letzern abfertigung / den Churfürsten zu
Sachßen zu erschießen / gewesen / vnd solches
were kurtz vor Weinachten vrschieden / zu Go-
tha auffm Schlos / im newen Gemach/wie man
es allda nennet / geschehen / vnn hette jme gar
großße vertröstungen gethan.

Als sich auch Beheim vernemen lassen / das
er einen Vetterman des Churfürsten Woffe hette/
darauff hett jme der Hertzog selbst / Grumbach
vnd Stein / ein gepüluert kraut / in einem Papir
mit gegeben / vnd befohlen / das er sich zu seinem
Freunde / an des Churfürsten Woffe begeben / zu
den Köchen machen / vnd sehen solte / ob er des
Puluers dem Churfürsten in das essen werffen
kündte / vnd solches were ein graw klein Puluer
gewesen / Vnd er solte also auff beide wege mit
giff vnd schießen / dem Churfürsten nach dem le-
ben trachten.

Solch Puluer hette er darnach | Wolffen
Albrechten / dem Wirt zu Saluelt / sampt einer
Büchßen / daran der Dan zurspringen/auffzu-
heben gegeben / der hette es auch noch beides bey
sich.

Mit

Mit diesem Wirte hette er gute kundtschafft/
vnd derselbige were Grumbachs guter Freundt/
Dann ime auch Grumbach / nach dem einfall in
Wirtzburg / vier vergülte Becher / welche eines
teils des Thumprobsts gewesen / geschanckt / So
stünde derselbige Wirt auch bey Hertzog Jo-
hansfriedrichen in besondern gnaden / vnd were
dieser anschlege mit berichtet.

Vnd auff solches alles / ist er durchaus / in
der scharffen fragen / bestanden / vnd gesagt das
er darauff / auch also bestendiglich verharren vnd
sterben wolte.

Er wolte auch Grumbachen vnd den andern
solches vnter augen sagen.

Des andern folgenden tages / ist er aus-
führlich erinnert vnd vermanet worden / das er
sich recht bedencken / vnd niemands mit vnwar-
heit nochmals bezüchtigen solte / Da ist er noch
endtlichen auff der gesterigen aussage vnd Dr-
gicht bestanden.

Extract / aus Philipsen Blassen aussage vnd Drgicht.

EX sen vorm Jare / vmb Bartholomei
gegen Weimar / zu Dansen von Wildes-
heim / welcher Hertzog Johansfriedrichs

zu Sachssen Diener am Dofe ist / kommen / Da
hette ime / bemeelter Dans von Wildesheim ver-
trawet / das einer vom Adel da were / der gebe für /
das itzo der Churfürst zu Sachssen / wol bey dem
kopffe zu bekommen were / vnd das sie bedacht /
sich darumb anzunemen / vnnnd darauffhette inen
auch Dans von Wildesheim angesprochen / das
er mit reiten solte / So wolte er auch etzliche Ern-
sten von Mandelsloen Diener / vnnnd sonst noch
einen / der dieser örter wol kündig / mit nemen / Es
solte sie auch Jörg Döbel / welcher die wege wol
wüste führen / vnnnd wolten den Churfürsten /
wann S. Churf. G. Awerhanen birschen wurden /
vber fallen vnd wegführen / Es were aber dieser ritt
verblieben.

Er helt es vor gewiss / das Hertzog Johans
friedrich Wilhelm von Grumbach vnd Mandels-
lo / von diesem anschlage gewußt haben (Denn
er hette so viel verstanden / das man den Churfür-
sten nach Gotha führen wollen.

Albrecht von Rosenberg / were auch oft bey
den Lehtern gewesen.

Es were auch Jörg Döbel eine zeitlang
alle ne darumb am Doffe zu Gotha / wol gehalten
worden / das er anschlege / den Churfürsten weg
zu führen / angegeben / Es hette ime auch Hertzog
Johansfriedrich einen hübschē Gaul geschenkt.
Weil aber solche anschlege nicht angangen / we-
re Döbel mit vngnaden weg komen / vnd wurde
ime

ime stzo nachgetrachtet / das er erschossen wurde/
domit man von ime diese Pra cicken nicht erfah-
ren möchte.

Gleicher gestalt / wurde auch Romanns
Dehnen nachgestellt / welcher auch von diesen an-
schlegen wissenschaftt gehabt.

Herzog Johans friedrichs antwort darauff.

G.



User freundlich dienst /
vnd was wir liebs vnd guts ver-
mögen / zuuorn / Hochgebornen
Fürst / Frendtlicher lieber Vets-
ter / Schwager / Bruder vnd Ges-
fatter / Wir habē L.L. Antwort /
auff jüngst vnser schreiben / heut

Dato empfangen / vnd ires inhalts / sampt mit v-
berschickten Extracten / zweier Orgichten gelesen /
Vnd nach dem wir L.L. in jüngsten vnd hievori-
gen vnsern schriffen / nach notturfft bericht ge-
than / wes sich auff Graff Bünthers vō Schwartz-
burgs angeben / vnser Radt / vnd lieber getreuer
Wilhelm von Grumbach entschuldiget / auch dero-
halben nochmals mit ime dem Graffen zu verhör
für zukomen / vnd sein vnschuld / darzuthun /

J iij

vnderthan

vndertheniglich vrbüttig ist / vnd desselbigen
kein schew hat / So haben wir vns / zu E. E. vnser
beiderseits freundlichen verwandtnus nach / vn-
zweienlich versehen / E. E. solten vns mit anzie-
hung der Erbeinungen nach gelegenheit / das die-
se ding noch nicht ausführlich gemacht / freundt-
lich verschonet haben / Dann wiewol wir aus
berürten vberschickten auszügen vermercken / was
Philips Bläss / vnd noch einer Beheim genant /
wieder Wilhelm von Grumbach / vnd sonsten
ausgesagt haben sol / Welches vns nicht wenig
zuuernemen befremdblich / So sagen wir doch so
viel vnser Person anlanget / zu vnser warhafftigen
entschuldigung / das wir diesen Blässen oder
Beheim / die zeit vnser lebenslang nicht gesehen /
viel weniger für vns komen lassen / oder auch vmb
das geringste irer vnthaten / damit man vns nu-
mehr gerne mit vngrundt vnd gesparter warheit /
vnserer Fürstlichen Reputation / vnnd wolherge-
brachten Fürstlichen namens / zu verkleinerung /
zu beschmützen / vnd zu beschuldigen / vormeinet /
Aber daran vnrecht thut / vnnd in ewigkeit nicht
beweiset werden mag / einich wissenschaft tra-
gen / oder die zeit vnser lebens / solches in sinn ge-
nomen haben / noch auch mit solchen oder der glei-
chen leichtfertigen Leuten vmb gangen sein / Vnnd
müssen es schier dafür achten / das sich E. E. ger-
ne zu vns / darzu wir doch E. E. bis daher zurbil-
ligkeit kein vrsach gegeben / nötigen / vnnd solchen
anschiffungen mehr glauben / dann in vns eini-
ges

ges freuntliches vertrauen stellen / Wann wir
dann diese beschuldigung/gedachtem von Grun-
bach vnd andern / gar nicht zu trawen / Aber
gleichwol die vnuermeydliche notturfft zu sein
achten / das wir ime/vnd den darin angezogenen
Personen/diese aussagen fürhalten/Als sind wir
bedacht / sie mit ernst darumb zu befragen/vnd ir
wissenschaft darauff zu hören / Vnd vns als
dann gegen E.E. bey eigener Botschafft mit Ant-
wort ferrer vernemen zu lassen / Freuntlich bit-
tende/E.E. wolle dem/was also wieder vns ge-
sagt / daran vns dann/wie gehört / gewalt vnd
vnrecht geschicht / kein stadt noch glauben zu stel-
len/Vnd woltens E.E. hinwieder in Antwort/vn-
ser vnuermeydlichen notturfft nach/freuntli-
cher meinung nicht bergen / Sind auch dersel-
bigen/freuntlich zu dienen willig / Das
zum Grunnenstein/den 16.

Junij. 1566.

Wertzog Johansfriedrich der
Mitler zu Sachssen/etc.

An Wertzog Augusten zu
Sachssen Churfürst/etc.

I iij

Andere

Andere Hertog Johansfriedrichs
Resolutive Antwort/darauff sich
die vorige Referiren
thut.

2



User freundlich dienst/
vnd was wir liebs vnd guts ver-
mügen / zuuorn / Dochgeborner
Fürst / freundtlicher lieber Vet-
ter / Schwager Bruder vnd Ges-
fatter / Nach dem auff E. E. jün-
stes an vns gethanes schreiben/
in sachen den vhesten vnsern Radt / vnd lieben ge-
trewen Wilhelmen von Grumbach / vnd etzliche
wieder jnen durch seine mißgünstige / mit vns
grundt erdichtete aufflagen / belangent / wir da-
mals in der eile / vnd also balde / von wegen ander-
rer vnserer mercklichen obliegenden geschestten/
nach erheischender gebür vnd notturfft E. E. nicht
haben beantworten können / Vns aber doch zu
anderweit vnd forderlichen Antwort / freundtlich
erbotten haben. Als bitten wir erslich freundt-
lich / E. E. wolten ob diesem vorzuge / kein vns
freundtliches gefallen tragen / auch vnjere fol-
gende jegenuorwundunge / von vns / nicht vn-
freundtlich / sondern aus erfordderung derer sa-
chen gelegenheit / allenthalben nach gleichmäss-
gen

gen vnd billichen dingen vermercken vnd erwe-
gen/Dann so viel die wieder des von Grumbachs
person bezichtigte / vnnnd von dem Grauen herrüh-
rende zumessung / betrifft / haben wir E. E. hie-
vor / seine ausführliche / vnd in schriftten mit
notturfftiger anziehung / aller vmbstende dieser
sachen / gethane entschuldigung / sampt ange-
haffter vnderthenigster bitt / vnnnd erbieten vber-
schicket.

Vnd ob wir nu wol / aus berürtem jüngsten
E. E. schreiben / verstanden/das E. E. nochmals
hieran keine ersettigung vnnnd billichs begnügen
haben wollen / So können wir doch in deme E.
E. ires sinnes nicht pflegen / auch derer nicht ziel
oder maß setzen/gleich so wenig rns auch gebür-
ren wolte/auff den von Grumbach/vber seine an-
sehenliche vnd erhebliche entschuldigung / auch
billichs vnd rechtliches erbieten / weiter zudrin-
gen.

In sonderheit aber / vnd alldieweil der von
Grumbach / auff sein standthafftiges /auch aus
vielen vernünftigen vrsachen / ergründetes nicht
gestehen / dem Grauen die vnerfindliche auffla-
ge / wie zu Recht gnugsam zu beweisen/vnd auf-
serhalb einiger erheblichen beweisung/die gespar-
te warheit hinwieder zuschiebet/auch darauff sich
zu öffentlicher verhöör/vnd gegen dem Grauen/als
seinem bezichtiger / zu gnugsamer verantwortung
vnd vertretung seiner vnschuldt / vnd chren not-
turfft erbieten thut.

A

So

So wolte vns je nicht gebüren / one einigen
vorgehenden vnd glaubwürdiglich ausgeführten
beweis / oder sonsten one bescheinung rechtlicher
vermutungen / eine Inquisition / Purgation oder
derer gleichen Proceß / auff des Grauen / als ei-
ner einzlichen person / vnuereidete / auch sonsten
im Rechten nicht gnugsame qualifizierte ankün-
digung oder berüchtigung / wieder genannten von
Grumbach anzustellen / Dann dem alten gemeis-
nen vnd warhafftigen Sprichwort nach / So ist
eines Mannes rede keine rede / darumb sol man
sie hören beide / Zu dem / das auch L. L. so wol als
vns / des Grauen gelegenheit bewußt ist.

Vnd ob auch gleich der Graff / Ernst von
Mandelslo vnd Aschen von Dolle / solche bezeich-
tigung vermeldet / So wendet doch der von
Grumbach darwieder vor / das der Graff diesel-
be ge dardurch gar nicht beweiset / Sondern viel
mehr sich selbst / damit als einen vorsetzlichen
Delatorn vnd berüchtiger / vberweiset habe / Vnd
demnach nicht zu gleich eines ankündigers / vnd
selbst zeugers stadt vertragen möge. Darumb
dann L. L. so wenig als wir / auff des Grauen vner-
weiset Denunciation / Delation vñ berüchtigung
einen grundt zu setzen gemeinet sein / Auch dem-
nach an des von Grumbachs vnderthenigstem
bitten vnd er bieten / zu frieden sein werden / Als
nemlich / das wir nochmals den Grauen / zu for-
derlichster gelegenheit / gegen dem von Grumbach

bach zu freier vnuorbedchtiger Audientz / vnd
ausführung beider teil / grundes vnd fuges vor
bescheiden.

Damit aber E. E. vns aller partheiligkeit
vnd verdachts zuentheben / auch weiter erfor
schung vnd ergründung dieser sachen / mit meh
rer gedult zuerwarten / geneigt sein mögen / So
können wir wol leiden vnd freundlich geschehen
lassen / das als dann auff solchen vorbechiedt /
E. E. etzliche ire Abete / oder vertrawete Diener
auch schicken / Welche dann beneben vns / die ge
legenheit des handels / beider partheien vorbrin
gens vnd ausübung mit anhören / vnd folgendes
wie sie den Handel befunden / darvon selbst
E. E. bericht thun mögen. In freundtlicher zu
uersicht E. E. werden auff solches vnser gleich
messiges erbieten / gnugsam spüren / Das wir
als der do dieser sachen / one einige Affection/
vnd vnuerweislich nachzugehen bedacht / kei
nes wegs gegen E. E. der geschwornen Erbeiz
nung zu wieder / oder auch im aller geringsten
vngemes verhalten haben / Wie wir dann auch
nochmals hinfort / vormittelst Göttlicher hülff/
vns gleichsals zu erzeigen geneigt sein / Vnd
demnach mit beschwerlicher anziehung / derer
nicht gehaltenen Erbeinung von E. E. billich ver
schonet bleiben / Darumb wir auch E. E. freundt
lich gebeten haben wollen / darmit wir nicht
hinwieder vrsach gewinnen / E. E. des jenigen
K ij auff

auff die geschworne Erbeinung auch zu erinnern/
welchs E. L. vnnnd das es vns / derer massen vnnnd
mit gutem grunde vorkomen sein solt allerley ge
dancken vnnnd nachdenckens erregen würde.

Als viel aber den andern Punct / vnd das
zweue E. L. gefangene Vbeltheter / nicht alleine
auff den von Grumbach vnnnd Wilhelmen vom
Stein / sondern auch wieder vnser Person / selbs
sten / in jren Vrgichten lügenhafftige aussagun
gen gethan / Als ob sie von vns / vnd jnen zu mör
dirischen Verrhetern / auff E. L. solten bestellet
worden sein. So ist vns abermals gantz befrembd
lich / wunderbarlich / vnnnd do es E. L. nicht selbs
sten von sich an vns geschrieben hetten / wol vn
glaublich zuuernemen gewesen / Das E. L. auff
ein solches abscherwliches mißstrawen wieder vns
als jren nahen Blutsfreundt / gerädten sein /
Vnnnd solcher gefangner / erstlich aus fürcht der
marter / erschreckten / vnnnd folgendts mit der
Tortur gepeinigten mißshendler / erzwungenen
nichtigen Vrgichten / wieder vns / vnd die genan
ten zwo Personē / nicht allein voltkomlichen stadt
vnd glauben geben / Sondern auch vnser Person /
damit vnuerholen beschuldigen dörrffen / Sinte
mal sie diese ausdrückliche wort in jrem schreiben /
gegen vns gebrachen / Nemlich aus beyuerwar
ten warhafftigen Copeien der Vrgichten / wollen
E. L. ersehen / vnnnd bey sich bedencken / ob solches
alles zu freundtlichem Vetterlichen willen dienen
könne //

könne / vnnd ob sich L. L. der Erbeinung genieß
verhalten / vnd L. L. vber solches alles gebüre/
diejenigen / so vns mit giff vnd mordt / nach Leib
vnd leben trachten / zu haussen / zu hegen / vnnd zu
entschuldigen / etc. Item / Vnd weil wir L. L. hier
zu die wenigste vrsach nicht gegeben / So hoffen
wir / es werde eine zeit kommen / das L. L. sren vns
fug selbst erkennen werden / etc.

Dann aus diesen L. L. Worten / erscheinet so
vñel / gleichsam als were vnnd müste dasjenige/
so wider ehrliche Leute / vnd zuvorderst wieder ei-
nen / Gott lob / vnd mit gebürlichem rhum zu re-
den / vnbescholtenen Fürsten / oder auch gegen
Personen / so noch zur zeit keines wegs vberwei-
set / vberzenget / noch vberwunden sind / durch ei-
nen oder mehr Vbeltheter / nichtiger weise ausge-
saget wurde / gantz gewis ergründet / vnnd die vn-
zweienliche warheit sein / Auch darauff wir als
balde / von L. L. dermassen vngeschewet ange-
griffen / des vnsfugs / vnnd vngemeißer nicht hal-
tung der Erbeinung beschuldiget werden sollen /
Do doch L. L. nichts weniger / als wir / in vns-
fern / durch Gottes gnade verliehenen Landtres-
gierungen / durch manchfeltige Exempel / vnd
der Rechts verstendigen berichte / wol erfahren
haben / Das die Vrgichten von Vbelthetern / auff
vnbescholtene Leute aus gesagt / in allen beschrie-
benen Rechten / keinen glauben / trafft noch wir-
ckung haben.

So ist auch bey vnsern hochlöblichen Vor-
fahren / so wol als bey vns selbst / niemals her-
kommen / mit vnansehnlichen geringen vnd
leichtfertigen Leuten / wie diese Vbeltheter sind /
vmbzugehen / gemeinschaft zu haben / oder auch
dieselbigen vor vns / vnd in vnser Gemach kom-
men zu lassen / Inmassen dann der eine Vbelthe-
ter wieder vns / in seiner erdichten Vrgicht / hat
berichten dörrffen / oder müssen.

Dererhalben / So hetten wir vns / zu E. E. je
des Vetterlichen vnd freundlichen willens / one
allen zweifel / zu versehen gehabt / Das E. E. viel
mehr solche vermeinte Vrgichten solten / als krafft
vnd machtlos verworffen / dann wieder vns / vnd
die vnsern / solcher gestalt auffgeblasen / vnd vor
eine in dem Rechten zulesliche beweisung ange-
zogen haben / Darumb dann auch vmb so viel
mehr E. E. sich hierinnen zu bedencken / vnd der
Erbeinung zu erinnern schuldig gewesen / vnd
noch sind / aus krafft welcher ein jeder Erbei-
nungs verwandter / Chur oder Fürst / den andern
mit allen trewen zu lieben / ehren vnd fordern /
Auch was dem andern an seinen ehren vnd wirs-
den / zu nachteil gereichen möchte / zuuerhüten vnd
abzuwenden verpflichtet ist.

Vnd demnach keinem teil gebüret / einigen
berücktigten Menschen vnd mißshendeler / in
seiner vermeinten nichtigen Vrgicht zu stercken /
vnd

vnd also viel weniger / durch vngereumbte frembde / vnd in allem Rechten / verbottene befragung / solche vrsach vnnnd anleitung zugeben / damit ein Vbeltheter auff Personen / daran er sonst niemals gedacht hette / so zu seiner gesellschaft nicht gehörig / auch ime zu seinem Deubte viel zu hoch sind / zuvorderst aber auff einen Erbeinungs verwandten Fürsten / vnd derselbigen Diener etwas zu e. dichten / vnnnd sich dadurch der scharffen fragen zuentledigen.

Das aber solche vngereumbte vnnnd zugenössige befragungen in gegenwertigem fall beschehen sein müssen / Solches erscheinet klerlich aus den vermeinten abgedrungenen Vrgichten / welche wir dann auff E. L. selbstnen verantwortung / dem Rechten nach stellen / vnnnd sonst aber solche vnkrefftige vnd verworffene Vrgichten / auff irem schnöden vnwerdt / beruhen lassen / Als die do viel zu wenig / gering vnd zu leichte an irem halt / schrot vnd korn sein / das wir deshalb vnseren schutz / wehren / vnd rechtliche behelff / darwieder gebrauchen / oder mit E. L. viel disputirens darumb machen solten / Alleine das wir nicht werden vnderlassen können / solche von E. L. vns bezeugnete zunötigung vnd beschuldigung / an die Hochgeborne / vnseren vnd E. L. mit Erbeinungs verwandte Thur vnd Fürsten / gelangen zu lassen / Vnd vns hierinnen irer E. radts vnd hülff zuerholen / In welchem vns dan E. L. vnd das wir solcher

A iij beschwer

beschwerlichen anzüge / hinfort vberig vnd ver-
hoben bleiben / nicht zumordencken haben mögen /
Sonsten aber / vnd was die zwene obbenante
ehrliche vom Adel / Wilhelmen von Grumbach /
vnd Wilhelmen vom Stein / auch irer Personen
hefftige vnd geschwinde beschuldigungen anlan-
get / So men von E. E. gleicher gestalt auch / wie
berürt / begegnet sind / haben wir men eine Co-
pey / von solchen E. E. schreiben / zustellen lassen.
Was sie aber vns nun herwieder darauff zu vns-
dertheniger Antwort gegeben / Auch wohin ir
vntertheniges erbieten / gerichtet stehet / Das
thun wir E. E. aus hierbey verwartem schreiben /
nach der lenge zu vernemen / freundlich vbersen-
den. Vnd nach dem sie sich aus reinem gewis-
sen die offtermelte krafftlose Vrgichten / gar nichts
irren noch anfechten / auch viel weniger vberzeu-
gen lassen / Sondern vnparteiysch Recht / an ge-
bürenden örten vnd enden / auff den fall / do sie E.
E. je des Rechtens nicht erlassen solte / geben vnd
nemen wollen. So haben E. E. leichtlich zu be-
dencken / das vns so wenig als E. E. gebühren
wolle / die einige Nichtschmurr / des billichen vnd
ordentlichen Rechtens / gegen men als vnsern
Dienern / derer wir dann zu Recht vnnnd aller bil-
ligkeit mechtig sind zu vberschreiten. Das aber
auch E. E. beschlieslich in irem schreiben mit an-
hängen / Welcher gestalt sie sich zu vns freundt-
lich versehen / wir werden der Key. Ma. Manda-
ten gehorsamlich pariren / vnd vns gegen E. E. vor-
müge

maße der geschwornen Erbeinung/ vnweigerlich
verhalten. In dem allen thun E. L. recht vnd wol/
auch vns zu besönderm gefallen / dann dieweil
wir vor vns selbstem / aus eigener erinnerung / der
höchstgedachten Key. Ma. als vnserm von Gott
geordentem Oberheubt vnd allergnedigstem
Derrn/ vnderthenigsten willigen vnd schuldigen
gehorsam / jeder zeit zu beweisen geneigt / Vnd
dann folgens gegen E. L. mit gebührendem thum
zu melden / der geschwornen Erbeinung/ vnd was
dieselbige vermag / vns allewege vnweigerlich
verhalten / So sollen auch nochmals mit Gottes
hülff E. L. in dieser irer gegen vns tragenden
freundlichen zumorsicht / nicht irren/ noch einigen
mißsantz thun / Sondern vns mit dem werck
warhafftig / bestendig vnd wilferig finden / Aber
doch so werden auch E. L. dargegen vns zu keinem
argen stellen/ do wir der geschwornen Erbeinung/
einen gleichen rechtmessigen / aber nicht wieder
sinnlichen vorstand behalten / vnd vns darüber
wieder die Erbeinung vnd beschriebene Recht /
nicht weiter bereden noch vormügen lassen.

Das wolten wir E. L. zu freundtlicher vnd
begerter wieder Antwort / bey vnserm eigenem
Boten nicht vorhalten / Datum Grinmenstein/
den 27. Junij 1566.

Hertzog Johansfriedrich
der Rittler zu Sachsen etc.

An Hertzog Augusten zu
Sachsen Churfürsten etc.

E

Folget

Volget Grumbachs vnd Steins

Gegenbericht vnd verantwortung

auff beider Gefangner zu Dresß

den/Beheimis vnd Blassen

Vrgichten.

3



Nediger Fürst vnnnd

Herr / Auff E. S. G. befehllich/

ist vns ein Copey zugestellt wor-

den / von dem schreiben / so der

Durchleuchtigste Nochgebors-

ne Fürst vnd Herr / Herr Au-

gustus / Hertzog zu Sachsen/

Churfürst / vnd Burggraff zu Magdeburg / etc.

vnser gnedigster Herr / an E. S. G. vor wenig ta-

gen ausgehen lassen / mit gnedigem begeren / die-

weil die sache mehres theils vns beide belangen

thete / das wir demnach vnsern vnderthenigen

Gegenbericht / oder was sonst vnser notturfft

vnd gelegenheit sein würde / darauff in schriff-

ten verfertigen / vnd E. S. G. sich daraus zu erse-

hen / vbergeben solten. Demnach vnd von we-

gen solches erzeugten gnedigen willens / Thun ges-

gen E. S. G. wir vns vnderthenig bedancken /

Vnd dieweil wir aus hochgedachts Churfürsten

schreiben / gründlich vermercken / welcher gestalt /

vnd aus was vrsachen Ire Churf. G. zu hefftigen

vngnaden / Erstlich wieder mich Grumbachen

allein/

Allein/vnd folgendes wieder vns beide / ſempftlich
bewogen worden / Darbeneben aber ſolche vrsach
en dermaſſen geſchafften vnd gewandt/ das ſie/
da allein die warheit beſtünde/ vnſer ehre/ Leib
vnd leben / vnd alſo vnſer höchſtes gut / auff dies
ſer zeitlichen Welt belangen theten.

Als haben wir nicht allein E. F. G. zu vnder
thenigem gehorſam / ſondern auch zu errettung
vnſer vnſchuld / vnd verteidigung vnſer ehren vnd
leumuts / vns pflichtig erkennet / einen kurtzen
Summarischen vnd warhafftigen gegenbericht/
mit ſampt vnſerm vnderthenigem / angehefftem/
billichem / vnd rechtmieſſigem erbieten darauff
an E. F. G. zuthun. Demnach bitten wir vnder
theniglich / E. F. G. wollen ſolches von vns in
gnaden auffnehmen vnd vermercken / auch da es E.
F. G. nicht miſſfällig / daſſelbe zu fürderlichſter
gelegenheit / hochgedachtem Churfürſten vber
ſchicken laſſen.

Noch dem wir aber aus recht verſtendiger
bericht / vnd dann ſonſten aus etzlichen derglei
chen fellen/ ſo h. n vnd wieder guten ehrlichen Leu
ten auch begegnet / ſo viel wiſſen vnd vernommen
haben / Zu dem es auch die vernunfft vnd erbar
keit ſelbſten mit ſich bringet vnd einbildet / Das
gefangner Leut / durch marter vnd quall / oder je
aus fürcht derſelbigen / abgenötigte Vrgichten/
ſo zu vnglimpff vnd verkleinerung / redlicher vn
ſchuldiger Leut / ausgeſagt werden / nicht allein

Kein verkündliche noch vermittelliche beweisungen/
sondern viel mehr verleumdung / sind vnd dar-
für gehalten werden / Vnd also / weder in noch
außerhalb Rechtsens / einige krafft noch wirkung
haben. Darumb wir vns dann auch vmb solche
Vrgichten / sonderlich anzunehmen / nicht schül-
dig / Vnd doch aus vnderthenigkeit / keine schew
getragen / vnser öffentliche vnd wissentliche vn-
schuld / mit erzehlung etlicher vmbstände anzuzei-
gen / auch dardurch die vnmöglichkeit solcher wie-
der vns / erregten bezichtigungen / zu bescheinen /
So wollen wir hiernit vor E. F. G. als vnserm
gnedigen Fürsten vnd Herrn / in vnderthenigkeit
aber sonst gegen niemiglich / vmerholen / öf-
fentlich vnd vngescheuet Protestirt vnd bedingt
haben / Das wir durch diesen vnsern vndertheni-
gen bericht / vns an vorgehende rechtliche Pro-
cess / vnd ordentliche erkenntnis / derer wir dann
vor E. F. G. in vnderthenigkeit zugewarten / erblü-
tig sind / zu keiner weitem erklerunge / beweis-
ung / verantwortung vnd entschüttung einzu-
lassen / mit nichten gemeint / vnd auch viel weni-
ger verpflichtet sein wollen.

Was aber mich Wilhelm von Grumbach /
besonders vnd allein / gegen vnd wieder Graff
Günthern zu Schwartzburg anlangt / weis ich
mich zu erinnern / welcher gestalt ich hievormals /
bey E. F. G. deshalb vmb gnedigen vorbe-
scheid vnd verhör / vndertheniglichen / angesucht /
vnd gebeten habe.

Wann

Wann dann der rechte warhafftige grundt
dieser sachen / durch keinen bequemen weg / mei-
nes vnderthenigen einfeltigen erachtens / dann
die gebetene Audientz / wirdet ausfündig gemacht
werden mögen. Als bin ich der vnderthenigen zu-
uersicht / E. F. G. werden nochmals darob sein/
vnd gebürliche verschaffung thun / damit berührter
Vorbeschiedt seinen fortgang fürderlich errei-
chen / auch hochgedachter Churfürst / als dann
meine lautere vnschuld gnediglich vernemen / vnd
vber vorige meine gungsame ausführung / mich
so viel mehr entschuldigt halten mögen / Derhal-
ben so las ichs nochmals bey meinem vndertheni-
gen zuvor gethanen erbieten / mit vndertheniger er-
wartung / des gnedigen Vorbeschiedts / beruhen
vnd bleiben. Vnd haben E. F. G. wir beide sempt-
lich vnd sonderlich / solchs alles zu vndertheniger
Antwort / nicht verhalten sollen / Sind auch der-
selbigen vnderthenige vnd geborsame dienst zu-
erzeigen / allzeit schuldig / geneigt vnd willig / Vnd
thun E. F. G. vns hiemit vnderthenig befehlen/
Datum den 28. Junij / Anno 1566.

E. F. G.

Vnderthenige ge-
horsame Diener.

Wilhelm von Grumbach vnd
Wilhelm vom Stein.

An Vertzog Johansfriedrichen
den Ritters zu Sachsen/etc.

E iij

Der



Der Edlen vnd Ernue-
sten Wilhelmen von Grumbachs
vnd Wilhelmi vom Steins / deut-
licher vnd ganz warhafftiger be-
richt / Daraus beide hohes vnd
niedersstandes / alle vernünfftige
ehrliebende vnparteysische Leus-
te greifflich befinden / spüren vnd abnemen kö-
nen / Das der zweier gefangener / Denen Behei-
men vnd Philips Blassen vermeinte Vrgichten/
für nichts anders zu achten noch zu halten sein/
Dann für ein lauter vnwarhafftige / vnd durch vs-
bermeßige Tortur / pein vnd marter erzwingen
vnd abgenötigte aussage / vnd Notsprache.

Dann erslich / das ein Knecht zu Dresden
gefangen liege / der Hans von Freiberg heisse / vnd
sich sonst Beheim nenne / vnd auff Wilhelm von
Grumbach vnd Wilhelm vom Stein / in peinli-
cher frage gantz beschwerliche ding / vnd derer
sie ir lebtag keins in sinn genommen / bekennet/
vermüge der Vrgichten / wie die vberhicket
worden.

Sagen Wilhelm von Grumbach vnd Wil-
helm vom Stein / das solche Vrgichten durch-
aus nicht war / wie dann aus nachfolgendem be-
richt / lauter gnug zu befinden.

Vnd berichten auff den ersten Artikel / das sie
beide diesen Knecht nicht kennen / auch ir leben
lang

lang mit augen nicht gesehen / So habe genanter
Knecht Wilhelmen von Grumbach / nie gedienet/
vnd er Grumbach / wie städtlich zu beweisen / in
fünffzehen vnd mehr Jaren / kein newen Knecht/
vnd gleich so wenig diesen gefangnen / zu einem
Diener gehabt / Außerhalbten wie er des 58. jars
in Franchreich gewesen / so sey ein Knecht Matthes
genandt / so zu der Naumburg doheim / zu im ins
Leger komen / vnd den andern Knechten der Pfer-
de warten helfen / Nach dem ime etzlich Knecht
frantck gelegen / Den hett er mit ins Deudtsch-
landt / vnd bis gegen Coburgt genomen / vnd do-
selbst wieder beurlaubet / solcher Knecht sey itzo
bey Herr Casper Pflugen / Vnd dann ein Knecht
Stoffel genant / so bey Otto von der Malsburg
aufferzogen worden / den er auffbitte Otten von
der Malsburg / etzliche Jar bey sich gehabt / wie
er dann itzo wieder bey Malsburg sey. Dis sind
alle die frembde Knecht / die er Grumbach in
fünffzehen Jaren gehabt / das kan er bewetlich
darthun.

Das aber auch der gefangne Beheim an-
zeigt / als solt er Wilhelm von Grumbach die
stadt Wirtzburg / im einfall verrathen helfen /
das ist ein lauter erdicht werck / vnd hat Wilhelm
von Grumbach zu solcher Stadt einam / keins ver-
rhetters / viel weniger dieses frembden menschen
bedörfft. Dann er der Stadt Wirtzburg vnd
Schlos daselbst / gelegenheit selbst am besten ge-
wust / vñ dass als auff diesen tag der Bischoff von
L iiii Wirtzburg

Wirtzburg /vnd alle seine Stehte selbst wissen/ wie
er dann der ende vor viertzig Jaren Hoff diener/
vnd folgants des orts Marschalch gewesen.

Vnd ob ime wol das Wasser bey der Stadt/
abzureiten von nöten gewesen / So hat er doch
solchs etzlichen seinen vertrauten Dienern befoh-
len / die solche gelegenheit gewust / vnnnd vor etz-
lich vnd zwentzig Jaren /bey ime am Wirtzbür-
gischen Hoff gewesen / auch von ime auffgezogen
worden / Wie dann vielen ehrlichen Leuten / vnd
auch dem Bischoff /vnd fast jederman im Stiff /
Edel vnd Vnedel wol bewust / Vnd ist Wilhelm
von Grumbach / so schwetzig nie gewesen / das er
diesen Anschlag frembden vertrauen wollen / zu
dem / das es auch von vnnöten gewesen / dieweil er
selbst redliche vnd ehrliche Knechte gehabt / so der
ding bericht / wie er dann dieselbigenoch hat / das
er solche großwichtige ding / frembden vnbe-
kandten Knechten vertrauen solt / so ime doch
dazu nicht dienstlich oder nutz sein mögen / aus
welchen zweien angezeigtten vrsachen / leichtlich
zu schliesen / das dieser Hans von Freiburg / die
vnwarheit anzeigt.

Ferner aber / so sagen beide Grumbach vnd
Stein / sie wollen bey irem Eidt / das es jnen durch
ordentlichs vnparteyisch vnd rechtlichs erkent-
nis / auferleget werden solt / erhalten / Das sie
diesen Hans von Freiburg / Beheim genant / nicht
kenn

nen / die tag ihres lebens nie gesehen / viel weniger
jme auff den Churfürsten von Sachsen / ire
Churf. G. zuerkundtschaffen abgefertiget / Wie
dis alles oblaufft / im fall der notturfft / beweislich
darzuthun.

Vnd das dieser Gefangner anzeigt / als das
sie jne vor zweien Jaren zwischen Michaelis vnd
Martini zu Gotha abgefertiget / das sey gleich so
wol / wie oben vermeldet / erdicht. Dann Wilhelm
vom Stein / ist dasselbig Jar gegen Gotha nicht
kommen / Das wurdet sich mit warheit also be-
finden.

Gleicher gestalt / Wilhelm von Grumbach
des orts auch nicht gewest / sondern zu Coburg
vnd Nellingen haus gehalten / zudem / das eben
vmb dieselbige zeit / zuvor vnd hernacher den ganz-
tzen Winter vber / ir gnediger Fürst vnd Herr /
Hertzog Johansfriedrich der Mittler zu Sachs-
sen / etc. weder zu Weimar noch Gotha / sondern
zu Weltburg in Francken gewesen / Daselbsten
dann auch hochgedachts Fürsten / freundtliche
liebe Genahl / ire gnedige Fürstin vnd Fraw /
vmb berürte zeit / durch Gottes gnedige hülffe / irer
Fräwlichen bürden erlediget / vnd mit einem jun-
gen Herrlein begabet vnd erfreuet worden. Dar-
aus dann abermals ein scheinbarliche vnd greiff-
liche lügen / als welche des orts vnd der zeit hal-
ben vberzeuget wird / zubefinden ist.

W

auff

Auff den dritten Artikel / sagen Grumbach vnd Stein / das es nichts weniger erdichtet sey / vnd werde nimmermehr war gemacht werden können / Wissen auch nicht / wo die gedachte Schwartzenbergische Wold liegen / vnd ob der Churfürst auff den Welden Zelt auffzuschlagen / vnd zu jagen pflege oder nicht / So haben sie auch die tag ires lebens / nach seinen Jagten nie gefragt / auch derer ding zu fragen / nie vrsach gehabt / viel weniger diesen verlogten Buben / auff den Churfürsten abgefertigt.

Zum vierden / ob dieser Beheim den Churfürsten kenne oder nicht / das lassen Grumbach vnd Stein / auff jm selbst beruhen.

Aber zum fünfften gesetzt / Als das Grumbach vnd Stein / inen zugleich auff den Churfürsten abgefertigt / vnd jm Grumbach sieben Thaler vnd einen Klepper gegeben haben sollten. Sagen beide Grumbach vnd Stein / wie jrzt auch gemeldet / das sie diesen Knecht jr lebenslang nie gesehen / auch kein wort mit ime geredt / viel weniger ime einich gelt oder Klepper geben / vnd sey dieses bey Wilhelm von Grumbachs knechten vnd Edelleuten / die er fürstellen wil / zu erfahren / was Wilhelm von Grumbach nu etlich Jar vor Knecht gehabt / vnd wo dieselbigen alle hin kommen. Da auch der Gefangne anzeigt / auff welche tag / er abgefertigt worden / vnd wo / So vorsehen sich Stein vnd Grumbach / als dann gnugsam dagegen zu beweisen / Wo sie jeder zeit / vnd nicht
des

des orts gewesen sein. Vnd das dieser Beheim
sein lebenlang / nie zu ihnen kommen / Eben so we-
nig wird dieser Gefangner darthun können / Das
Grumbach vnd Stein ime ichtes zuerlangen
zugesagt / dieweil sie doch in / mit augen nie gese-
hen.

Der siebendt Artikel / ist gleichsals erstun-
cken vnd erlogen.

Vnd das zum achten / der gefangne Beheim
bericht / als das er vermerckt / wie Grumbach vnd
Stein / den Churfürsten auff den Welden vber-
fallen / vnd hinweg führen wolten. Sagen beide
Grumbach vnd Stein / das sie doch sein des
Churfürsten Welde vnd Jagten / wie oben berürt /
nicht wissen / So weren sie auch mit niemands
ins Churfürsten Landt bekandt / das sie vnters
schleiff haben können / viel weniger hetten sie dem-
nach solchs in sinn genommen / kñndten auch
nicht dencken wie ein heimlicher / vnvermerckter
vnterschleiff / mit statlicher verfassunge / in vnd
durch S. Churf. S. Landen / hin vnd wieder zu
wegen gebracht werden möcht / vnnd also ein
solchs zu thun möglich / Nach dem der Chur-
fürst / wie man sagt / stetig viel vom Adel / vnd
Reuter bey sich hat.

Den neunnden Artikel / Sagen Grumbach
vnd Stein / sie kñndten im fall der not / bey iren Li-
den erhalten / das sie nicht wissen / wo Schwarz-

tzenberg vnd auch die Welde / dauon gesetzt/
noch auch der Eibenstock liegen /dann sie jr leb-
tag nichts dauon gehört / vnd das der gefangne
sagt / wie in Grumbach damals abgefertigt/das
er viel Edelleut aus Francken / bey ime gehabt /
vnd auch einen aus dem Landt zu Weissen / solt
man den gefangnen fragen /wer dieselbigen Edel-
leut gewesen / vnnd do er sagen würdt /das er sie
nicht gekennet / Als dann ime zufragen / Wer oder
welche inen doch berichtet hetten/das es Frenckis-
sche Edelleut/vnd ein Weissner gewesen.

Den zehenden Artikel / Sagt Grumbach/
sey gleicher gestalt erdichtet / vnd es werde sich in
warhafftigem grundt befinden / Das er mit dem
Adel in Weissen nicht bekandt / were auch sein le-
benlang in keins Weissnischen vom Adels haus
nie kommen /dann was er vor etzlichen Jaren bey
Heinrichen von Staupitz / in des Churfürsten
haus Beltzig vber nacht gelegen.

Zum eilfften / Das Beheim gesagt / das er
niemals kommen / da der Churfürst gewesen /
das lassen Grumbach vnd Stein geschehen.

Zum zwölfften / Sagt Grumbach vnnd
Stein / wie oben gemelt / das sie jr lebenlang/
nichts mit diesem Beheim zuthun gehabt/vnd in
auch nicht kennen/wer auch die zeit seines lebens/
bey inen nie gewest / vnd würdt er / noch jemand /
wer der sein möcht / mit bestand nicht darthun
können/das sie weder des Churfürsten/noch auch
derselbigen

derselbigen Chur / mit einigem wort jr lebenslang
gedacht.

Vnd nach dem Beheim ferner sagt/das bey
solchem gesprech Wallenröder der Deubtman
von Coburg gewesen / So ist derselb itzo Hertzog
Johans Wilhelm von Sachsen / etc. Diener /
vnd mag man jne auff sein Eidt verhören lassen /
Als dann wurd man befinden / das dieser Be-
heim/solchs / wie alles anders erdicht.

Der dreizehend Artikel / Sagen Stein vnd
Grumbach / sey eben so wol als anders erstucken
vnd erlogen / Dann solche lügen aus den hieroben
angezeigten vrsachen / augenscheinlich ergrieffen
werden.

Den vierzehenden Artikel/Sagt Grumbach
vnd Stein / sey wie ander erlogen / Vnd haben sie
Ponnickaus/weder in gut oder vngut/nie gedacht/
haben auch nichts mit jme zu schaffen.

Den fünfzehenden/Sagt Grumbach/das
es auch nicht war/vnd hab er sein lebenslang/wes-
der nach dem Rentmeister / oder andern seiner
Churf. G. Rethen fragen lassen / Er kenne auch
jrer keinen / so hab er auch die zeit seines lebens /
mit jr keinem in vngutem nichts zu schicken oder
schaffen gehabt / Warumb er dann nach jme fra-
gen lassen solt.

Den sechzehenden Artikel/Sagen Grum-
bach vnd Stein / das es wie andere durch aus /
W iij nicht

nicht war / Dann dieweil diesen Buben niemands
kennet / noch gesehen / viel weniger mit ime zu
schaffen gehabt / Wie hetten dann sie ime dem
Beheimen eine Büchssen oder Jegerhorn geben
sollen / So würdt man auch im städtlein Weltz-
burg leichtlich erfahren / das man daselbst kein
Jegerhorn machen kan.

Zum siebenzehenden / das Beheim sagt / er
hett ein Birschbüchssen / von einem zu Saluelt
entlehnet / Vnd sagt doch oben / Grumbach hab
ime die Büchssen geben / Da erscheinet klar / das
eins gerad wieder das ander lauffe / Da ime aber
nun einer von Saluelt ein Birschbüchssen geben/
das würdt / man bey ime wol erfahren können/
wer derselbig gewesen. Vnd sagt Grumbach dar-
über / dieweil er den Buben nie gesehen noch ge-
kennet / wie dann möglich das er ime ein Büchssen
hab gebē können / Demnach gibt dem von Grum-
bach gar nichts zu schaffen / ob / vnd was er für
ein Büchssen / dem Förster zu Gröden gegeben o-
der nicht.

Zum neunzehenden / Das er ein lang Rohr
zu Rudelstadt / verkaufft / das lest Grumbach vnd
Stein geschehen / vnd mag darnach gefragt wer-
den / ob es war sey oder nicht.

Zum zwentzigsten / Das sie ine Beheimen
abgefertigt / wann der Churfürst vff den Reichs-
tag zöge / sich zum hauffen zu thun / vnd achtung
auff den Churfürsten zu geben / vnd ire Churf.
G. wann sie aus Zwickaw zugen zuer schiessen /
vnd

vnd darnon zu kommen. Sagen Grumbach vnd Stein / das es wie anders / erdicht vnd erlogen / vnd sol doch ein jeder verstendiger bey sich selbst dencken / Wann sie schon des Churfürsten ergste feindt weren / vnd solche ding für hetten / da sie doch mit irer Churf. G. nichts zu thun / da es in warheit je ein herrischer vnbedechtiger anschlag were / vnd zuuolbringen vnnüßlich / Nach dem ire Churf. G. etzliche viel hundert Pferd / vnd manchen ehrlichen Man mit sich / vnd sonder zweiffel ir vor vnd nachdraben gehabt / auch mit seiten wart versehen gewesen. Derhalben so nimpt Grumbachen wunder / das man solchen vnnüßlichen dingen glauben geben mag / dann es müßten je beide Grumbach vnd Stein / ire sinn nicht haben / das sie sich eines solchen vnderstehen solten.

Gleich so wenig ist auch aus den hievor gehörten vrsachen / der ein vnd zwentzigste Artikel war / vnd können alle diese ding liederlich erfahren werden / da man nach den vmbstenden / so dazu gehören / vnd wie hieroben erzelet sind / fragen wil.

Den zwey vnd zwentzigsten / Das Beheim Wilhelm von Grumbach vnd Stein / alle diese ding vnder augen sagen wöll / Solchs mögen sie beide wol leiden / sein auch vrbüttig / alle ire Diener / von Edelleuten vnd Dienern fürzustellen / Da werde man lauter finden / das alles wie oben vorlautet / erdichtet sey.

Den drey vnd zwentzigsten Artikel / Sagen Grumbach vnd Stein / das sie nicht angehe / wo dieser Beheim vmbgezogen / dann sie mit jme nichts zu schicken / auch wie obgemelt / nicht kennen.

Was dann den 24. 25. 26. Artikel belangt / Sagen Grumbach vnd Stein / das dieselben / gleich andern erdichtet / vnd nicht war sein / vnd das Beheim vor peinlicher frag bespracht worden / niemandt vnrecht zu thun / das es nichts / was er von Grumbach gesagt / So erscheinet hieraus / des von Grumbachs öffentliche vnschuld / Darumb hette er der Gefangne / das jenige / so er einmal bekennt / doch die vnwarheit gewesen / wie derumb verleugnen sollen / Nach dem jme doch des von Grumbachs schuld oder vnschuld / an andern seinen verwirckten straffen / nichts hett mehr oder mindern helffen / oder hindern können / Darumb er dann an solchem wiederziehen recht geredt / vnd sey auch sein gethaner widerauff gewislich war / Dann er / wie offi hieroben gemeldet / die zeit seines lebens jme nie gesehen / viel weniger ichts mit jme gehandelt / auch sein Diener nicht gewesen / vnd sol das im grundt sich anders nicht befinden.

Das er aber hierüber mit peinlicher frag an gegriffen / vnd das / so er hierüber gelogen / wie der vor war gestanden / vnd darauff gebeten von jme abzulassen / Solchs beweiset kein vormutliche /

liche / noch auch viel weniger eini wolgegründete
warheit / Sondern es würdet viel mehr ein er-
zwungene / abgedrungene vnwarheit daraus ge-
schlossen / Dann er möchte wol aus marter / ein
anders gesagt haben / Darumberfordert billigs-
keit vnd Recht / das solche ding beweislich darge-
than werden / vnnnd nicht auff blossen erdichten
wahn / durch erzwungene Vrgichten / ehrliche
Leute bezichtigen.

Aber vber dieses alles / mus der von Grum-
bach vnnnd der vom Stein / hierob so grosse ver-
wunderung nicht tragen / das man von wegen sol-
cher erdichten Vrgichten / sie als arme Gesellen
vom Adel / so geschwinde vnd hefftig angreiffet /
Sintemal jr gnediger Fürst vnd Herr / Hertzog
Johansfriedrich der Mittler zu Sachsen etc. als
ein fürnemer Standt des Reichs / vnd hochlöbli-
cher Fürst etc. nichts weniger durch gefangner
mishendler / vntreffige vnd abgenötigte aussa-
gen / wieder alle vernunft vnd Recht / auch Fürst-
lichen gebrauch / auch fürnemlich naher Bluts-
wandtnus / auff beiden teilen / nicht zu geringer
verkleinerung angefochten / vnd also eben so we-
nig verschonet / Nach dem irer f. G. auffgerucket /
wie das der gefangnen Beheim / weiter gesagt /
Als solt bey seiner letzten abfertigung den Thur-
fürsten zu erschießen / auch hochgedachter Her-
zog Johansfriedrich zu Sachsen / etc. mein
gnediger Herr / neben Wilhelm vom Stein vnd
Grumbach / gewesen sein / vnd das solchs vmb
N Weiber

Weihenachten auff dem Schlos Gotha / im Ne-
wen gemach geschehen / vnd man ime grosse ver-
tröstung gethan / Welchs aber doch / wie alles
anders / erdichtet vnd erlogen / Zu dem / ist ver-
gangen Weihenachten / Wilhelm vom Stein
nicht zu Gotha gewesen / welchs dann gnugsam zu
erweisen / In gleichnus ist auch tien Gemach
auff dem Schloß / so das newe Gemach heist /
Zu deme so kennet man den frommen Fürsten /
Hertzog Johansfriedrichen etc. dermassen auch
so Fürstlich / redlich vnd ehrlich / das er dessen
wol entschuldigt.

Vnd das Beheim anzeigt / Das im hochge-
dachter Hertzog / auch Grumbach vnd Stein /
eingepülvert Kraut / in einem Papier mit gegeben /
vnnnd befohlen sich damit zu seinem Freunde an
des Churfürsten Doff. zu begeben / vnd in die Kü-
chen zu machen / vnd zusehen ob er das Puluer in
des Churfürsten essen werffen köndt / vnnnd also
auff beide weg mit schieffen vnd vergeben / dem
Churfürsten nachtrachten.

Dieses ist so wol als alles anders / oblant /
erstuncken vnd erlogen / vnd hat ein jeder ver-
stündiger abzunemen / das solchs alles erstuncken vnd
erlogen sein mus / Dann welcher Mensch so nur
ein wenig vernunft hat / wolt doch solche so gar
nerrische vnnnd wahnwitzige gedanken / in sein
hertz fassen / oder auch ime trewnien lassen / das
einem solchen frembden vnbeändert Menschen
möglich were / in eines Churfürsten Küche zu
tom,

Kommen / vnd sich eines solchen zu vnterstehen /
da doch sonder zweuel die Churf. Ruchen / mit
allen fleißigen auffmerckern versehen / vnd bestel-
let sein wurd / Zu dem / das der from löblich
Fürst / Hertzog Johansfriedrich etc. sich je vnd
allwege Fürstlicher tugent beflissen / auch dessen
im gantzen heiligen Reich gerühmet wirdt / vnd
ob der verlesung solcher erdichten Vrgichten ein
schew getragen / geschweige dann das ire F. G.
mit solchen Welschen vngetrewen vnd vnnensch-
lichen practiken / solten jemals vmbgangen sein /
Wie dann sonder zweiffel hochgedachter Her-
zog auff diese zween / wider irer F. G. person / er-
fundene vnd angedichte puncten / derselben geles-
genheit vnd gebürliche notdurfft anzuzeigen /
auch zu gebrauchen / in kein vergessen stellen wirdt /
Des gleichen der von Grumbach vnd Stein / irer
ehren vnd redligkeit halben / solcher leichtfertigen
Gefangenen erlogene Vrgichten / viel zu gering-
schetzig halten / dann das sie inen einige verklei-
nerung vnd nachteil gebehren solten.

Vnd nach dem Beheim ausgesagt / Als solt
er dis Puluer Wolffen Albrechten / dem Wirt zu
Salvelt sampt einer Büchssen / daran der Dan-
zer sprungen / auffzuheben geben / der es auch bei-
des noch bey sich hett.

Item / genanter Wirt wer Grumbachs guter
Freundt / vnd hette er Grumbach im / nach dem
Wirtzburgischen einfall / vier vergülte Becher /

N ij

deren

deren eins teils des Thumbprobs gewest / ge-
schenckt / So können hierauff Grumbach vnd
Stein wol leiden / das dieser Wirt / dieweil er zu
Saluelt vnter Hertzog Johans Wilhelmen etc.
gessen / vmb diese ding eigentlich befragt wer-
de / vnd da bey gedachtem Wirt / des gleichen auch
bey dem Neubtman zu Coburg / Matthesen von
Wallenrodt / auff den oben vermelden puncten /
welcher ine belangt solche fleissige nachforschung
vnd erkündigung nicht gehalten würde / So mü-
sten je von jedermenglichen solche elende Vrgich-
ten / vor lautere bloße vnd erdichte theidigungen
gehalten werden / Zu deme / das auch Grumbach
mit warheit sagen kan / das er solchen Wirt wiß-
sentlich nicht kenne / So sey er auch lenger als in
vier Jaren / zu Saluelt nicht gewest / vnd wann er
gegen Saluelt kommen / das doch nicht viel ge-
schehen / so sey er in einer Berberge gelegen / da
ein Fraw wirtschafft halte / vnd wie er anderst
nicht wiße / der Man in flüchten sey / Aber wie
deme / so mag man nach diesen dingen fragen laße
sen / da wird sich die warheit wol finden.

Demnach / so sichtet auch den Grumbach
wenig an / das der gefangene Beheim / diese er-
richte lügen / inen vnd andern vnter augen sagen
wöll / Denn böser buben gesicht vnd augen / so wol
als der mundt / strefflich vnd tadelhafftig sind /
vnd wie hieroben gemeldet / So ist es an deme /
das gefangener vnd gemarteter Leute / abgenötigte
Vrgich-

Vrgichten wieder ehrliche Personen / vnd wieder
welche keine rechtliche vermutungen / notwen-
diglich dringen / nichts haften / noch geltens
nen / vnd auch viel mehr die jenigen Vrgichten /
in allen Rechten verachtet / vernichtet vnd ver-
worffen werden / Da ein gefangener von Leu-
ten vnd hendeln aus grosser pein in der Tortur /
von sich selbst berichtet / deshalb er nicht
eingezogen / noch auch von dem Richter befragt
worden / Vnd da auch gleich ein Richter von
frembden vnwissenden dingen aus leichtfertiger
bewegnis / einen gefangen in der marter zu frä-
gen / sich vnterstehet / So ist er doch darumb gar
nicht zu loben / sondern viel mehr zu straffen / vnd
denmach beruhen sie beide / kürtzlich hierauff /
das / welcher hierumb rechtlicher anspruch nicht
erlassen könne / dem wollen sie vor hochgedach-
tem Fürsten / Hertzog Johansfriedrichen dem
Mittlern zu Sachssen / etc. irem gnedigsten Für-
sten vnd Herrn / vngeachtet zu vnpartheyischem
vnd ordentlichem Rechten still stehen vnnnd aus-
warten / was Gott vnnnd das Recht einem jedern
gönnen vnd geben wird / Jedoch das der gegen-
teil / so sie von wegen abgenötigter / vnd derhal-
ben vnrechtmeßiger vnnnd gantz vnkrefftiger Vrgichten / mit Recht anzulangen / sich vnterste-
hen würdet / vor allen dingen herwieder das jeni-
ge daran setze vnnnd wage so ime auff den fall /
der nicht beweisung / mit billigkeit vnd recht auch
begeggen möcht. Aber wie deme allen / ist hiezo-

N ij -ben/

den ausdrücklich gemeldet worden / das weder
genanter von Grumbach / noch der vom Stein/
mit hochgedachtem Churfürsten / in keinem vn-
gutem jemals zuthun gehabt haben / Warumb
soltten sie sich dann wieder ire Churf. G. dermaß-
sen feindlich vnd mörderisch zu gebaren einge-
lassen haben / Da aber vielleicht andere in des
Churfürsten Landt weren / so irer Churf. G. ge-
hessig/widersetzig vnd feindselig/ vnd vnter dem
schein vnd deckel ires des von Grumbachs vnd
Steins namen / auff ire Churf. G. trachten /vnd
bestellung machen solten / dauon sie doch beide
nichts wissen / So were es je beschwerlichen/ vnd
geschicht inen daran nicht allein vngütlich / son-
dern grosser gewalt vnd vnrecht.

In gleicher gestalt / vnd so viel
Blassen anlangt / Nach dem er ausgesagt
haben sol / Wie das er vor einem Jar vmb
Bartholomei zu Weimar / zu Hans von Wild-
desheim / welcher Hertzog Johansfriedrichs
zu Sachsen / etc. Diener am Hoff kommen we-
re/ Da hette jne ermelter Hans von Wildesheim
vertrawet / das einer vom Adel allda vor der
handt / der geb für / das jtz der Churfürst von
Sachsen / wol hey dem kopff zu bekommen we-
re/ vnd das sie bedacht/sich darumb anzunemen/
Vnd Hans von Wildesheim / jne Blassen ange-
sprochen / das er mit reiten solt / So wolt er auch
etzlich Ernst von Mandelslo Diener / vmb son-
sten noch einen / der dieser örter wol kündig / mit
nemmen

emen / Es solte sie auch Jörge Döbel / welcher
e weg wol wüßte / führen / vnnnd wolten sie den
hurfürsten / wann S. Churf. B. birschen rei-
n wurden / vberfallen / vnd hinweg führen / Für-
18.

Zum andern / Das er Blass es für gewis-
elte / das Hertzog Johansfriedrich etc. Grum-
bach vnd Mandelslo / von diesem anschlag ge-
uß haben / dann er so viel verstanden / das man
n Churfürsten nach Gotha führen wolt. Von
chen obgemelten dingen / weis Wilhelm von
umbach / vnd Ernst von Mandelslo nichts /
o wil auch dieser obgemelten ding Dans von
ildesheim nicht gestendig sein / So wird auch
der zweiffel mein gnediger Fürst vnd Herr /
sich selbst wol antwort zu geben wissen / Vnd
nicht gnug das einer sagt / Ich halt dafür /
oder jener wisse das / oder jens / Sondern es
ört ein städtliche beweisung darzu. So sagt
h Wilhelm von Grumbach vnnnd Ernst von
ndelslo / das sie den Blassen nicht kennen /
die tag ires lebens mit augen nicht gesehen /
en auch weder vmb sein thun oder lassen / Vnd
wol ermelter Blass vnder andern Reutern /
zu Wirtzburg gewesen / vnd Grumbachen /
ndelslo vnd Stein / durch etliche des Chur-
en zu Sachsen Diener / so auch mit zu
zburg gewesen / vmb ein Vorschrifft an die
Erffurt zugeben bitten lassen / die ime dann
geteilt worden / So hat doch Grumbach /
N iij Mandelslo

Mandelslo vnd Stein / ine mit augen nie gesehen.

Zu dem allen / so hat hochgedachter Fürst /
Hertzog Johansfriedrich zu Sachsen / etc. vber
vnd wider den Blassen / denen von Erffurt Steck
brieff geben lassen / welchs dann Blass wol ge
wust / Derwegen sich nicht zu vermuten / viel we
niger zu glauben / das er gen Weimar geritten /
vnd sich des orts hat wagen dörfen. Es ist aber
ein alt Sprichwort / Wann man dem Hund vbel
wil / so hat er Ledder gefsen.

Also hat es auch ein gelegenheit mit Herr
Alberten von Rosenbergh Ritter / Ob er gleich bey
Grumbachen vnd seinen Mituerwandten / wie sie
zu Weimar in der Hertzogen zu Sachsen / Ge
brüdere / vnderhandlung gewesen / ab vnd zugan
gen / So ist es doch an deme / das damals beide
Fürsten / Gebrüdere / alle ire bestelte Obersten
vnd Ritmeister des orts beschieden gehabt / die
dann alle beider Herrn / futter vnd mahl ge
braucht / vnd demnach in vorfallender eines jeden
gelegenheit / von vnd zusammen gangen / Auch
bey den Fürsten vber Tisck gefessen / Derwegen
Herr Alberten / so wol als andern / so des orts ge
wesen / bey inen zu vnd abgangen / vnd kan Herr
Alberten / derhalben nichts auffgelegt werden /
Nach dem er Hertzog Johansfriedrichs bestel
ter Oberster einer.

Das aber Blass weiter anzeigt / Als das
Jorge

Jörge Döbel ein zeitlang darumb am Doff zu
Gotha gelegen/ vnnnd wol gehalten worden/ das
er anschlege den Churfürsten hinweg zu führen ge-
geben/ Das auch ime Hertzog Johansfriedrich
ein schönen Gaul geschenckt haben solt/ Wie aber
solche Anschlege nicht angangen/ wer Döbel mit
vngnaden hinweg kommen/ vnd würd ihme jtz
nachgetrachtet/ ihne zu erschießen/ dannit er von
solchen Practicken nicht sagen köndt. Gleicher ge-
stalt auch Romanus/ so vmb solchen Anschlag
wissen solt/ nachgestalt würdt/etc.

Das alles ist der lauter vngrundt/ vnd würdt
auch mit bestandt/ in ewigkeit nicht dargethan
werden können.

Aber war ist/ das Jörge Döbel gen Gotha
kommen/ vnd vmb dienst angesucht/ auch dieweil
er von redlichen ehrlichen Leuten gefürdert/ so ist
ihme ein zeitlang Futter vnd mahl mitgeteilt wor-
den/ vnnnd nicht heimlich/ Vnd nach dem er in ei-
nem gnedigen Fürsten vnd Herrn/ ein Pferd/ so
er gehabt zu verkauffen angeboten/ welchs dann
ihrer F. G. gelobt worden/ So haben ihre F. G.
dasselbig vmb etzlich vnd sechtzig Taler gekauft/
Vnder des aber ist ihrer F. G. angezeigt worden/
als solt dieser Knecht vor dem Churfürsten vn-
sicher sein/ vnd ime jre Churf. G. nachtrachten las-
sen/ Wiewol aber sich der Knecht solcher
dinge entschuldiget/ vnd sich dessen auff Hertzog
Ernst von Braunschweig gezogen/ So hat
D doch

doch sein F. G. dem Knecht anzeigen lassen/das
er sich von dannen thun solt/bis seine Sachen zu
frieden gestellt würden/ Als dann ihme S. F. G.
dienst nicht abschlagen wolten/ nach dem sie
Knecht bedürfftig/ vnd haben müsten/ Dieweil
es aber dem Knecht an einem Pferdt gemangelt/
ist S. F. G. durch etzliche vom Adel/vmb das
Pferdt/ so S. F. G. hieuor dem Knecht abkauft/
gebeten worden/ den hat es ihre F. G. geben/ die
haben es fürder dem Knecht wieder geschenckt/
Vnd das dem Knecht zu erschiessen nachgetrach-
tet werden solt/ das ist nicht/ dann er niemant
nichts gethan/vnd würdt auch von jederman für
ein frommen ehrlichen Knecht gelobt/ So weis
man auch von denen Anschlegen/darvon Blass
meldung gethan/ nichts / Dette aber ermelter
Knecht mit andern zuthun/so ihme nachtrachten
soltten/ das müßt der Knecht selbst am besten
wissen.

Ferner/das durch Blassen gemelt/als solt et-
nem Knecht Romanus genant/ von wegen sol-
cher fürslege/ auch nachgetrachtet werden/
Solchs ist abermals gentzlich erlogen/ Dann
man weis von solchem Knecht an Hertzog Jo-
hansfriedrichs Doff/ nichts zu sagen/ So ist er
auch außserhalb eines Doff Junckern/ Pflug-
gen genant/ dem er dann ein zeitlang gedienet/
niemands/ vnnnd gleich so wenig Grumbachen/
Mandelalo oder Stein bekandt.

Derhal

Derhalben/von denendingen/ so Blafs sei-
net halben gesagt/nie nichts gehört worden. Dies
weil dann dieses alles / oblant / die warheit ist/
vnd sich also im grundt / vnd anders nicht erfin-
den wirdet / So wollen der von Grumbach/ vnd
der vom Stein/ alle vnd jede/ ire vorige/ vnd wie
sie von Rechts verstendigen berichtet werden/
nach aller vernunft / erbarkeit/ vnnnd beschriebe-
ner Recht / wolgegründte verantwortungen/ ab-
werffung vnd Cassirung / so auff des gefangnen
Beheimen / vermeinte felschlichen vnnnd erdichte
Vrgichten / vorgewendet / zu sampt ihrem ange-
heffen erbietten/hieher auch widerholet/vnd vmb
der kurtz willen/ gegen des Blaffen aussa-
ge/die er vielleicht aus pein vnd mar-
ter thun müssen/gebraucht
haben/ etc.

Folget ein Extract / aus zweien
Schreiben / das der zu Dresden gerechtfertig-
te Hans von Freiberg / sonsten Beheim genant/
Das jenige so er in seinem Vrgichten/gütlich vnd
peinlich / auff Hertzog Johansfriedrichen den
Mittlern zu Sachsen/etc. Auch Wilhelmen
von Grumbach/vnd Wilhelmen vom
Stein ausgesagt/ vor seinem ende
alles widerrufen/vnd S. F.
G. vnd sie entschuldig-
et habe/ etc.



Eist aber diese sache zu
 Magdeburg rüchtbar/ das des
 Churfürsten eigene Vnderthanen
 gesagt/ das der arme Sünd-
 der/ durch vnerhörte marter vnd
 pein/ darzu gedrunge/ solches
 auff Grumbachen zu bekennen/
 auch endtlich mit guten worten darzu beredt/ als
 wolle man im das leben schencken/ vnd solte ihm
 zu allen gnaden gereichen/ Darzu er sich dann
 durch grosse marter vnd gute Wort bereden las-
 sen/ vnd solchs gesagt/ das er von Grumbach ab-
 gefertigt/ Auff welch bekendtnus er darnach ge-
 schleiff/ vnnd jemmerlich hingerichtet worden/
 Doch hat er / do er gesehen das er sterben müsse/
 mit heller stimme ausgeschrien / Er sey durch
 marter vnnd grosse pein gezwungen/ solches auff
 Grumbachen zu bekennen / Nun aber wisse es
 Gott/ das er Grumbachen nicht kenne/ ihne auch
 sein lebenlang nicht gesehen/ Dabe auch nichts
 dann alles guts von ime gehört/ darauff er auch
 gesturben / Es sol auch der Churfürst solch be-
 kentnus/ auff Pergament haben drücken las-
 sen/ Vnd dem Keyser eilends auff der
 Post nachgeschicket/etc. Datum
 Magdeburg/ den 2. Iulij
 1566.

Aus

Aus einem andern Schrei- ben.



Sch trage keinen zweivel/
ir werdet erfahren haben/das der
Churfürst zu Sachsen/etc. einen
Weideknecht/hat mit glüenden
zangen zureissen vnnnd vierteilen
lassen/Der solt in der Tortur be-
kant vnd ausgesagt haben/Das
er von meinem Gnedigen Fürsten vnnnd Herrn/
Wertzog Johansfriedrichen dem Mittlern/etc.
vnnnd Wilhelmen von Grumbach/befehlich ge-
habt/den Churfürsten zu erschiesßen. Wie man
jme aber vor Gericht gebracht/vnd der Scharff-
richter jnen habe anklagen wollen/hab er solches
wiederruffen/vnnnd angezeigt/. Was er disfalls
hette bekandt/das hette er in der Marter ge-
than/Aber er hette hochgedachten meinen gne-
digen Fürsten vnnnd Herrn/vnnnd Grumbachen/
leider felschlichen damit beschwert/Vnd ob man
ihne nun wol wiederumb zu rück in die Schösserey
zu Dresden geführt/vnnnd den Churfürsten solchs
berichtet/So hat doch seine Churf. G.vngeach-
tet/solcher Reuocation vnd widerruffs befohlen/
Weil er die ding ein mal bekandt hett/sie solten
mit jme vorfahren/vnd ihme sein Recht thun las-
sen/Darnach der Nachrichter solle gesagt habē/

D iij

Erbarne

Erbarne es Gott/ das ich inen richten/ vnnb vn-
schuldig Blut vergieffen solle/ Aber es hat alles
nicht helffen wollen/ Sondern man hat mit inie
procedirt/ ihne Erstlichen auff eine schleiffe
binden/mit glüenden zangen zureissen/
vnd vierteilen lassen/etc. Datum
Sontags / den 7.
Julij/1566.

Des Churfürsten Antwort vff das
nächste Herzog Johansfriedrichs schrei-
ben mit dem Buchstaben E.

X



Nser freundlich dienst/
vnd was wir mehr liebes vnnb
guts vernügen/ allzeit zuuorn/
Wochgeborner Fürst/freundtli-
cher lieber Vetter/Schwager/
Bruder vnd Gefatter/Was wir
nun zum offter/ des Lehters Grumbachs hal-
ben/an E.E. geschrieben/ vnd E. E. auff die na-
he Blutvornwandtnus/ damit Ewer E. vns zuge-
than/ auch die geschworne Erbeinung vnnb
verbrüderung/ vnnb des heiligen Reichs Landts
frieden/freundtlich ersucht/das tragen Ewer E.
gut wissen/ Vnnb hetten vns zu E.E. wol verse-
hen/E. E. solte sich auff vnser jüngst Schreiben/
so wir

so wir den 12. tag Junij / von Dresden aus / an
E. E. gethan/berürter Erbeinung gemess/erzeigt/
vnnnd mit anderer Antwort / dann geschehen/be-
gegnet sein.

Das aber E. E. vnser freundtlich suchen
vnd bericht/so in sachen/vnser Leib vnd leben be-
treffend geschehen/ erst vor eine zunödtigung ach-
ten vnd deuten / Vnd nochmals des E. E. ers ent-
schuldigung mehr / dann vnser beständige vnnnd
warhafftige vorwendung / bey sich gelten lesst/
müssen wir Gott vnd der zeit befehlen/ Vnnnd ob
solchs E. E. rhümlich/ oder verantwortlich/das
sie vns dermassen vbergeben / vnnnd zu wieder der
geschwornen Erbeinung / die jenigen bey sich
hausen vnd hegen / so von dem heiligen Reich in
die Acht gethan etc.vnd vns nach Leib vnd leben/
Landen vnd Leuten trachten/wird sich einsmals
finden.

Dieweil auch E. E. vngeschewet schreiben
dürffen / E. E. hette sich vnzweifflich versehen/
wir solten E. E. mit anziehung der Erbeinung/
nach gelegenheit / das die dinge noch nicht aus-
führlich gemacht / freundtlich verschont haben/
Vnd wir aber zu beweisung vnd ausführung der
dinge E. E. des Grauen zu Schwartzburgs ans-
sage / vnd andere beständige nachrichtung zuer-
kennen gegeben/So stellen wir zu E. E. selbst/ vnd
menniglichs ermessen / Ob E. E. an irer verweige-
rung/recht/vnd der Erbeinung gemess gehandelt/
Domit aber E. E. so viel mehr zu befinden / das

D iij

wir

wir uns nicht zu E. L. aus blossen wahn nötigen/
Sondern den Grumbach seins verrheterischen
vnnnd mörderischen vornemens / wieder uns vber-
flüssig zu vberweisen / So thun wir E. L. hien-
ben eines vornemen vom Adels bericht / welchen
er uns freywillig gethan / auch vberschicken / der
zuvorsicht / E. L. werden numehr erkennen können/
das durch solche Greflicher vnnnd Adelicher per-
sonen gezeugnus / des Lehters verrheterisch bu-
benstück / gnugsam dargethan / vnd ausführlich
gemacht sey / Wie sie dann im fall der not / solche
ire aussage / auch eidtlich zu betworen / kein beden-
cken tragen werden / vnnnd wir vrbüttig sein / E. L.
des vom Adels person / zu seiner zeit / vnd do es E.
L. begeren / nanthafftig zu machen / Vnd weil wir
E. L. zu noch mehrer beglaubigung / hiebeuor der
zweiter Gefangenen Vrgichten / inmassen die dazu-
mal ergangen / zugeschickt / Letten wir wol ge-
hofft / E. L. oder die Lehter solten vmb vorstellung
derselben / oder zu ordnung etzlicher Personen / so
es von jnen angehört / bey uns angesucht haben /
Dieweil es aber verblieben / vnnnd die Vbeltheter
selbst gebeten / sie vber ire bekendtnus / mit dem Ge-
fengnus lenger nicht auffzuhalten / So haben wir
sie / auch beide / nach eines jedern verdienst / recht-
fertigen / vnnnd den Dansen Beheim von S. Mi-
chel bey Freiberg / auffm brande vierteilen / den
Blassen aber anffs Radt legen lassen.

So viel nu E. L. Person betrifft / So von
Dans

Dans Beheim mit angezogen / haben wir dem
selben keinen glauben gegeben (sintemal wir ein
solchs dem Fürstlichen Sechssischen blut / keins
wegs zugetrawen sollen noch können) viel weni-
ger E. E. etwas darunter zugemeissen / Aber doch
E. E. dasselbige nicht verhalten sollen / oder wöl-
len / damit E. E. zu spüren / das wir mit den sachen
vngeschewet vnd auffrichtig vmbgiengen / vnd der
beider Echter halben hinder den rechten grundt /
so viel mehr komen möchten / Daben auch nicht
vnderlassen / denselben Beheimen / ferner erinnern
zu lassen / das er wieder die warheit niemands /
vnd sonderlich E. E. mit lügen / darfür wirs ei-
gentlich hielten / nicht beschweren solte / Darauff
er ausgesagt / das er E. E. nur derhalben gemeldet /
das er gehoffet / wir würden ime auff solch be-
kentnus gnade erzeigen / Sonsten aber ist er auff
seinem güttlichen bekentnus vnd Vrgicht / so viel
Grumbachen vnd Wilhelm vom Stein betrifft /
bestanden / vnd dieselbige mit seinem todt bestes-
tigt / wie E. E. aus beyvorwarten zweien Instru-
menten Num. 1. vnd 2. freundlich zu ersehen ha-
ben / So vberschicken wir auch E. E. des Blassen
Instrumentirtes Vrgichten / darauff derselbige bis
in todt verharret / Daraus E. E. alle vmbstende
des verrheterischen Anschlags / vnnnd der Perso-
nen / so darzu haben gebraucht werden sollen /
freundlich zuuornemen,

Wann es nun hierumb also geschaffen / So
bitten wir E. E. nochmals freundlich / Sie wölle

P

diese

diese hochbeschwerliche sachen/so vnser Leib vnd
Leben betreffen/ mehr dann bishero geschehen/
beherztigen/ Vnd das angeborne Fürstliche/
Sächsische geblüt/ bey sich dermassen wirken
lassen/ damit wir in der that zu spüren/das E. E.
an solchen der Echter mörderischen beginnen/
kein gefallen tragen/ Sondern sich/ vernünge der
geschwornen Erbeinung/ gegen vns erzeigen/
Welehs wir auff den fall zu entpfinden/wann E.
E. vnserm hiebenor rechtmässigen vnd billichen
suchen/ wieder Grumbachen stadt geben/ dessen
wir vns dann auff diesem Bericht zu E. E. gewiss
lich versehen/ Solte es aber verbleiben/ so wird
vns E. E. nicht verdencen/ das wir vnser not
turfft dargegen betrachten vnd gebrauchen/Wol
ten wir E. E. dero wir sonst freuntlich zu die
nen willig/ nicht verhalten/Datum auffm Don
stein/den dritten Julij/Anno 1566.

Von Gottes Gnaden / Augustus
Wertzog zu Sachsen/des heiligen
Römischen Reichs Ertzmarschalch
vnd Churfürst/ Landgraff in Thür
ringen/Marggraff zu Meissen/vnd
Burggraff zu Magdeburg.
Augustus Churfürst.

An Wertzog Johansfriedrichen
den Wittlern zu Sachsen/etc.

Folgen die Copieen/darauff sich die
schreiben referirt.

Copey

Topen eines vornemen vom Adels
bericht/welchen er freiwillig dem Chur-
fürsten zu Sachsen/etc. wie
der Grumbachen ge-
offenbaret.

N O T A

Dieser vorneme vom Adel / ist vol-
gent vom Churfürsten / in seinem schrei-
ben namhaftig gemacht worden/
vnd ist Christoff von
Zewitz.

Bericht / so dem Churfürsten zu
Sachsen/ vnserm gnedigsten Herrn/ durch
einen vornemen vom Adel/freiwil-
lig geschehen.

Als er zu Gotha ankommen/
Hette Wilhelm von Grumbach/
nach inne geschickt / vnd in seinem
Zimmer angesprochen / vnd ge-
fragt / was er vom Churfürsten
zu Sachsen / etc. hörete / Dar-
auff er geantwortet / Er höre
oder wüßte nichts von dem Churfürsten/
rauff Grumbach ferner gefragt / ob er die
sach wüßte / darauff er geantwort/ Er wü-
ßte eigentlich nicht / Aber nach dem er vnge-
p 2 fehr

sehrlich drey oder viermal von Jochims thal
nach Sanct Amienberg hin vnd wieder geritten/
so hette er von der Darwiesen wol gehört/ vnd
wüßte etwo beyleufftig diese gelegenheit wo sie le-
ge/ aber er were drauff nicht gewesen.

Darauff hette Grumbach angefangen/ Er
hette einen Anschlag für sich/ vnd da jme derselbi-
gige angieng/ wie er verhoffet/ so wolte er die sache
wol zu einem vertrage bringen/ vnd seinem Herrn/
auch wieder zu der Chur helfen/ vnd solte jnen al-
len miteinander dardurch geholffen werden/ Vnd
dazu köndte er jni wol befürderlich sein/ er wüß-
te die wege/ vnnnd were der Ort/ sonderlich vber
die Welde durch das Land zu Beheim hinein be-
ritten/ er hette gute kundtschafft/ das der Chur-
fürst zu Sachsen etc. auff der Darwiesen lege/
vnd jagte/ vnd sein Gefindlich nicht bey sich het-
te/ vnnnd gar zurstrewet lege/ Zu dem auch/ so zu-
geer alle tage mit den Leithunden auff die vorsu-
che/ vnd hette vber zween oder drey Kerle nicht bey
sich.

Nun hette er einen bey sich/ der were sein des
Churfürsten Förster gewesen/ der wüßte alle we-
ge vnd stiege/ vnnnd verhoffte/ er wolte jhnen den
Churfürsten/ bey dem Kopff kriegen/ vnnnd sein
Gefinde solt es nicht innen werden/ vnd er war-
tete nur auff einen/ der hieß Christoff Weitha-
ler/ derselbe were der Ort auch wol bekandt/ der
wolte jhm darzu befürderlich sein/ der hette drey
Posten

Posten aus / eine in Preussen / die ander in der
Graffschafft Aldenburg / die dritte in Franck-
reich / die solten dem Churfürsten die Werberge/
bestellen / der were er alle stunde gewertig / vnn
wann sie kemen / so weren schon alle ding bestel-
let / Darauff der vom Adel Grumbachen gefragt /
Ob dann sein gnediger Fürst vnd Herr / Hertzog
Johansfriedrich / vmb diese seine Anschlege/
auch wissenschaftt hette / Darauff Grumbach ge-
antwort hette / Nein / Gottes Krafft / Gottes Herr
Gott / ich lasse meinen Herrn davon nichts wisse-
sen / Weiter hette der vom Adel / ine Grumbachen
gefragt / Was Weitheler bey den dingen solte / So
hette Grumbach geantwort / er wüßte wege vnd
stege / er solte Reiter führen / So hette der vom
Adel Grumbachen angezeigt / das derselbige Wei-
theler / vngefehrlich vierzehnen tage zuuorn / eine
böse That im Landt zu Beheim gethan / er hette
seiner Nachbarn einen / David Wöner / zu Sich-
law erstochen / Zu dem were die sage / er solte jnen
gar vnerbarlich vmbbracht habē / Darauff hette
Grumbach geantwort / das müßte S. Veltins
sichtung geben / Weil es die meinung hette / so wü-
ßte einer nicht ob ihme zu vertrauen were / oder
nicht. Vnd weiter angefangen / Er der vom Adel
kündte wol das beste darbey thun / Vnd do es vns
angehet / Es were seinem Herrn / ine vnd den sei-
nen dardurch geholffen.

Darauff der vom Adel geantwort hette / Er
P 14 verstün-

verstände diese ding nicht / zu dem auch / so were
er vnter der Keyserlichen May. in der Kron Be-
heim gessen / vnnnd were seines gnedigen Fürsten
vnnnd Herrn / des Hertzogen zu Sachsen / etc.
Diener / ihm wolte nicht gebüren / sich mit diesen
dingen zu bewickeln / oder zu beslecken / Aber
er besorgte / das er diese ding durch das Landt zu
Weissen / nicht fürnemen dürffte / dann es würde
ihm nicht angehen / Darauff hette Grumbach ge-
antwort / Es weren die Reuter / so nach dem
Landt zu Hungern zügen / itzo gleich im Anzuge /
vnd do man schon Reuter verneme / so würde man
es doch dahin verstehen / als weren es derselbi-
gen Kriegsleut / die in Hungern zügen / vnnnd
würde wol vnuernierckt zugehen. Darauff hette
der vom Adel noch ein mal geantwortet / Er bes-
orgte / es gieng ihm an dem orte nicht an / Vnd
wolte er etwas thun oder fürnemen / so würde er
es durch das Landt zu Beheim thun müssen / Dar-
auff ist der vom Adel von Grumbach gangen /
Es hette aber der vom Adel ihnen Grumbachen
vber etzliche tage hernach gefragt / wie es vmb
seinen Anschlag stünde / wieder den Churfür-
sten / Ob es seinen fortgang hette oder nicht /
Darauff Grumbach geantwort / Es werenoch
nicht ins Werck gericht / es were verkündtschafft
worden / Der Churfürst hette sich gesterckt /
vnd sein Gefindlich alles zu sich rücken
lassen / vnnnd er müste es ein
weil mit ansehen.

Num.

Num. 1.



In dem Namen des

Wern/ Amen etc. Kundt vnd
wissen sey allen vnd itzlichen/
was Wir den oder Standes die
sind / so diß öffentlich Instru-
ment sehen / oder hören lesen/
Das nach Christi vnsers Wern

vnd Seligmachers geburt./ Tausent fünff hundert vnd im Sechs vnd Sechtzigsten Jare/ In der Neunden Römer zinszal/ zu Latin Indiction genant / Donnerstags nach dem Sonntag Trinitatis / Welcher do war der dreitzehende Tag/ des Monats Junij / vmb acht hora vor mittage/ bey zeit vnd regierung des aller Durchleuchtigsten / Grossmechtigsten / vnd vnüberwindlichsten Fürsten vnd Herrn / Herrn Maximilian dieses Namens/ des andern Römischen Keyser/ zu allen zeiten mehrern des Reichs/ in Germanien / zu Hungern / Behem / Dalmatien / vnd Croatien/ auch Schlanonien etc. König/ Ertzherzog zu Osterreich / Hertzogen zu Burgundien/ Steiern/ Kernten/ Crain/ vnd Wirtenburg etc. Grafen zu Tyrol / vnsers aller gnedigsten Herrn/ vff beuelch / des Durchleuchtigsten Hochgebornen Fürsten vnd Herrn/ Herrn Augusti Hertzogs zu Sachsen / des heiligen Römischen Reichs / Ertzmarschalcks vnd Churfürstens/ Landgrafen in Düringen / Marggraffen zu Meissen / vnd

p iij Burggras

Burggrauen zu Magdeburg / vnsera gnedigsten
Herrn / Die Ehrnuheste vnd erbare Hans Jes
nitzsch / vnd Valerius Krakau / beide Churfürstli
che Cammersecretarien / vñ Caspar Cisper / Chur
fürstlicher Thürknecht / in des Erbarn Raths all
hie zu Dresden verwarung oder Hause / so man die
Büttelei nennet / in der Unterstuben vor dem Er
barn vñnd weisen Ambrosio Erichen / Ampts
schößern / Görgen Griss / Stadtrichtern / vñnd
Hansen Jhan / vnd Christoffen Reichenbach ge
schwornen Gerichts scheppen / vnd vns hinnach
geschriebenen dreien Notarien / vñnd offenbaren
Schreibern / mit namen Mattheo de Quester /
Bernharden Freidinger / vnd Laurentio Winkel
man erschienen sind / Vnd haben allda in gegen
wertigkeit der hiernach zu ende / mit namen ge
schriebenen vnd hierzu geforderten Bezeugen /
Von wegen hochgedachts vnsera gnedigsten
Herrn / des Churfürsten etc. vns obgenanten No
tarien semptlichen vñ sonderlichen vnsera Ampts
halben Requirit / ersucht vnd begeret / mit anzei
gung / Nach dem einer Hans von Freiberg sonst
Beheim genant / etzliche vnthaten vñ verrheteret /
darzu er sich bestellen lassen / in gütlicher vnd auch
peinlichen frage bekandt / Das sie inen erinnern
vñnd ratificirn lassen wolten / Das wir solch be
kenntnis von ime auch anhören / vnd wes er dessen
gestendig sein würde / dasselbige fleissig auffzuzei
chenen / Vnd in ein / oder wo es die notturfft erfor
deren würde / mehr öffentlich Instrument vñnd
form

form bringen wolten / Darauff ist genanter
Dans von Freiberg / sonst Beheim genant / frey
vnd vngewunden fürgestellt worden / Welchen die
Churfürstlichen befehlhabere obgenant / alles
vnd jedes so er hiebeyorn in der gute / vnd auch
peinlichen frage bekandt / stückweise erinnert /
Vnd zum höchsten / als es immer möglich gewes-
sen / Christlich / getrewlich vnd vleissig vermanet /
Das er seiner Seelen heil vnd wolffart bedencken /
vnd niemand mit vnwarheit beschweren / Son-
dern die rechte warheit bekennen wolte / mit gnugs-
amer verwarnung / was jme darauff stehen wür-
de.

Als hat er auff alle vnd jede stück / So er be-
fragt worden / vngewungen / freywillig / vnd mit
gutem bedacht geantwort vnd ausgesagt / Das
alles war sey / was er zuuorn bekant habe / Vnd ist
nachmals gestendig / das er anfanglich bey Wil-
helm von Grumbach / drey Jar gedienet habe /
Vnd in einnehmung der Stadt Wirtzburg / bey jn
in dis vertrauen kommen sey / das er jnen zu der-
selben verheterey gebraucht hat / habe sich in der
Herberge do selbst vor einen Herrn ausgegeben /
vnd gesagt / Das sein zug nach Franckreich gieng-
ge / Vnd wie Grumbach zwischen drey vnd vier
vhrn vor tage vor die Stadt komen / hat er mit sei-
nen Gesellen vnd sechs Pferden / vnd den andern
Reutern / deren bis in viertzig Pferde in der Stadt
gewesen / so sich zuuorn hinein geschleift / die
Pforten jnen gehalten / das die mit schrauben ge-
öffnet

öffnet worden/ Darnach sey er von Wilhelm vom
Grumbach/ vnnnd Wilhelm vom Stein/ zu Wil-
berg abgefertigt worden/ Nach Schwartzburg
sich der wege vnd stege do selbst vmbher zu erkun-
digen/ vnd das er sehen vnd erfahren solte/ Wann
der Churfürst zu Sachsen/ etc. Hertzog Augus-
tus alda jagen würde etc.

Ist erstlich auffm Schneberge antomen/ vnd
als er den Churfürsten nicht antroffen/ widerumb
gegen Gotha / dohin er bescheiden gewesen/ ge-
reiset/ vnd solchs Grumbach angezeigt/ Dat da-
mal sieben Thaler / vnd einen weissen Klepper von
Grumbach empfangen.

Weiter sagt er / Das er jtz Pfingsten zwey
jar / von Wilhelm von Grumbach/ vnd Wilhelm
vom Stein/ zum andern mal von Gotha die Dres-
senisch Weiden/ vnnnd dieselbigen Döltzer zu besu-
chen sey abgefertigt / domals ihm ein Jegerhorn
vnnnd eine Fehrbüchß gegeben worden/ Damit er
sich für einen Jeger oder Förster ausgeben solte/
vnd weil er so wol daselbst herum bekand were/
hat ime Grumbach geraten/ Er solte sich mit den
Jegern bekand machen/ vñ sehen wo er den Chur-
fürsten auff die seite oder hinderwärts beykom-
kündte/ vnd ime eine Kugel schencken/ Vnd wann
er solchs volbracht hette/ das Döltz einnehmen/ o-
der sonst sehen/ wie er davon keme/ Darauff er sich
dann auch vor des Churfürsten diener ausgebe-
offt jagen bestelt / Vnd so nahe an Dresden/ bis
gegen

gegen Kotzschbar komen/Als aber der Churfürst
dieselbe zeit nicht gejagt/ habe er sich den gantzen
Sommer bey den Förstern vmbher/ hin vnd wie-
der auffgehalten/Vnd sind jme vff diese Reise acht
Thaler/vnnd hernach noch sechs Gilden/Vnnd
neun Thaler gegeben worden/Darnach zum drit-
ten vnd letzten mal/ Sey er vorm jare in der Wein-
lese zeit zu Gotha im Schlos/ in eine grosse stube/
in dem obersten Gemach/ durch Valtin Schön-
berg/ des von Grumbachs diener gefordert wor-
den/darinnen Hertzog Johansfriedrich der Mit-
ler/Wilhelm von Grumbach/ vnd Wilhelm vom
Stein/allein gewesen/Dat Hertzog Johansfried-
rich einen schwartzen Rock/ von Damascusken/
wie er sich denchten lest/ mit Sammet verbremet/
vnnd mit Zobeln gefüttert/ vnd ein schwartz sam-
met gestept/Roller angehabt/Grumbach aber ha-
be einen Lündischen mantel mit Sammet verbre-
met/ gehabt/ Sey mit Wilhelm vom Stein vor
dem Tisch gestanden/ der Hertzog aber habe ge-
essen/ Es sey auch ein beschriebenes Papier/ auff
dem Tisch gelegen/ daraus jhme der Eidt durch
Grumbach stehend fürgesagt/Welchen er stehend
mit auffgereeckten fingern geschworen/das er/was
jhme befohlen/ausrichten wolte/Vnd ober darü-
ber gefangen würde/das er sich ehr zu stücken
reißen lassen/dann das er diese sachen offenbaren
oder bekennen wolte/Vnd hetten jhme befohlen/
das er dem Churfürsten/wann S.Churf.B.mit
den Leidthunden vorsüchten/auff der jagt nach

D ij schleis

schleichen vñnd sehen / das er S. Churf. B. erz
schleffen möchte / Weil er sich auch vernemen las
sen / das er einen Vettern an des Churfürsten
Doff hette / So habe jme Grumbach ein Puluer
gegeben / Welches sahl gewesen in einem star
cken papir / vñnd jme befohlen / er solte sehen / das
er etwo in des Churfürsten Küchen kommen / vñnd
das Puluer in die speise bringen köndte / Dat jme
auch zugesagt / wo er diese Sachen recht ausrich
ten würde / das er zu einem reichen gesellen ge
macht solt werden / Der Fürst aber habe jhme
nicht viel gesagt / auch nichts verheiffen / Son
dern diese wort geredt / Sihe Hans von Frey
berg / das du die sache / so dir befohlen / recht aus
richtest.

Solch Puluer aber / habe er darnach dem
Wirt zu Salueldt / Wolffen Albrechten auffzu
heben gegeben / jhme auch vertrauet worzu er
solchs gebrauchen wolte / Wiewol gedachter Al
brecht / Zimorn nichts dauon gewußt / Dasselbe
puluer auch langenicht von jme annemen wollen /
Er habe auch doneben demselben Wirt eine
Büchße auffzuheben gegeben / doran der han zur
sprungen / wie er dann Zwo kurtze Büchßen von
Grumbach zu Gotha bekommen / Auch sonst an
dere Büchßen mehr gehabt / zu viel spannen
lang / sampt einem birsch rhor / welchs er von ei
nem Baur bekommen / vñnd entlehent zu Schwartz
felt / vñnd jhme dargegen ein Schwert gegeben /
Vñnd ob wol dem also / das er diesen Eid gethan /

so

so habe er es doch nicht im hertzen gehabt/das er
es hette volbringen können / Habe auch den
Churfürsten niemals gesehen / Sondern habe
es alleine / vmb Geldes willen / vnd der zusage/
halben / so im beschehen/gethan. Also vnd der
gestalt ist er vonden Churfürstlichen Befelch ha-
bern befragt worden / Vnd sonderlichen auch/ob
er vff solchem seinen bekentnus/ vor Gottes stren-
gen Gericht bestehen/ vnd darauff sterben wolte/
Dat er zu etzlich malen/ vber gnugsame erinne-
rung / so ihm zuuorn vmd hernach / geschehen/
seine Gewissen vnd andere Leute / mit vnwarheit
nicht zu beschweren/ Ja darzu geantwortet/Vnd
das er solchs Hertzog Johansfriedrichen/
Wilhelm von Grumbach / vnd Wilhelm vom
Stein / auch/ wenn er fürgestellt würde/vnter ihre
augen sagen wolt.

Solche seine Aussage haben die Churfürst-
lichen Befelchhaber acceptirt/auff vnd angeno-
men / vnnnd ist von vns obgenanten Notarien mit
vleis verzeichnet / Auch vff vorgehende Requisiti-
on / wie obuermeldet/in diese öffentliche form/ge-
bracht worden/Welches alles geschehen/vnd er-
gangen ist / im Jar/ tage / zeit / vnd stelle/ wie im
eingang angezeigt/ in beysein der Ernuhesten/Er-
barn / vnnnd weisen / Welcher Haussen Haubt-
mans/ Hansen Kun Bürgermeistern/ Magistern
Lucasn Koch / Hansen Waltern / Marcusn
Suchsen/vnd Georgen Schwarzen / welche wir
D. iij vnter

unterzeichneten Notarien zu zeugen hierzu erfordert vnd gebeten.

Vnd ich Matthens de Quester/Keyserlicher gewalt offenbarer Notarius / Nach dem ich neben den andern beiden Notarien bey solchen Acten vnnnd Wandlung gewesen / solchs alles also persönlich gesehen / vnd gehört / habe ich dasselbe neben jnen / in diese öffentliche Form vnnnd Instrument bringen helffen / vnnnd mehrern glauben / mein gewöhnlich notariat Zeichen unterzeichnet / hierzu sonderlich requirirt vnd erfordert.

Desgleichen auch ich Bernhard Freidiger / von derselben Keyserlichen autoritet vnnnd macht / offenbarer Notarius / Dieweil ich neben den andern beiden / allhie unterzeichneten Notarien / bey solchen Acten gewesen / solchs also gesehen / vnnnd gehört / hab ich dis öffentlich Instrument mit eigener Hand geschrieben / vnd mit meinem Namen / Zunamen / vnnnd gewöhnlichem Notariat zeichen / unterzeichnet / hierzu requirirt vnnnd erfordert.

Gleicher gestalt auch ich Laurentius Winkelman / aus Keyserlicher macht vnnnd gewalt / offenbarer Notarius / Dieweil ich beneben den andern beiden / allhier unterzeichneten Notarien / bey solchen Acten vnnnd Wandlungen gewest / solches alles also persönlich gesehen vnnnd gehört / habe ich dasselbige neben ihnen / in diese öffentliche
Form

Form vnnnd Instrument bringen helfen/ Zu mehrer beglaubigung / habe ich mich mit meinem Namen/ Zunamen / vnnnd gewöhnlichen Notariat zeichen vnterscrieben/ Von den Gerichten sonderlich requirirt vnd erfoddert.

Num. 2.



S Gottes Namen/ Amen/ Als man zalt nach der geburt vnser Erlösers vnd Seligmachers / Tausent fünff hundert sechs vnnnd sechtzig / in der neunnden Römer Zinszal / zu Latin/ Indiction genandt / Freitags nach Viti/ den ein vnnnd zwentzigsten tag des Monats Junij / zwischen sechs vnd sieben Vhren vor Mittage/ Bey regierung des aller Durchleuchtigsten / Großmechtigsten / vnüberwindlichsten Fürsten vnnnd Herrn / Herrn Maximiliani dieses Namens des andern Römischen Keyfers/ zu allen zeiten mehrer des Reichs/ in Germanien/ zu Ungern/ Beheim / Dalmatien / Croatien/ vnnnd Schlaunien / etc. Könige / Erzhertzen zu Osterreich / Hertzen zu Burgundi/ Grauen zu Nabsburg / Flandern vnnnd Tyrol/ etc. Vnser aller gnedigsten Herrn / seiner Keyserlichen Majestet Reiche/ des Römischen im
N. iij. vierden.

vierden des Hungerischen im dritten / vnd des
Beheimischen im achtzehenden / auff dem Radt-
hause allhie zu Dresden in der grossen Radtstu-
ben / vor dem Erbarn vnd weisen Ambrosio Eri-
chen / Amptschössern vnd den Gerichts verwal-
tern allhie / mit namen Herrn Hansen Khun/
Christoff Reitman / beiden Bürgermeister / An-
thonio Glasern / Hansen Jhan / Christoff Rei-
chenbach / Paul Behrn / als gerichtss Schöppen /
vnd Georgen Geissen verordneten Stadtrichter /
auch vnser beider zu ende / mit namen vnterscrie-
ben Notarien / vnd nachvorseichenten Zeugen /
Sind die Ehrnuhesten vnd Erbarn / Hans Jes-
nitzsch / vnd Valerius Krakaw / Churfürstliche
Cammerssecretarij erschienen / Habende neben
sich / den würdigen Herrn Anthonium Rudolf-
fen / allhier Diaconum / vnd Lorentzen Vhlman /
Churfürstlichen Cantzleysecretarien / vnd allda
vorbracht / das sie von Churfürstlicher Durch-
leuchtigkeit / vnserm gnedigsten Herrn befehlch
empfangen / sich an den Gerichten zu erkunden /
wie es mit der Reuocation oder wiederruffung /
des gerechtfertigten Hansen von Freibergs /
sonst Hans Beheim genant / allenthalben gele-
gen / Welcher gestalt die geschehen / auch wie viel
stücke / so er zuorn in der peinlichen Vrgicht / vnd
nachfolgender Ratification bekandt / Vnd was er
der vor dem peinlichen Walsgerichte / ehe er seine
verdiente straff erlidden / gestanden oder nicht /
Vnd vns Notarien Requisirt vnd erfordert / was
wir

wir also vor bericht / von den Berichten hören
würden / das wir dasselbige eigentlich auffzeich-
nen / vnnnd in ein öffentlich Instrument bringen
wolten / Dierauff haben die Berichte / wie es mit
der Reuocation oder Wiederruffung / zugegangen
vnnnd welcher massen die geschehen / diesen mündt-
lichen bericht gethan.

Erstlichen bericht der Amptschösser zu
Dresden / Ambrosius Rich / Als Hans Bes-
hem / am Dienstag negstuor schienen / den achtze-
henden Junij / aus des Raths Fronfeste / vor den
Radt / in die Radtstube gefuhrt / vnd in gegenwer-
tigkeit des gantzen versamleten Raths / durch jnen
den Amptschösser befragt worden / ob er noch dar
auff beharrte / das er durch Wilhelm von Grum-
bach / vnnnd Wilhelm vom Stein abgefertigt sey /
vnnnd ihnen zugesagt habe den Churfürsten zu
Sachsen / etc. vnsern gnedigsten Herrn zu vor-
kundtschaffen / vnnnd S. Churf. G. nachzustellen /
vnnnd wo er gelegenheit erschen würde / S. Churf.
G. nach dem Leben zu trachten / Ist er der gantz
vnd gar ausgefallen / vnd gesagt / Er kennete Wil-
helm von Grumbach nicht / hette jnen auch sein le-
benlang nie gesehen / Aber Wilhelm vom Stein /
den hette er einmal gesehen / wüste aber nicht wo /
Dierauff er solchs ausfallens halben / wiederumb
eingefürt / vnnnd auff ein vorgehend Vrteil / wieder
peinlich sollen gefragt werden / Da hette er (ehe dan
der Amptschösser / vnnnd der Stadtrichter / sampt
den

den andern Herrn Schöppen vnd Gerichts personen hernach / in die Fronfeste kommen) dem Scharffrichter freywillig / vnd one einige zwang oder Tortur bekandt / Das es ja an dem sey / das er derhalben von den obgemelten zweien / abgefertigt were / Vnd solches als der Schöffer / der Stadtrichter / vnd die andern Herrn hernach kommen / nicht alleine also one Tortur / vor ihnen gleicher gestalt gestanden / Sondern auch darzu gesagt / das damals / sie ihnen zum letzten mal abgefertigt / Wilhelm von Grumbach / sampt einer seiner Knechte Hans Kratz genant / mit ihm von Salselt / bis gegen Plawen geritten / vnd eine Nacht bey der Dennebergerin / deren Man verrückter zeit / erstochen worden / zur Berberge gelegen / Vnd hette Grumbach damals mit ihm verlassen / wie er die Sachen finden würde / das solte er ihm wieder zuschreiben / vnd die Brieffe genanter Wirtin / der Dennebergerin zuschicken / die würde dieselben ihm Grumbachen fürder zufertigen / Dat auch auff vielfeltige vleissige vermanung / vor den Gerichts personen / darauff bestanden / das es also war sey / Als er aber hierauff befragt worden / warumb er dann solchs / so er doch zuuorn bekandt vnd gestanden / wiederruffen hette / Dabe er geantwort / das er Wilhelm von Grumbach / vnd dem vom Stein einen Eidt vnter andern geschworen / Wann er gefangen / peinlich gefragt / vnd gleich bekennen würde / das er doch / was er vor Gerichte keme / alles so er zuuorn

zuorn beandt / wiederruffen / vnd sie beide entschuldigen wolte / Ober diese der Gerichte Kundtschafft vnd aussage / hat Herr Anthonius Rudolff / Diaconus allhier zu Dresden / welcher des gerechtfertigten Hanss Beheimis Beichtuater gewesen / auch berichtet / das er heut Freitags acht tage zu ihme ins Gefengnus sey gefordert / inen Beicht zu hören / vnd das hochwürdige Sacrament zu reichen / Dabe ihnen allda Christlich vnd getrewlich vermanet / weder sich selbst / noch sonst jemandes / mit vnwarheit nicht zu beschwere / darauff der Gefangene bedenkzeit genommen / vnd gebeten / das er auff den Sonnabend wieder zu ime wolte kommen / Vnd als solchs geschehen / vnd gefragt worden / worauff er dann bestünde / Da er gesagt / was seine vorige aussage / Wilhelm von Grumbach / vnd des vom Steins abfertigung belangte / dasselbe sey war / wie er ime dann solchs auch in der Beicht offenbaret / vnd bekennet / Aber mit dem Puluer / das Vertzog Johansfriedrich zu Sachsen / etc. neben ihnen beiden / ihme solten zugestellt haben / dem Churfürsten damit zu vergeben / Desgleichen auch mit dem Wirt zu Salueldt / demie ers solte auffzuheben geben haben / daran sey nichts / Darauff er auch also das Sacrament empfangen / vnd bestendig verharret.

Valerius Aratow / Churfürstlicher Cammersecretarius / berichtet hierneben auch / das Hanss Beheim / ihme beneben dem Herrn Anthonio

thonio Rudolffen Diacono / vnnnd dem Ampts-
schösser / als sie alle drey bey ihme gewesen / be-
fandt habe / das ihne Grumbach / vnnnd Wilhelm
vom Stein / alleine abgefertigt hetten / das er den
Churfürstē zu Sachsen vnsern gnedigsten Herrn
verkündtschafften / auch S. Churf. G. nachschlei-
chen / vnnnd wo er S. Churf. G. bekommen köndte /
eine Kugel schencken solte / Es were aber Hertzog
Johansfriedrich darbey nicht gewesen / so were
es auch mit dem Puluer nichts / welchs sie ihme
seinem vorigen Bekendtnus nach / solten gegeben
haben / Also sagt auch Secretarius Lorentz Al-
man / das er auch angehört / das Hans Beheim
in der Stadtstuben / ehe dann er das erste mal / vor
Gericht vorgestanden / gesagt / Er beschwere die
Leute / auff welche er bekendt habe / vnnnd kenne
Grumbachen nicht / Als er aber bald darnach
wiederumb in die Büttelē geführt / vnnnd verma-
net worden / die rechte Warheit zu bekennen / Da-
be er gesagt / Es sey ja also / vnd allzu war / er wöl-
le auch darauff sterben / das inen Grumbach / vnd
Wilhelm vom Stein abgefertigt haben / vnnnd
wolte fürder nicht wiederruffen / Mit dem anhan-
ge / das er solchs / wie obsteht / zu wiederruffen ge-
schworen hette.

Dierauff er wiederumb vor Gerichte ge-
setzet / ist er demnach von dem Amptschösser /
Stadtrichter / auch letztlich von dem Scharffrich-
ter vnterschiedlich gefragt worden / Ob er dann
auch

auch noch darauff bestehe / das er den Churfürsten zu Sachsen zuorkundschaften / vnnnd S. Churf. S. nach dem Leben zu trachten / von Wilhelm von Grumbach / vnnnd Wilhelm von Stein abgefertiget / Dat er frisch vnnnd vberlaut / als er zuorn nie geredt / das es meniglich hat hören können / zum dritten mal Ja gesagt / Darauff der Stab gebrochen / die Bericht auffgegeben / vnnnd die Execution / vernünige des Urteils erfolgt.

Solche der Gerichte / vnd der andern Personen aussage / haben die obgenannten Churfürstlichen Befehlhabere acceptirt vnnnd angenommen / Vnd vns Notarien / wie obgemelt / Requirit vnnnd begert / das wir es in eine öffentliche Form vnd Instrument / fassen vnnnd bringen wolten / Welchs also von vns geschehen / Vnd sind hierbey gewesen / die obgenannten Personen alle / vnnnd darneben auch die Erbarn vnnnd Weisen George Schwartz / vnnnd Bastian Wict Radsfreunde / als gezeugen von vns hierunter geschriebenen Notarien / sonderlich hiez zu erfordert vnd gebeten / Geschehen im Jare / tage vnd stunde / wie oben im eingange vermeldet.

Vnd nach dem rich Bernhardus Freidinger / von Röm. Key. May. gewalt / offenbarer Schreiber / neben den andern hierunter geschriebenen Notarien / darbey gewest / da die Churfürstlichen Befehlhaber / von den Gerichten des gerechtfertigten Dansen Beheim bekentnus vnd wiederruffung

X iij fung

fung halben / bericht vnd kundtschafft begert/
dasselbige / vnd auch was die Gerichtshalttere/
vnd andere Personen / so befragt worden / dar
auff ausgesagt / vnd bericht von sich gegeben/
gehört / Dabe ich dasselbige / was ich vernom
men vnd auffgezeichnet / in diss Instrument ges
setzt / vnd in öffentliche Form bringen helfen/
Auch des zu vrkündt / mich mit namen vnd zunam
men / sampt meinem Notariat zeichen vnterschries
ben / hierzu Requirit vnd erfordert.

Vnd nach dem ich Laurentius Winckelman/
von Röm. Key. May. gewalt / offenbarer Schreis
ber / neben dem hienor vnterschriebenen Notaris
en / darbey gewesen / da die Churfürstliche Bes
fehlhabere / von den Gerichten des gerechtfertig
ten Danen Beheims bekentnus vnd widerrufs
fung halben / bericht vnd kundtschafft begert/
Dasselbige vnd auch / was die Gerichtshalttere/
vnd andere Personen / so befragt worden / dar
auff ausgesagt / vnd bericht von sich gegeben/
gehört / Dabe ich dasselbige / was ich vernom
men vnd auffgezeichnet / in diese öffentliche Form
bringen helfen / Vnd diss Instrument mit eige
ner hand geschrieben / Auch des zu Vrkundt/
mich mit meinem tauß vnd Zunamen / sampt
meinem Notariat zeichen vnterschrieben /
von den Gerichten hierzu sonder
lich Requirit vnd er
fordert.

Amn.



N. m. 3.

Ottes heiligen Namen

angeruffen / sey hiemit kundt
vnd offenbar / allen denen / so
diss öffentlich Instrument se-
hen oder hören lesen / Das nach
Christi vnsers lieben Herrn
vnd Seligmachers geburt / im
tausent fünffhundert vnd sechs vnd sechzigsten
Jare / in der neulinden Indiction / oder Römischen
Zinszal / Montags am tage Johannis
Baptiste / welcher allzeit ist der vier vnd zwens-
tzigst des Monats Junij / zwischen fünff vnd
sechs Vhr / vor mittage / Bey regierung des aller
Durchleuchtigsten / Grossmechtigsten Fürsten
vnd Herrn / Herrn Maximilian / dieses namens
des andern Römischen Keyfers / zu allen zeiten
mehr der Reichs / in Germanien / zu Vngern /
Boheim / Dalmatien / Croatien / vnd zu Schla-
nonten Königs / Erzhertzogs zu Osterreich /
Hertzogs zu Burgund / Steier / Kernten / Cra-
in / vnd Wirttemberg / Grauen zu Tyrol / vnsers
aller gnedigsten Herrn / seiner Key. May. Reichs /
des Römischen im vierden / allhie zu Dresden /
in des Erbarn Raths Fronfest / von gemeinem
Volcke / die Bütlei genant in der Oberstuben / so
dem Wosewerts zu / zur rechten hand gelegen /
Aus befehl des Durchleuchtigsten Hochge-
bornen Fürsten vnd Herrn / Herrn Augu-
sten Hertzogs zu Sachsen / des Heiligen
R. lig. Römischen

Römischen Reichs Ertzmarschalchs vnnnd Churfürsten / Landtgrauen in Düringen / Marggrauen zu Meissen / vnd Burggrauen zu Magdeburg / vnser gnedigsten Herrn / Die Hochgelarten / Ernuhesten vnd Erbarn / Herr Laurentius Lindeman auff Sedelitz / der Rechten Doctor / Bartel Lauterbach / Hans Jenitz / vnd Valerius Kraß / S. Churf. S. Kethe / Rentmeister vnd Cammersecretarien / Vnd in dieser nachfolgenden Sachen / verordente Commissarien vnd Befehlhaber / erschienen sind / vnd alda in gegenwertigkeit / der Erbarn vnnnd Weisen Ambrosien Erichen Amptschöffers / Hansen Rhun Bürgermeisters Paul Behrs / Hansen Jhans / vnd Georgen Geissens / Stadtrichters / von wegen der Gericht / Auch in beysein vnser beider / zu ende dieses Instruments vnderzeichneten Notarien / vnnnd dreier namhafftigen gezeugen / so auch mit namen hienach geschriben / fürbracht.

Nach dem ein Gefangner Philip Blasse genant / welcher domals auch persönlich zugegen gewesen / auff gütliche vnnnd peinliche frage / eine Urgicht vnd bekendtnus gethan / dieselbige auch zum offtermal / freywillig wiederholet / Welch freywillig bekendtnus / aus seinem munde in schriftten verfaßt worden / So hetten sie befehl / ime solche Urgicht / aussage vnd bekendtnus / noch einmal in der Gerichte / vnd vnser aller gegenwertigkeit verlesen zu lassen / vnd zu befragen / ob er dar
auff

auffbeharren wolle / mit begerung das die gericht-
te / des / so er gestendig / eingedenck / bey jnen als
dem Gerichte Registriren / vnd darvon jeder zeit
zeugnus geben wolten / Desgleichen auch vns
Notariē / von wegen vnsers Ampts Requirirt vnd
erfordert / das wir solehs in ein öffentlich Instru-
ment fassen vnd bringen solten / damit man sich
des / so oft es die notdurfft erfordern möchte / der
warheit zu stewart zu gebrauchen / Welchem also
nach / ist des gefangenen Philipsen Blassen Dr-
gicht vnd Bekendtnus öffentlich gelesen worden /
des lauts vnd inhalts / wie von worte zu worten
hernach volget.

Erstlichen sagt genanter Philips Blasse /
das er den neunzehenden / zwentzigsten oder ein
vnd zwentzigsten Augusti / negst vergangenem
fünff vnd sechtzigsten Jars / zu Weimar in einer
Berberge in der Gassen / wann man von Erffurt
hinein zeucht / wol hinein in die Stadt / vor wel-
chē Hanse ein Notstal gewesen Hansen von Wil-
desheim / so Wertzog Johansfriedrichs zu Sach-
sen vertrauter Hoffdiener / mit zweien Pferden /
anfenglichen seines Brudern Wertens halben / so
im Dorff Bischleben / im Ampt Sachsenburg /
an der Pestilentz krank gelegen / angeredt / das er
den Oberste Ernst von Mandelslo ansprechen
wolte / das sein Bruder ein tag oder etzliche allda
bleiben möchte / welchs dann also gewilligt wor-
den / Vnd weiter hette er jme seinen Anschlag wi-
der die von Erffurt / nach dem Zerbster marckt
ent-

entdeckt / vnd mit zu reiten gebeten / Darauß hette
te ihm Hans von Wildesheim hinwieder einen
Anschlag verträwet / welcher gestalt / der Chur-
fürst zu Sachsen / wann S. Churf. G. auff der
Jagt vnd Weidwerck sein / von den Kleppern
absteigen / vnd Wildtbret nachtrachten vnd nach-
schleichen würden / vberfallen / gefangen vnd weg-
geführt solt werden / Zu welchem Anschlag ein E-
delman diese kundtschafft solt einbracht haben /
das es itzo rechte zeit were / solch fürnemen ins-
werck zu richten / vnd den Churfürsten bey dem
Kopff zu kriegen / Vnd wie er hernacher von Jör-
gen Thübeln verstanden / solt dieser Edelman
Anthonius Pflug von Schradewalde gewesen
sein / Vnd darauß hette ihne Hans von Wildes-
heim angesprochen / vnd ersucht mit zu reiten / Es
were auch solcher Anschlag albereit so weit be-
schlossen vnd abgeredt gewesen / das man baldt
auff sein sollen / Als wie man sagen möchte / den
abendt oder folgenden morgen / vnd zu solchem
Ritte hetten Georgen Thübel anzeige vnd bedin-
ken nach / sollen zwölff oder vierzehn Pferde ge-
braucht werden / vnd hetten sollen mitreiten / An-
thonius Pflug / Ernst von Mandelslo Diener /
vnd George Thübel / welcher der Führer sein sol-
te / wie sich Thübel des alles vermutet / Vber das
sagt auch Blasse / das George Thübel ihme an-
gezeigt hette / das man im Ampt Aldenburg die-
leger halten müßte / wann man auff den Churfür-
sten einen Anschlag machen wolte / dann es sich
mit

mit den Posten zu lange verweilte / Es sol auch
Dans von Wildesheim / wie ihnen Thübel her-
nach berichtet / ein hundert Thaler zur zerung / zu
solchem Ritt empfangen haben / Ob aber auch
hierüber mehr Pferde versteckt haben sollen wer-
den / wisse er nicht / Als er aber Dansen von Wil-
desheim gefragt / wann sie nun den Churfürsten
bekemen / wo sie mit S. Churf. S. hin wolten/
hette er geantwort / Darumb solt er sich nicht be-
kümern / S. Churf. S. solten wol behalten wer-
den / Darneben hette auch Dans von Wildes-
heim gesagt / Es were itzt die rechte zeit / dann von
einem Müller prophezeihet worden / das der
Churfürst gleich vmb die zeit / einen sturtz leiden
solte / Wiewol er nu wieder diesen Anschlag
nichts reden / noch denselbigen aus furcht / das er
bey ihnen nicht verdecktig würde / stracks ab-
schlagen dörrfen / So hette er doch auff seinen
ersten Anschlag / so er wieder die von Erfurt/
nach dem Zerbster marckt für hette / gedrungen/
der auch nicht verzug leiden wollen / Auch noch-
mals Wildesheim vnd Thübeln gebeten mit zu-
reiten / Darauff Wildesheim gesagt / das an die-
sem Anschlag wider den Churfürsten mehr ge-
legen / Vnd weil sich Blasse auff diesen fürschlag
nicht erkleren wollen / do hette er vermerckt / das
es Wildesheim fast gerawen / das er mit diesem
Anschlag geschnapt / vnd so weit los gegangen/
Vnd es were auff solchs alles weiter erfolgt / das
S. ij Blasse

Blasse, des andern morgens seinem Anschlag
nachgezogen / vnnnd von Weimar nach Gotha /
vnnnd von dannen nach Sangerhausen geritten /
Auch Georgen Thübeln sampt seinem Sohne /
desgleich Christoff Müllendorffen / auch zwene
Braunschwigische Einspennige / Matthesen von
Dalberstadt / vnd Jörgen / so sich bey denen von
Kenssen auffhalten mit zu reiten vermocht / welche
dann auch auff solchem Ritt / als den Zerbesten
marck / auff Bartholomei des negsten verschie-
nen fünff vnnnd sechzigsten Jars / einen angrieff
auff dem Mansfeldischen bodem gethan / vnnnd
hätten fünff Damasciken vnd andere wahr be-
kommen / Auff solchem Ritte hette Jörgen Thü-
bel von dem Weimarischen Anschläge mit Blas-
sen weiter geredt / vnd sich vernemen lassen / wann
sie denselbigen volbringen wolten / so weren ihr
doch noch genug allda / vnd würden es one ihnen
wol volbringen / Ob aber derselbige Ritt fürgeno-
men / oder wie es danit ferner ergangen / das
kündte er nicht wissen / Seines erachtens möchte
auch dieser Ritt dardurch verhindert worden vnd
verblieben sein / das er neben Thübeln nicht mit
geritten / Dann er weiter berichtet / Weil Thü-
bel darumb zu Gotha am Hofe so wol gehalten /
ihnen auch Hertzog Johansfriedrich zu Sach-
sen / mit einem hübschen Gaul versehen / das er
Anschlege / den Churfürsten zu Sachsen weg zu
führen / fürgegeben / vnnnd er aber diese ding / derer
er nicht befugt / zuorrichten nicht gewußt / So
hette

hette Thübel denselben Ritt bester lieber mit ihme
gethan / Were auch vngefehrlich vmb Michae-
lis des vergangen Jars / vom Wofe heimlich
hinweg geritten/vnnd dardurch in vngnade vnnd
mißstrawen kommen / Also wie er durch flochre-
de vernommen/ das man ihme/ auch Romamussen
Dehnen nachstellte / das sie möchten erschossen
werden/ damit man von jnen nichts erfahren könd-
te / dann sich einer vernemen lassen / das Grum-
bach gesagt / das Keinem mehr so baldt solte ver-
trawet werden / vnd würde es ein ander entgelten
müssen.

Letzlichen hat auch Blasse vnder andern
gesagt/ wie jhnen die sachen der Lechter ansehen/
so mußte Grumbach gewis einen vorstandt mit
Fürsten haben / dann die Decken Reuter wür-
den es nicht ausmachen / weil Grumbach oft
seine Knechte hin vnd wider verschickt / Es het-
te sich George Thübel/ auch gegen jme vernemen
lassen/ das er auff die Kammerwagen/wann die
gegen Leiptzig giengen / auch hernacher gegen
andern / von denen ers gehört / verlauten lassen/
das er auff die Rutzschen/so gegen Leiptzig gieng-
en / seinen Anschlag machen wolte / Wie er
dann auch Jörgen den Brunschwieger ersucht
vnd angesprochen mit zu reiten / Vnd Blasse
hielte es dafür / das Hertzog Johansfriedrich
zu Sachsen/etc. Wilhelm von Grumbach/Wil-
helm vom Stein / vnnd Ernst von Mandelslo/
von diesem Damsen von Hildesheim / vnd an-

Bern Anschlegen wider den Churfürsten zu Sach-
sen / gute wissenschaft gehabt / sonderlich weil
Hans von Wildesheim des Wertzogen vertrau-
ter Diener were / das derselbe mit seins Herrn
vorwissen vnd willen / in solchen dingen han-
deln müste / Vnd weil in verlesung solcher schrift
Philip Blasse etzlicher wenig wort besser erin-
nert / sind dieselben aus seinem munde / in solcher
letzten Schrift geendert / vnd gesetzt / Er auch
darauff zum andern vnd dritten mal befraget /
Ob er auff solchem seinem bekendtnus zuvorhar-
ren / vnd zuersterben willens / Demnach er auch
zu mehr maln / Ja geantwortet / vnd auff solchen
seinem freywilligen bekendtnus / endtlich bestan-
den / Welche wiederholte verjahrung auff off-
mals gestandene bekendtnus / die Herrn Com-
missarien vnd Befehlhaber von im vorbekandt /
Acceptirt vnd angenommen / vnd die Gerichte
samt vns beiden Notarien Requirirt / desselben
also eindenck zu sein / Vnd wie vorgemelt / zu Re-
gistriren / vnd zu Instrumentiren / Demselben
also nach / Haben wir die Erbar vnd Weisen /
Magistrum Lucassen Koch / Nickeln Freundt /
vnd Hansen Hasen Rattsfreunde / so auch ge-
genwertig gewesen / Vnd disß alles neben vns
Notarien gesehen vnd gehört / zu gezeugen gebe-
ten / vnd disß Instrument darüber gemacht vnd
verfertigt / Geschehen im Jare / Indiction / Mo-
naten / Tage vnd stelle / wie oben im anfang kler-
lich erzelet.

Vnd

Vnd ich Bernhardus Freidingen / von Keyserlicher gewalt / offenbarer Schreiber / Nach dem ich bey diesem allem gegenwertig gewest / solchs Philipsen Blassens zum offtermal Repetirt bekenntnus / neben den andern hierneben vnterschriebenen Notarien / vnd obgenanten gezeugen / aus seinem eigenen munde selbst gehört / vnd in verzeichnis genommen / Dabeich zu bekentnus der Warheit / in disß öffentlich Instrument / welchs ich mit eigener hand geschrieben / vnd vnterschrieben / darzu mit meinem Notariat zeichen bekräftiget / bringen helffen / hierzu sonderlich Requirit vnd erfordert.

Vnd ich Laurentius Winckelman / von Königlich Keyserlicher gewalt / offenbarer Schreiber / Dieweil ich bey diesem allen / wie in diesem Instrument vermeldet / gegenwertig gewest / solche Philipsen Blassens zum offtermal Repetirte aussagung vnd bekenntnus neben dem andern hierneben vnterschriebenen Notario / vnd obgenanten gezeugen / aus seinem eignen munde selbst gehört / vnd in verzeichnis genommen / Dabeichs zu mehrer beglaubung / in disß öffentlich Instrument bringen helffen / Vnd mich mit meinem

Tauff vnd Sumamen / auch mit meinem gewöhnlichen Notariat zeichen vnterschrieben / vntd bekräftiget / hierzu sonderlich Requirit vnd er-

fordert.

S iij

Hertzog

Hertzog Johansfriedrichs des
Mittlern zu Sachsen/etc. Ant.
wort hierauff.

V

Unsere freundtlich dienst/
vnd was wir liebes vnd guts ver-
mögen / zuuorn / Hochgeborner
Fürst / freundtlicher lieber Vetter/
Schwager / Bruder vnd Befat-
ter / Wir haben E. E. schreiben/
bey gegenwertigem ihrem reiten
den Boten gestern abends empfangen / vnd sei-
nes inhalts vorlesen / Vnd weren wol freundtlich
geneigt gewesen / E. E. darauff als balde der not-
durfft nach / hinwiederumb zu beantworten/
Wir mügen aber E. E. freundtlicher meinunge/
mit erfreuetem gemüt / nicht bergen / Das der
Barmhertzige gültige Gott / die Hochgeborne
Fürstin / Fray Elisabeth / geborne Pfaltzgreuin
bey Rhein / Hertzogin zu Sachsen / etc. vnser
freundtliche hertz liebe Gemahel / irer Weiblichen
bürden gestriges tages / mit allen gnaden ent-
bunden / vnd irer Liebden vnd Vns abermals ei-
nen jungen Son vnd Landts Erben / gnediglich
gegeben hat / Darumb wir dann seiner Allmacht
von hertzen lob / Ehr vnnd danck sagen / Vnd es
E. E. sich mit ihrer Liebden / vnnd vns gleicher ge-
stalt

stalt haben zu frewen/hiermit freundtlich vermel-
den thun./ Vnd demnach an berürter vnser wider-
antwort dissmals verhindert worden/Sind aber
freundtlich vrbüttig / dieselbige L.L. nach vol-
brachtem Kindteuffen / bey eigener vnser Bot-
schafft zu zufertigen / freundtlich bittende/L.L.
wollen die kleine zeit freundtlich gedult tragen/
Dann L.L. freundtlich zu dienen/ sind wir ge-
neigt vnnd willig/Vnnd habens derselbigen auff
dissmal freundtlicher meinunge / hinwider nicht
wissen vnangezeigt zu lassen/ Datum Grimmens-
stein/den 10. Julij/Anno Domini 1566.

Von Gottes Gnaden Johansfried-
rich der Mittler/Herzog zu Sach-
sen/Landtgraff in Thüringen / vnd
Marggraff zu Meissen.

An Churfürsten zu
Sachsen/etc.



3
Vnser freundtlich dienst/
vnd was wir mehr liebs vnd guts
vermögen/allzeit zuuorn/Doch-
geborner Fürst/freundtlicher lie-
ber Vetter/Schwager/Bruder/
vnd Gefatter / Wir haben L.L.
schreiben / darinnen sie vns der
Dochgebornen Fürstinnen / Ihrer freundtlichen
T hertz

hertzlieben Gemahls / vnser freundtlichen lieben
Muhmen vnd Schwegerin / glückliche vnd frö-
liche geburt / vnd das der Allmechtige Gott / E.
E. beidem einen jungen Son vnd Landts Erben/
gnediglich bescheret / zu erkennen gegeben / zu
vnsern handen empfangen / Thun vns desselben
gegen E. E. freundtlich bedanken / vnd wie wir
es nit besondern frewden erfahren / also wünd-
schen wir auch E. E. sampt dero freundtlichen lies-
ben Gemahl / von dem Allmechtigen glück vnd
heil dazü / Damit diese vnd andere E. E. Erben/
Gott zu ehren / vnd dem Hause zu Sachsen zu
gutem / ein langes leben vnd selig alter erreichen.


Nach dem wir aber auch E. E. jüngst vnser
gemüt vnnd endtliche meinunge / des Echters
Grumbachs halben zugeschrieben / vnd es vmb
E. E. letzte Antwort / so den sieben vnd zwentzig-
sten Junij datirt / dermassen geschaffen / das E.
E. vnser verhoffens jren vnflug (dazü sie sonder
zweiffel von den Echtern bisanhero verleitet wor-
den) nunmehr selbs mercken vnd erkennen werden /
So sind wir der gantzlichen znmorsicht / E. E. wer-
de sich auff beschehen vnser vielfaltiges freundt-
lichs vnd billichs süchen / vnd vberflüssigen be-
weis / dauon wir E. E. negst bericht gethan / vnd
noch weiter zu thun bedacht / ihrem erbieten nach
der Erbeinung gemess erzeigen / vnd sich also dar-
zu erweisen / damit wir vnd menniglich / so dieser
dinge berichtet / zu spüren / Das E. E. nicht allein
ob der

ob der Echter mörderischen vornemen wider vn-
ser Person kein gefallen tragen/ Sondern es auch
neben vns der nahen Blutuerwandnus nach/mit
gebürlichem Ernst/ vnd angebornem Fürstlichem
eifer/ zu anden/ zurechnen / vnd zu vindiciren ge-
neigt sind / Dessen sich E. E. hinwider zu vns vn-
zweifflich zuuorlassen / Vnd sind E. E. freundtlich
zu dienen willig / Datum auffm Stolpen / den
fünff zehenden Julij/Anno 1566.

Von Gottes Gnaden / Augustus
Hertzog zu Sachsen/des heiligen
Römischen Reichs Ertzmarschalch
vnd Churfürst/Landtgraff in Dür-
ringen/Marggraff zu Meissen/vnd
Burggraff zu Magdeburg.

An Hertzog Johansfriedrichen
zu Sachsen/den Mittlern/etc.

A A

 Unser freundtlich dienst/
vnd was wir mehr liebes vñ guts
vermögen/ zuuorn/ Hochgebor-
ner Fürst / freundtlicher lieber
Vetter/Schwager/ Bruder vnd
Gefatter / Auff E. E. freundtli-
che wiederantwort vñnd glück
wündtschung / von wegen vñsers durch des
E n Allmech

Allmechtigen Göttliche gnedige verleihung jungen beschereten Söns / So mit namen Johans Ernst / aus der heiligen Christlichen Tausse gehoben worden / Thun wir vns gegen Ewerer E. freundtlich bedancken / vnd sind auch beneben E. E. gewündscheten wolffart / gegen Gott dem Allmechtigen der vnzweiffelichen hoffnung / zuversicht / vnd fleissigen anruffens / das seine Allmechtigkeit diesem vnnnd den andern vnsern geliebten Sönen / seine Göttliche gnade vnd reichen segen / mittheilen werde vnnnd wolle / darmit sie in Gottes fürcht auffgezogen / auch der Christlichen Kirchen / vnnnd dem löblichen Hause zu Sachsen heilsame / nützliche / friedfertige / auch glück vnnnd sieghafftige Regenten vnd Landes Fürsten geben mögen.

So viel dann Ewerer E. fernere / in dem itzigen vnnnd kurtz zuvor an vns gethanen schrifftten / gemachten anhang / zu sampt den Instrumentirten Vrgichten / so gegen vnd wieder den Vhesten vnsern Radt / vnnnd lieben getrewen Wilhelmen von Grumbach / vnnnd Wilhelmen vom Stein / verfertigt worden / allenthalben anlanget / Dessen wir vns in warheit gentzlich vorsehen gehabt / das E. E. an dem jenigen vnsern Schreiben / so wir vnter dem Dato den zwelfften Junij / nit kurtzer aber doch notdürfftiger ausführung an dieselbige gethan / freundtlich würden zu frieden gewesen sein / auch daran ein billichs begnügen empfangen haben.

Alle

Alle dierweil E. E. aus demselbigen/zusamt
des von Grumbachs / vnnnd des vom Steins ein-
geschlossener Supplication / vnnnd schriftlichen
verantwortung / nach aller lenge / auch vnters-
chiedlich zuuornemen gehabt / Wie es erslich
nit Graff Günthers von Schwartzburg/wider
den von Grumbach vnerweiseten berichtigung
oder besagung / vnnnd dann volgendts vmb die
vormeinten von den zweien armen gepenichten/
Vbelthetern erzwungene Vrgichten / gewandt/
vnnnd gelegen / Desgleichen was der von Grum-
bach / vnnnd der vom Stein / zu irer warhafftigen
entschuldigung / vnnnd (nach vieler vorstendigen
Leute erachten) zu irer statlichen vnd erheblichen
widerantwort / sich gegen E. E. gnugsam erkleret/
erboten vnd gebeten haben.

Wann wir aber aus Ewerer E. stzt berürten
zweien/vnd balde auff einander erfolgeten schriff-
ten / vormercken/das Ewere E. vnser freundtliche
vnd wolmeinliche erinnerungen / auch angeheff-
tes rechtmessiges vnnnd vnuorweislichs erbieten/
mit still schweigen vbergangen / Aber dargegen
auff ihrer vorigen starcken meinung vnd suchung/
wider den von Grumbach vnnnd Stein verhar-
ten / Welches wir doch aus aller hand bewegens-
den Vrsachen / nicht gerne vernemen / Als bitten
wir E. E. gantz freundtlich / die wolle vns dieses
fals / darinnen wir dann E. E. mit gutem gewis-
sen / auch one verkleinerung vnserer Fürstlichen
E in Ehren/

Ehren / vnd nachtheiliger verkürzung des Rech-
tens ihrer gethanen suchung nach / derer massen
nicht wilfaren können / freundlich entschuldiget
halten vnd wissen / Wie wir dann in keinen zweis-
uel stellen / das E. L. in künfftiger vnd förderli-
cher zeit / den rechten grund derer Sachen/dar-
umb E. L. diese gute ehrliche Leute/ itzmal in
vnmorschuldete argwohn vnd verdacht/mit son-
derlichen vngnaden gefast haben/ mit dem Werck
viel anderst geschaffen/ dann E. L. bisshero
sind berichtet vnd vberredet worden / befinden
werden / Derhalben dann E. L. als dann ob die-
ser vnser notwendigen vnd billichen wegerung/
vns nicht alleine vmb so viel weniger werden ver-
dencken mögen / Sondern auch mit diesen guten
Leuten / gnediglich zu frieden sein/ vnd zupfördest
vber irer sonderlichen gegen Ewerer E. wolmeins-
lichen / auch mehr dann in einem wege erzeugten
trewe / nicht wenig verwunderung schöpffen/
vnd neben dem auch ein gnedigs gefallen darob
tragen / Sintemal wir diese gute Leute vnd ihre
Mituerwandten / als die wir allen friedlichen
wesen zum besten / bey vns eine zeitlang auff-
gehalten/fast aus dem grunde ihres Hertzens/
durch tegliche erfahrung haben erkennen lernen/
vnd bey ihnen dieses auffrichtige gemüt vnd
standthaffrige Adeliche Erbarkeit befunden/
das sie vngeachtet aller bisshero / vnd man-
nichfeltiger weise / ihnen angebotenen / auch fast
in die Hande vberreichten bequemißkeiten/

Idan

Ibaannochst gehnemen frieden/ruhe/ vnd einigkeit
viel mehr gewünschet vnd geliebet.

Auch vornemlich der Römischen Key. May.
Erwerer L. selbstien / vnnnd dann vns zu sonderli-
cher vnterthänigkeit/allen ihren gehabtten Vorteil
vbergeben / vnnnd die jenigen wege/ so ihnen nicht
von geringen Leuten/ gleichsam als mit den Fin-
gern gezeigt worden / gentzlich vnterlassen ha-
ben/ Welchem allen zu schliesslicher volge/ Ist
viel mehr vnd billicher zugeschwigen / das sie
gegen hindansetzung vnd ausschlagung so viel
statlicher ansehenlichen vnd angebornen beför-
derung / sich numehr solcher menschlichen vnnnd
mörderischen anschlege/ gegen Erwerer L. Person/
Inmassen ihnen dann in dem vormeinten Instru-
mentirten Vrgichten zugemessen wirdet/ beflis-
sen haben solten/ Do es aber vielleicht von an-
dern Leuten / vnd auch etwan von denen/ wel-
chen es Erwerer L. am wenigsten zu trawen/ vnt-
erstandem öder vorgeschlagen sein möchte/ So
werden doch vnser erachtens diese gute Leute/
vmb anderer Personen verschuldung willen / von
L. L. aus diesem nachdencklichen argwohn/ bil-
lich vnd mit allen gnadengelassen/ Wie sie dann
ihre Vnschuldte / von wegen der jüngsten vber-
schickten vnd Instrumentirten Vrgichten/ so ge-
gen den vorigen zu halten / in vielen stücken wi-
derruffen / vnnnd geendert worden / ferner auff's
Papier bringen / vnnnd vns vbergeben werden/

A 4 Welche

Welche auch fürder E. E. von vns vnuorzüglich
zugeſchickt werden ſol.

Vnd nach dem auch E. E. in etzlichen iren
Schriften / vns der höchſtgedachten Keyſerli-
chen Maieſtat beſelchs / von wegen des von
Grumbachs / vnnnd ſeiner Mituorwandten / etc.
vnterthenigſten gehorſam zu leiſten / deſgleichen
der geſchwornen Erbeinung gegen E. E. gemeyß
zu verhalten erinnert /

Vnd ob wol auch daſſelbig vns / von wegen
etzlicher geſchefften wort / vnd gleich als ob wir
vns in dem allem ſchuldiger gebür / vngemeyß ver-
halten / nicht wenig / wie dann billich / zugemüß-
te gangen / So haben wir doch aus freundlicher
gedult / dieſe vnd derer gleichen biß anhero erlid-
dene Anſtoß / vornemlich E. E. zu freundschaft
vns nicht yberwinden / Sondern viel mehr das
Fürſtliche trewhertzige Sechſſiſche gemüt vnnnd
Blut / hierinnen walten laſſen / Vnd demnach das
jenige / ſo wir der Erbeinung / auch der vormein-
ten Vrgichten vnd beſchuldigung halben / von E.
E. angezogen worden / vnſern freundlichen lieb-
ben Ohmen / Schwegern / Vettern / Vatern vnd
Schwehern / den Erbeinungs verwandten Chur-
vnd Fürſten / freundlich zugeſchrieben / der ſelbi-
gen freundlichen Rade hierinnen gebeten / vnd die
ſachen auff Ire E. geſtellet / bey derer entſchuldig-
ung dann wir dieſen Punct nochmals wenden
laſſen /

lassen/ In freundlicher zuvorsicht/ L. L. werden
ob dem das dieser Handel/ bey den Erbeinungs
verwandten Chur vnd Fürsten (als welche L. L.
vnd vnser zugleich vnnnd recht mechtig sind) nu-
mals ruhet/ auch wieder L. L. noch wir darinnen
vnser selbst Richter sein können/ kein mißfallen
tragen/

Aber der höchstgedachten Key. Ma. an vns
von wegen des von Grumbachs vnd seiner Mit-
uorwandten ausgegangenen befehlich anlans-
gent/ Wollen wir L. L. freundtlicher meinung
nicht bergen/ Das wir in diesem gros-wichtigem
handel/ vor allen dingen/ Erstlich vnser gewissen
gegen Gott/ Zum andern/ den vnterthenigsten
vnd schuldigen gehorsam/ gegen der höchstge-
dachten Key. Ma. vnd dann zum dritten vnser
Fürstliche Ehre/ trewe vnd glauben/ welche wir
beneben gesichertem gleidt vnd schutz/ diesen gu-
ten Leuten/ mit aller gnedigstem vorwissen vnnnd
vergünstigung der Key. Ma. versprochen vnd zu-
gesagt/ mit höchstem ~~stets~~ ~~beharren~~ ~~ist~~ ~~und~~ ~~gegen~~
der Churfürsten/ Fürsten vnd gemeiner Stende
des Reichs zu vns abgesandten Botschafften/ so
vor kurtzen tagen von hiedannen widerumb ab-
gereiset/ vns entlich derer massen vnter andern ein-
geführten vrsachen vnnnd erinnerungen erkläret/
Das wir der höchstgedachten Key. Ma. zu vnter-
thenigkeit/ den Churfürsten/ Fürsten vnd gemei-
nen Stenden/ zu freundtlichem vnd gnedigen
gefallen/ die offtigenanten ehrliche Leute/ bey vns
D nicht

nicht auffhalten/ Sondern an andere ire gewar-
same örtere sich zu begeben / gnediglich vergön-
nen wolten.

Dierviel dann nun auch solches gefördert
werden sol/ aber sich gleich in diesen tagen zuge-
tragen/ das gedachter von Grumbach durch seine
gewöhnliche frantzheit abermal Bethryse vnd las-
gerhafftig worden/ Als wollen wir vns zu höchst
gedachter Key. Ma. in aller vnterthenigkeit / vnd
dann zu allen Reichs Stenden / beneben E. E.
freundtlich vnd gnediglich vorsehen/ das sie mit
dem von Grumbach/ als einem schwachen fran-
cken vnd alten verlebten Manne/ von wegen eines
kleinen verzuges/ aller gnedigste/ gnedige vñ gün-
stige gedult tragen/ auch gleichsals vns entschäl-
diget halten werde/ Dann es haben je die höchst
gedachte Key. Ma. allergnedigst / vnd dann ire
auch E. E. zusamt den andern stenden/ freundtlich
wolmeinlich vnd dienstlich abzunemen/ wie vns
doch ehren halben gebüren/ auch die zeit vnserer le-
ben gegen ihnen vnterthendē leuten wol zuuerant-
worten vorfallē wolte/ das wir den ehrlichē Man
in seiner schmertzlichen frantzheit/ deshalben er
itzo weder stehen noch gehen/ vñ viel weniger we-
bern/ wandern noch reisen/ auch nirgents dan do-
hin man jnen hebet vnd treget/ Kommen kan/ Wel-
ches dann bey vnserm guten trawen vnd glauben
einmal also ist/ auch E. E. diese seine gelegenheit
nicht anders befinden werden/ von vns numehr
elendiglich/ vnd etwan in allerhand gefehrlichkeit/
nach

nach gelegenheit itziger geschwinder leufften/ver-
stossen/vnd in das offene feldt verschaffen solten/
Da wir doch gründtlich wissen/das er zu forder-
lichster seiner wieder erlangten gesündtheit / vnd
zu reisen vernügligkeit/ sich selbstenn nicht auff-
halten wirdet/ So haben wir auch vber das von
ime vnd seinen Mituorwandten/diese eigentliche
nachrichtung vnd vorgewissung/das wir irer/
(wohin sie auch der liebe Gott fügen wirdet) ge-
gen E. E. vnd menniglich zu aller gleichheit/billig-
keit/vnd rechten gewalthabig vnd mechtig sein
sollen / Welches alles dann E. E. vnsernt halben
freundtlich / vnd gegen inen gnediglich vermer-
cken / vnd demnach sich dahin vermögen lassen
wollen/auff das sie beneben vns/vñ andern Chur-
fürsten/Fürsten vnd Stenden/bey der höchstge-
dachten Key. Ma. diese vnterthenigste Vorbitt/
mit vorwenden helffen/wie sie dann vor allen an-
dern ~~Wolten~~ ^{den in thun normen} vñ auch mis-
sen/Damit die guten ehrlichen Leute/aus irer vn-
uerschuldeten beschwerung vnd sorgen/last gelaß-
sen/zu aller gnedigster aussonnung entlich komen/
vnd also aller eingerissener misuorstand/auch die
gefährliche misstrewen hin vnd wieder auffgeho-
ben / vnd dargegen bestendiger friede/rube vnd
einigkeit / im gantzen heiligen Reich gepflan-
tzt/vnd auffgerichtet werden möge / Das sind
wir / zu dem das es zu gemeiner wolfsart des hei-
ligen Reichs Deudscher Nation gereichen thut/
auch vor vns selbstenn freundtlich / vnd dann der

von Grumbach / sampt seinen Mituorwanten /
in vnterthenigkeit zu verdienengeneigt vnd wil-
lig / Vnd haben es derselbigen zu freuntlicher
widerantwort nicht verhalten wollen /

Datum Grimmenstein / den 20.

Julij / Anno Domini

1566.

Von Gottes Gnaden Johans-
friedrich der Mittler / Dertzog
zu Sachsen / Landtgraff in
Düringen / vnd Marggraff zu
Meissen.

An Dertzog Augusten
Churfürsten zu Sachsen/etc.

Auff dis schreiben hat der Chur-
fürst nachfolgenden Sanktleyden-
del geben.

BB

A

Es befehlh des Chur-
fürsten zu Sachsen/etc. wirdet
Dertzog Johansfriedrich zu
Sachsen etc. Boten dieser bes-
scheidt gegeben/das seine Chur-
fürstliche G. aus der Antwort/
so des Reichs Gesandten von
Dertzog Johansfriedrichen in schriften zuge-
stelt/

stelt/ gnugsam verstanden/ Das S. F. G. zu
seiner Churf. G. höchsten vnerfindlichen veruna-
glimpffung/ S. Churf. G. freundlich Vetterlich
schreiben/ den dritten Julij datirt/ gantz vnd gar
verschwiegen/ Des gleichen vermerckte S. Churf.
G. das itzo die dazumal mit vberschickte Copey/
eins vom Adels aussage/ welcher mit namen
Christoff von Jedwitz heist/ auch vbergangen/
Zum vberflus aber/ hat S. F. G. Copeien des
Grauen vernewerten bekendtnus/ vnd des Jed-
witzens aussage/ hierbey auch zu befinden/ Vnd
sollen S. F. G. wissen/ das S. Churf. G. noch
mit mehrerm beweis vnd gezeugnus gefast ist/
Vnd wil sich S. Churf. G. irer Ehren notdurfft
nach/ ferner darauff zuerzeigen wissen/ Sig-
natum vnter S. Churf. G. Secret/
auffm Stolpen/ den 26. tag
Julij/ Anno Domini
1566.

Churfürstliche Sechssische
Cantzley dodelbst.

Folget Graff Günthers zu
Schwarzhurgs schriftliche bestetti-
gung/ Grumbachs verhe-
terlichen Practiken.

V 3

Wie

Wir Gunt̃her Graff zu
Schwartzburg/mit dieser vnser
handschrift bekennen vnd thun
k̃ndt/ Nach dem wir hiebenor
dem Durchleuchtigsten/Noch/
gebornen Fürsten vnd Herrn/
Herrn Augusto Hertzen zu
Sachsen/vnnd Churfürsten/etc. meinem gne-
digsten Herrn/hiebenor vnterthenigst/vnd aus
den Lehenpfflichten/ Damit wir irer Churf. G.
zugethan vnnd verwandt/ durch dero vorname
Landt/ vnd andere Rhete/auch in schriftten zu
erkennen geben haben/was der L̃chter/so sich
Wilhelm von Grumbach nennet/wieder seine
Churf. G. gegen vns zum Bern/vorn Düringer
walde geredt/Nemlich/dieweil seine Churf. G.
ime vnd seinen Gesellen vnverschuldt nach Leib
vnd leben trachtete/solt man wissen/^{er mal}
~~sein Leben vnd leben~~ sein Leben vnd leben
trachten/Vnd solte ime S.Churf. G. zwischen
der zeit vnd folgende Weinachten/nicht vorge-
hen/Vnd wir aber auff begeren der Röm. Key.
Ma. vnser aller gnedigsten Herrn/vns itzo in
Dungern/wieder den Erbfeindt der Christen-
heit gebrauchen zu lassen/erfordert/vnnd sich
nach dem willen Gottes darunter begeben vnd
zutragen möchte/das sein Allmacht vber vns ge-
böthe/Als haben wir zu noch mehrer bestendi-
ger betrefftigung obberürter vnser aussage vnd
bekent-

bekendtnus / S. Churf. G. durch diese vnser
Handschrift vernewern sollen vnd wollen / Sa-
gen darauff nochmals an Eides stadt / vnd wie
solches vnser als eines vnschuldigen Krieger-
mans halben / im Rechten am bestendigsten ge-
schehen sol oder mag / das wir solche obgesetzte
wort / mit ferner vmbstenden / wie wir die hiez
bevor dem Churfürsten zu Sachsen / etc. me-
nem gnedigsten Herrn haben anzeigen lassen /
aus des Lehters Grumbachs eigenem Munde /
gehört haben / Wollen auch solches jeder zeit /
vnd wann es von vns begert / vor Keiser / Könige
ge / Chur vnd Fürsten / vnd sonsten menniglichen
gestehen / vnd aussagen / Vnd mehrer erkundt
haben wir vnser angeboren Petschafft
hiermit auffgedruckt / Actum auffin
Stolpen / den eilfften Julij /
Anno Domini
1566.

Manu propria subscripsit.

Wieder den Churfürsten zu Sach-
sen / den xi. Julij zum Stolpen
geschehen.


Die ander Copen des von
Jedwitz berichts/ist voran bey dem
Buchstaben P. zubefinden.

V 4

Wertzog

Herzog Johansfriedrichs des
Mittlern zu Sachsen Antwort /
auff des Churfürsten Cantz-
ley Zettel.

¶ ¶

nser freundtlich dienst /
vnd was wir mehr liebes vnn-
d guts vermügen zuuorn / Doch-
geborner Fürst / freundlicher lie-
ber Vetter / Schwager / Bruder
vnd Gefatter / Dieweil wir vns /
vnserer jüngsten an L. L. von hiedannen abgefes-
tigten Antwort / am dato den 20. Julij haltende / in
sachen / die durch Graff Günthern zu Schwartz-
burg erschollene / aber doch vnerweisete berück-
tigung / Vnd dann zweier gerecht fertigten armen
Sündere ausgesagte / abgedrungene / vnd zu ei-
nem sonderlichen schein Instrumente ~~der~~ ^{der} ~~Ordi-~~
en / so gegen vnd wider die L. L. ~~westen~~ / vnse-
re Radt vnnnd liebe getrewen / Wilhelmen von
Grumbach / vnd Wilhelmen vom Stein / in kurtz
verrückter zeit / erreget worden / belangende / Auch
das wir vns freundlich erbotten gehabt / der itzt
genanten beiden vnserer Diener / fernere schrift-
liche verantwortung / als bald sie vns von jnen
behendiget würde / L. L. zu vberschicken / allent-
halben freundtlichen zu erinnern gewunst.

Als

Als thun wir die selbige/ vnd wle sie von jnen nach
der lenge ausgefüret worden / **E. E.** hiermit guter wol
meinung zusenden / **D**omit nicht alleine obbemelten
vnsern gethanen erbieten / von vns wirklich nachge
satzt würde / **S**ondern auch von menniglich / vnd **E.**
E. selbstn vermarckt / vnd aller vernunft nach ge
schlossen werden möchte / das von den itzo gemelten
beiden guten ehrlichen Leuten / nu mehr zum zweiten
mal / wo nicht vberflüssig / jedoch zu aller notturfft/
durch solche ire statliche verantwortung / ire vnschuld
(wiewol aus keiner schuldigen pflicht / sondern viel
mehr zu anzeigung irer gegen **E. E.** vnd vns / gutwilli
gen vnderthenigkeit) mit allerhandt vrsachen / so fast
augenscheinlich vnd ergreifflich sind / gantz vnge
schewet / vnd außserhalb rechtlichs Process / antag
gegeben / Auch darmit alle vnd jede / auff sie hin vñwils
der / zusammen gehauffte / nichtige Vrgichten / besaa
gungen vnd bezichtigungen / wiederdringen vnd nie
dergelegt haben / **D**erhalben wir dann vmb so viel
mehr / in freundtlicher zumsicht stehen / **E. E.** werden
hieran / beneben irem vnderthenigen vñnd oftmals
wiederholetem rechtmessigem / auch zu aller billigkeit
gethanem / vnd entlichen auff vnser Person / als des
sen Diener sie sind / gestelleten erbieten / ein billiches
begnügen haben / vnd dasselbige zu bebeglichem ge
fallen annehmen / **I**n sonderheit aber / aus erwogung
aller derer vmbstende / so von jnen in irer jetzigen ent
schuldigungs schrift / wieder erinnert werden / gnugs
same vrsachen schepffen / sie aus allem bis anhero ge
fassetem verdacht / irer vnschuld halben / gantzlich zu
lassen /

lassen / Vnd dargegen billlicher den argwohnauff an-
dere örtere / als do E. E. vielleicht gründlicher fuffen
möchten / zu wenden / Dann E. E. haben je freundlich
zuermeffen / das wir die guten Leute / vber solche ire
vnderthenige vnnnd gleichmessige erbieten / welche
dann E. E. anzunehmen / frey vnd vnd beuor stehen / Vnd
wir derer halben / irer zu gleich vnd recht mechtig sein
sollen / keins wegs weiter vnd höher zu dringen wiß-
sen / Wir wolten sie dann an irem befugten Rechten /
so doch menniglichen offen / vnd in gemeine / jeder-
man vergönnet sein sol / wieder alle billigkeit vorkür-
tzen / Welche vorkürtzung aber / vnserer freundlichen
zuuorsicht nach / E. E. bey vns / vnd wieder sie zuge-
brauchen / so wenig begeren werden / Als wenig sie
sonsten einige partheiliche rechts weigerung oder ver-
sagung / jemandes beypflichten möchten / In aller
massen auch E. E. keine partheiligkeit / mit Gottes
hülff / bey vns spüren / noch mit der that erfahren solle /
Vnd wir vns gegen E. E. in vorigen vnsern schriftten /
gleicher gestalt auch erkleret / vnd erbotten haben.

Das aber nun E. E. sich darauff / gegen vns hin-
wieder / bey vnserm jüngsten / zu E. E. abgesandten
Boten / mit keinem wort haben vornemen / sondern
durch einen Cantzley Zettel / mit berührung vnd ernst-
licher einführung / anderer angelegenen sachen / wie-
der vorigen Cantzley gebrauch / vns beantworten las-
sen / Vnd also vnser freundtliche wolmeinliche erin-
nerungen / zusamt angehengtem vberschlüssigem erbie-
ten / gantz vnd gar vorschwiegen / Solches ist vns
viel mehr vnd billicher / zuuornemen befremdblich /
dann

dann das E. E. ob vnserer Antwort / so wir vnlang
 sten den Reichsgesandten in Schrifften zugestellet /
 Vnd darinnen wir E. E. an vns gethanes schreiben /
 als den dritten Julij datirt / vbergangen / vielleicht
 nicht sonderlichs gefallens getragen haben mögen /
 Sintemal mehr gemelt vnser jüngstes schreiben / E.
 E. den 26. Julij zum Stolpen / vmb sieben vhr vor mit
 tage zukommen / vnd dannochst dargegen vnser Bote /
 mit E. E. Cantzley Zettel / desselbigen tages vor a
 bendts wiederumb ab gefertiget / vnd also one einige
 Antwort / auff berürt vnser schreiben / hinweg gelaß
 sen worden / Do doch vnser Bote / habendem befeh
 lich nach / wol hette auff Antwort warten können
 vnd sollen / Darans wie dann dieses nach dencken zu
 fassen / verursacht werden / das etwan vnser Bote / one
 E. E. vorwissen / durch die jenigen ab gefertigt wor
 den / als die do allerhand verbitterung vnd wieder
 wertigkeit / zwischen vns Blutsuorwandten anzu
 richten / sonderliche neigung vnd begierde tragen / Da
 der aber / do die abfertigung solcher gestalt / auff E. E.
 befehlich geschehen / das E. E. vber vnser freuntli
 che wolmeinung vnd erinnerung / vns keiner Ant
 wort würdig geachtet haben / Do doch herwieder / vñ
 im gegenfal E. E. vor eine vnerfindliche vorunglimpf
 fung / wieder vns anzuziehen / vnd so viel gescherffter
 wort zu gebrauchen / weniger dann keine erhebliche
 vrsachen / aus diesem grunde / vnd dahero werden
 schliessen mögen / Als / dieweil wir in vorgedachter
 vnserer schriftlichen Antwort / gegen den Reichs ge
 sandten / E. E. schreiben / den 3. Julij datirt / keine vor
 meldung

meldung gethan / So were solches **E. E.** zu sonder-
licher vorunglücksung / von vns vnderlassen wor-
den / Dann das wir solches **E. E.** schreiben / in offte-
gemelter vnserer Antwort / gegen den Reichs gesand-
ten vbergangen / darzu haben wir vernünftige vnd
erhebliche vrsachen gehabt / derer wir eins teils **E. E.**
zu berichten / kein schew tragen / Als nemlich / So
haben **E. E.** sich noch wol zu berichten / welcher ge-
stalt wir vns / kurtz verrückter zeit / gegen derselbigen /
vnd auch allen vnsern Erbeinungs verwanten / Chur-
vnd Fürsten / beschwert vnd beklagt / Das **E. E.** auff
zweier armer gerechtfertigten Sünder / durch pein-
liche Tortur / abgedrungene erdichte Vrgichten /
vns mit steiffen vnd starcken worten / zum heftigsten
angezogen / bezichtigtet / vnnnd beschuldiget haben /
gleich als ob wir solcher vnerfindlichen / mörderi-
schen vnthaten / vberwiesen oder vberwunden / Vnd
dennoch wieder vnser geschworne Erbeinung /
vnnnd derselbigen gantz vngemeß / gegen **E. E.** ge-
handelt haben solten.

Die weil aber vns / als einem sonder allen vnge-
büßlichen rhum zu melden / vnd alleine durch Gottes
gnade / vnuorleumbdeten Reichs Fürsten / vnnnd wel-
chem aus angeborenem Fürstlichen Sechßßischem
geblüt vnd gemüt / solche mörderische vnthaten / nie-
mals ins hertz gestiegen / Auch vber dem blaffen hö-
ren sagen / eine abschew tregt / dannoch nichts desto
weniger / dardurch mercklicher gewalt vnd vnrecht
begegnet / So haben wir solches alles **E. E.** Per-
son halben / als die do vns damit bezichtigtet vnd be-
schuldiget

schuldiget/vñ nicht von wegen der gemarterte vbelthe-
ter/als die vns gar nichts angehen/zñ gemüß geführt/
vñd vns demnach ob solchem R. C. gegen vns angema-
sten schmeßliche anzüge/bey vnsern Herrn vñ Freun-
den/aus vñndormeldlicher notdurfft beklagen müssen.

Derhalben R. C. vernünfftiglich zuermessen ha-
ben/Nach dem vns der gemarterte vbeltheter Vrgich-
ten/Erstlich/so wenig haben beschuldigen/als hernach
er jr gethaner wiederuff/entschuldigen mögen/
Sondern die vnrechtliche beziehung/vñd beschul-
digung/von R. C. herführet/auch vns von R. C. stracks/
vñd vñndordingeter weise/zñ gemessen worden/vñd als
so auff R. C. person alleine haßtet/Das vns dem-
nach/solcher der vbeltheter wiederuff vñd entschul-
digung/davon R. C. schreiben/den dritten Junij da-
tirt/verwehnung thut/gar nichts zuschaffen gegeben/
viel weniger auch solcher wiederuff/vñsere zugefüg-
te beschwerung/vñd gefasseten vñnnit/in dem aller
wenigsten nicht haben erleichtern mögen/noch auch
ohne vorsetzung vnserer Fürstlichen ehren/erledigen
vñd abwenden können noch sollen/Derhalben vns
dann gantz vorweißlich gewesen/vñd vñnzimlich an-
gestanden were/das wir vns der vbeltheter wieder-
ruffs vñd entschuldigung/gegenden Reichsgesandten
hätten berühren/vñd das jenige/so vns am wenigsten
gebrunnet/tölen vñd leschen/oder auch vñnb solcher
Vbeltheter wiederuffs willen/vns in dem aller ge-
ringsten annemen vñd bemühen sollen/zunörderst/die
weil vns vber dieses alles mehr dann von einem orte/
glaublichen angelanget/das R. C. es bey irer beschul-
digung/

bigung/in irem schreiben gegē vns gemelbet/nicht ha-
ben beruhen/Sondern auch vor ire Person/solchenich-
tige vnd erdichte Vrgichten / an die Key. Ma. vnsern
allergnedigsten Herrn gelangen/vnd auch sonsten hin
vnd wieder in dem heiligen Reich ausbreiten lassen.

Do dann nu solches alles/vns zu mercklicher vor-
unglimpffung vnd vortkleinerung beschehen / So wir-
det vns niemandts in einigen argen vnd vngutem /
mit billichem bestande / vordencken mögen / wann
wir vns an der armen vbeltheter widerruff / als wel-
cher vns wieder hindert noch fürdert / keins wegs be-
friedigen noch stillen lassen / Sondern den handel
durch Gottes gnedige hülff/zum ordentlichen Auf-
trag / vor die jenigen kommen lassen / bey welchen E.
E. so wol als wir/recht zu geben vnd zunemen/kein be-
dencken haben können / Damit also endlich darge-
than/ausfündig gemacht vnd erörtert werden möge /
Ob E.E. gebüret habe/vns mit elender vbeltheter ab-
genötigten/vnd hernachmals wiederruffenen Vrgich-
ten/derer massen/als wann die selbigten gewislich vnd
one einigen fehlreich / hetten warhafftig vnd er-
gründet sein müssen/nicht alleine in irer schrift gegen
vns zubeschuldigen / Sondern auch als wir statlich
berichtet werden/vor der höchstgedachten Röm. Key.
Ma. Chur vnd Fürsten/höchlich zumunglimpffen.

In gleicher gestalt wirdet sich auch in solchem
Aufstrage / lauter erfinden / ob wir vor vns selbstn/
oder nicht viel mehr der jenige/so vns bey der höchst-
gedachten Key. Ma. auch Chur vnd Fürsten/von we-
gen nichtiger Vrgichten ausgetragen/vns widerumb

an

an denen örtern zu entschuldigen pflichtig sey / Wann
als dann auff solchen fall / vnd in vnserer Herrn vnd
Freunde / der Erbeinungs vorwandten / Thur vnd
Fürsten künfftigen handlung / E. E. noch mit mehr
erm beweis vnd gezeugnus wieder vnser Person ge
fast sein werden / So sol vns vnser notdürfftige ge
gen vnd widerrede / darauff zuthun / auch vns ferner
vnserer ehren notdürfft / so wol als E. E. in jrem Can
zley Zettel / haben anregen vnd rhümen lassen / in
gleichnus durch Gottes gnedige hülff zuerzeigen / in
kein vorgessen gestellet werden / Dann E. E. wollen
zu vns als jrem Vettern vnd Blutsuorwandten / diese
freundliche zuuorsicht setzen / das wir aus Fürstli
chem auffrichtigem Sechssischem gemüte / geblüte /
vnd herkommen / vnsern Gott hab lob / vnbescholte
nen Fürstlichen ehrenstandt / nichts weniger dann
vnsern eigen Leib / leben / blut vnd gut / durch Gottes
gnedige hülff zuuortheidigen vnd erretten / gantzlich
entschlossen sind.

Was aber eintes vom Adels / mit namen Chris
toffen von Jedwitz / freiwilligen bericht / vnd von sei
ner gethanen Aussage / vns zum andern mal vberschick
te Copey anlangt / Daben wir dasselbige so wol /
als alle andere anzüge / dem von Grumbach / als denen
es betrifft / zustellen lassen / welcher dann in offberür
ter seiner vorantwortungs schrift seine gebürliche
gezeiget / Inmassen E. E. hierbey liegendt gründlich
zuuornemen befinden / vñ demnach vns des jenigē hal
ben freundlich entschuldiget halten werden / so wir in
E. E. vnserer

vnserer jüngsten Schrifft wissentlich vbergangen/
Nach dem es vnser person nicht angelanget/sondern
von vns/auff gemelten vnsern Radt vnd Diener / als
den es betroffen / gegenuorwendung gestellet / vnd als
so darnit vor vnser person / nichts vorschwiegen
noch vorsemmet / oder etwas in deme so wenig als in
dem vorigen Punct / gegen E. E. vorhandelt haben.

Welches alles wir dann E. E. vnserer notturfft
nach / auch keiner anderer gestalt/dann zu freundtli-
cher erinnerung / ires gegen vns gefasseten nachden-
ckens/vnd in sonderheit/das wir E. E. keines wegs ge-
gen jemandes zuuorunglimpffen / sondern alleine die
geliebte warheit/zur enthebung vnserer vnschuld vorzu-
bringen / gemeinet sind / hinwieder vnd freundtlicher
wolmeinung / nicht haben vorhalten sollen / mit an-
gehafter freundtlicher bitt/ E. E. wollen nichts we-
nigers dann wir /des Hauses zu Sachsen wolart/
vnd dann die gelegenheit dieser vorstehenden hende-
le / freundtlich behertzigen / Auch vornemlich sich
durch die jenigen nicht vorleiten noch vorhetzen las-
sen/so dem Hause zu Sachsen / ire wolart / frieden
vnd einigkeit nicht gönnen/ Sondern mit fleis dahin
trachten / auff das sie wiederum auffz newe ein be-
schwerlichs Blutbadt/wie sie dann zuuor/durch fals-
sche erdichtete Briene / die weitlaufftige vnnnd blutige
Kriegs empörung / zwischen E. E. Bruder / weilandt
Churfürst Moritzen/vnd Marggraff Albrechten/bei-
den Gottseligen / auch erregt / abermals anstifften /
dar vor aber der Allmechtige Gott / gnediglich sein /
behüten vnd bewaren wirdet / Dann wir es trewlich/
remndt

freundtlich vmb gut meinen/ vnd sind sonsten L.
L. freundtlich zu dienen/ Auch gleichasals von ihr
hinwieder zu gewarten geneigt / Datum Brunn-
menstein/ den 7. Augusti/ Anno 1566.

**Wertzog Johansfriedrich zu
Sachssen der Mittler/ etc.**

**An Wertzog Augusten zu
Sachssen Churfürsten/ etc.**

**Auff diß Schreiben ist dem Bo-
ten/ von wegen seiner beschehenen vberantwortung/ nachfolgender Cantzley Zettel
geben worden.**

W den Churfürsten zu Sachssen/ etc. vns
sern gnedigsten Herrn / Dat von Wertzog
Johansfriedrichen zu Sachssen/ etc. gegen-
wertiger seiner F. G. reitender Both/ ein Schrei-
ben heut dato/ den dreizehenden Augusti allhie
zum Jordan vberantwortet/ Vnd ist dem
Boten aus befehlich dieser Zettel
gegeben worden/ Actum
vt supra/ Anno
1566.

**Churfürstliche Sachssische
Cantzley daselbst.**

2

Folget

Folget was Wilhelm von Grumbach / vnd Wilhelm vom Stein / an Herzog Johansfriedrichen zu Sachsen / etc. geschrieben / Darinnen sie sich auff Philips Blassen / vnd Hansen Beheims Vrgicht / zum andern mal verantworten / Datum den 22. Julij / Anno 1566.



Nediger Herr / Das E. F. G. des Durchleuchtigsten / Nochgebornen Fürsten vnd Herrn / Herrn Augusten / Herzogen zu Sachsen / vnd Churfürsten / Burggrauen zu Magdeburg / etc. vnser gnedigsten Herrn / abermals an E. F. G. vnser halben gethane Schrifften vns zustellen / vnd daneben zu vnserm vnderthenigen gefallen / frey stellen lassen / Ob wir / vber vorige vnser gethane vnd wolgegründte Verantwortung / nochmals / auff alle vnd jede / in solcher jüngster Schrift / vnd denen darbey liegenden Vrgichten / begrieffene Punct vnd Articul / vnser warhafftigen fernern Bericht / oder sonst vnser notdurfft / nach gelegenheit der Sachen / in Schrifften vorfertigen / vnd E. F. G. sich darnach zu achten / in vnterthenigkeit vbergeben wolten / Des thun gegen E. F. G. wir vns vntertheniglich bedancken.

Stels

Stellen in keinen zweifel / Es werden E.
F. G. bey menniglich beide hohes vnd nieder stan-
des / vnparteyischen / ehrliebenden Leuten / zu son-
dern Fürstlichem lob / ehr vnd rhome / gedeien /
Das E. F. G. ire trewe Diener / der auffrichtig (vñ
on vngbürtlichen rhum zu reden) Ehrlichs / Ader-
lichs genüß / sie / bis anher / vielfeltiger weis er-
kandt / nicht auff eines oder mehr / armen Ges-
fangnen / vnd zum todt verurtheilten Menschen /
vngewisse / wiederwertige / vnd mehrers theils aus
furcht / vnleidlicher marter vnd pein / erzwungene
Ausfagen / etc. vbergeben / vnd hinziehen oder sie
vnmorhört / vnd vnbeandter Sach / gleich als ob
sie vberzeuget / vnd vberwunden / solchen nichtis-
gen vnd krafftlosen Vrgichten / schuldig achten
wollen / Dadurch wir dann / nicht allein an vn-
sern Ehren / vorletzt / Sondern auch in leibs / le-
bens / bluts vnd güts / eusserste fehrligkeit / vnter
dem schein vormeints Rechts / gesetzt werden
kündten.

Vnd wiewol wir noch zur zeit / höchstge-
dachten Churfürsten / von wegen solcher / durch
etzliche vnrubige Leute / gegen vns / gemüßigten
Zunötigung / in vnderthenigkeit entschuldigt hal-
ten / So nimpt vns doch nicht wenig wunder /
wer die jenigen sind / vnd aus was gründtlichen
Vrsachen / dieselbigen S. Churf. G. dahin zube-
wegen / sich vnterstellen mögen / das vnter S.
Chur. G. namen / diese E. F. G. löbliche vnd Fürst-
liche tugent / in obgemeltem S. Churf. G. nech-

stem Schreiben / dermassen beschwert / vnnnd an-
gezogen wirdet / Als nemlich / das es S. Churf.
G. Gott / vnnnd der zeit befehlen müsten / Das R.
F. G. eines Lehters entschuldigung mehr / dann
S. Churf. G. warhafftige vorwendung / bey sich
gelten liessen / Da doch herwieder / vnd im Gegen-
spiel / ihr Churf. G. sich sonder zweiffel / viel mehr
vnd gnedigst zu erinnern wissen werden / Das ihre
Churf. G. die wieder vns / angezogene Acht / zu der
zeit / da ire Churf. G. vnser etliche / in ihre Dienst zu
nemen begert / selbst nicht fast geachtet oder ge-
billiget / Dann sonsten würden ihre Churf. G. wie
leichtlich zuerachten / sich ob den jtz berürten vns
fern Diensten mehr geschewet / dann der selbigen
jemals begert haben. Ferner aber / so können sich
ire Churf. G. aus hohem angeboren Fürstlichem
Vorstand / leichtlich entsinnen / Das man in dem
jenigen / so ihre Churf. G. vns zu beschuldigen vor-
wenden / den vornembste Grund aus blossen arg-
wönigen vrsachen vnnnd vmbstenden nemen / vnd
haben mus / Wir aber dagegen dasjenige / so wir
zu vnser Entschuldigung einbracht / nicht allein
aus Rechtsuorstendiger Bericht / allen beschrie-
ben Rechten gemess / Sondern auch aus der na-
türlichen Vornunfft vnd Erbarkeit / zu ergründen /
vnd demnach das Gegenspiel mit warhafftigen
Vhrkunden / derer angegebnen zeiten / örter / vnd
Personen halben / im fall der notdurfft zu bezeug-
en wissen / Derhalben je S. Churf. G. billich bei-
derseits vmbstende ansehen vnd erwegen solten /
So

So würden sie E. F. G. nicht vordencken/das sie
vnserer Entschuldigung / nach dem dieselbig
mehrers theils vff E. F. G. eigen bewust vnd wissens
schafft gegründet / in keine Vorachtung stellen/
Sondern derselben mehr Glauben geben/dann
derer Beschuldigungen / welche vff nichts an
ders / denn vff zweier armen bestürzten Men
schen / so zu rettung ires Lebens / vnd die vnleidli
che pein der Tortur vnd Marter zuuorhüten/ wol
heten sagen dürfen/ das kein Gott im Himmel
were/ blinder vnd erzwungener Aussage beruhet/
Wie dann auch derer gemarterten Vbeltheter ei
ner /in seinem gethanen wiederruffen selbst be
kandt/ das er durch solche abgenötigte Vrgiecht/
gnade zu erlangen/verhofft gehabt.

Das aber S. Churf. G. des Grauen von
Schwartzburgs vermeinter Aussage / vnd an
dern der gleichen dinge etc. zum theil Beweißung/
vnd ausführung / zum theil beständige Nachrich
tung nemen / Das müssen wir (doch one abbruch
der Wahrheit) geschehen lassen / Jedoch wollen
wir in Vnderthenigkeit nicht zweuveln / Dieweil
gemelte des Grauen Delation / Besagung oder
Berüchtigung noch zur zeit mit keinem Eide be
terwert / oder auch sonst der gründtlichen vnwis
dersprechlichen Wahrheit ehnlich vnd ebenmässig
gemacht worden / Sondern auff mein Wilhelm
von Grumbachs nicht gestehen / vnerweist blie
ben / Das E. F. G. dieselbe Berüchtigung dafür
halten

halten werden / in massen sie auch von allen ehr-
liebenden billich zu achten ist / In sonderheit / die-
weil der Graff nicht wenig schew tregt / mit mir /
dieser Berichtigung halben / zu öffentlicher Ver-
hör vor E. S. G. als seinem Lebens vnd Landsfür-
sten zustehen / vnd zu vorhinderung solcher öffent-
lichen Audientz / allerley vorflüchtige Behelff / bis
anhero vorgewendet hat.

Vnd da hierüber mich Wilhelm von Grum-
bach mieler zeit jemand vff solche vnd dergleichen
vnerfindliche Aussage / an meinen auffereibten /
wolher gebrachten / adelichen Ehren / Namen vnd
guten Gerücht / iniurirn / vnd einigs vorrheteri-
schen / mörderischen beginnens / bezichtigen wol-
te / So sage ich itzo als dann / vnd dann wie itzo /
mit bescheidenen Worten / Das er mir daran ge-
walt vnd vnrecht thut / Vnd da derselbige meines
gleichen ist / oder sein würdet / der mir solchs zu-
messen thet / So weis ich wol / wie vnd mit was
Worten ich mich dessen / gegen ime verantworten
solle vnd wolle.

Dann ich die zeit meines Lebens / keinem
Vorrheter noch mörder holdt worden / Sondern
dem Allmechtigen sey Lob / mich in Keyser / Kö-
nig / Fürsten vnd Herrn diensten / von Jugendt
auff / je vnd allwegen dermassen erzeigt vnd vor-
halten / Das ich / one Rhum zu reden / Ehre vnd
Lob danon gebracht / mir auch nie nach gesagt
worden /

den / Das ich jemand vorrhaten / vmb Leib/
en / Nab / Ehr / oder Gut / wider Kriegsge-
nuch vnd Recht / gebracht hette / Darzu ich
h/wo ich mich solcher Schelmstück beflissen
len / mehr dann ein mal gute gelegenheit ge-
et / Auch diese Stundt in diesen Nöten nicht
en wolte / wo ich mit ander Leute Schaden
h selbsts reichern / Ehr / Graw / Eidt vnd pflicht
zessen / vnd nichts anders dann mein eigen nutz
ehen wollen.

Wie dann E. F. G. wissen / auch menig-
/ so vnser offen Ausschreiben liest / wol spü-
an / Das mich der Bischoff von Wirtzburg /
sein Anhang / aus keiner andern Vrsach ver-
get / Dann das ich von dem löblichen Stand-
sten Fürsten / Marggraff Albrechten / Dessen
s. ich doch mit Vorwissen / Bewilligung / vnd
chlassung des Bischoffs / vnd one Vorles-
ig meiner Lebenspflicht / in krafft eines son-
ichen / von wegen beiderseits Lehenleute vff-
chten Vortrags / sicherlich vnd vnbesahret /
e dienen sollen vnd mögen / Letzlich in seinen
en nicht absetzen / noch dem gedachten Bi-
schoff seine vnzimliche Wandlung / billichen wol-

Welchs alles / Nochgedachter Churfürst zu
hssen / als ein löblicher Christlicher Fürst /
infftiglich behertzigen / Vnd nach dem ich
V iiiij mit

mit S.Churf. G. die zelt meines Lebens/niemals
in vngutem jchtes zu schicken oder schaffen ge-
habt / sich meines vnderthenigsten verhoffens/
nicht so leichtlich wieder mich bewegen lassen
wirdet /

Vnd möchtens S.Churf.G. wol dafür hal-
ten / Wo ich wieder den von Schwartzburg/ die
wort / derer er sich meiner halben vornemen laß-
sen / geredt / Das ich sie nicht verneinen oder ver-
leugnen wolt/ wie dann auch auff den fall/wann
Mundt gegen Mundt gestellet / vnd diesen dingen/
in gebürliche verhör genommen werden/ L.F.G.
vnd menniglich mich des auffrichtigen Standt/
vnnnd warhafftigen Gemüts/ob Gott wil/ finden
sollen/ Das ich keinen Menschen auff Erden der
wort/ so ich dieser oder ander Sachen halben/je-
mals zu jm geredt/ ausfallen wolle.

In gleicher gestalt / vnnnd nach dem L.F.G.
ein Bericht zugeschickt worden / Welchen ein
vorneimer vom Adel Dochgedachtem Churfür-
sten freywillig gethan haben sol / Darinnen der
Darwiesen vnnnd eines Anschlags / so man des
orts wieder den Churfürsten hette vornemen sol-
len / sampt andern anher zu erholen vnnötigen
vmbstenden gedacht wirdet/ So sol L.F.G.ich
darauff in vndertheniger gehorsam nicht vorhal-
ten / Das mir nicht allein derselbige Anschlag
von der Darwiesen / on einigs mein practicirn/
tichten/

sichten vnd gedenccken/ von andern Leuten vorkom-
men / Sondern auch sieder der zeit /das Nochge-
dachter Churfürst Georgen von Beussa/ meinen
von wegen der Aron Franckreich bestelten Ritt-
meister niedergelegt/Vnd sich sonsten in viel weg
mir vnd meinen Mituorwandten wiederwertig er-
zeigt / Wie dann auch S. Churf. S. Steckbrieff
wieder vns ausgehen/Vnd also vns hin vnd wie-
der nach Leib vnd leben zum hefftigsten trachten
lassen / wol andere mehr dergleichen Vorschleg
zum offtermal von Adels vnnnd andern Personen/
gar wunderbarer weis/vnd one einigen meinen
gehabten Vorsatz oder nachfragen geschehen/
Wie dann in gleichnus noch vor wenig tagen leu-
te zu mir kommen sind/so sich erbotten/da ich wi-
der den Churfürsten etwas fürzunemen willens/
mir etliche personen zu bringen/die seine des Chur-
fürsten gelegenheit dermassen wüsten/das sie mir
ihre Churf. S. in die Dende liefern sollten/Vnnnd
neben demselben noch weitere gros wichtige/vnd
solche Anschlege vormeldet/darob ich mich vor-
wundert / wie die in Menschen gedancken komen/
Ich hab aber mich mit denselbigen so wenig als
mit allen andern/ so mir viel vnd mancherley für-
schlege gethan / niemals einlassen wollen/viel we-
niger solcher Fürschlege einen je fürzunemen wil-
lens gehabt /

Ja eben der Anschlag von der Warwiesen
(welchen ich dann nie heimlich gehalten/ Son-
3 dern

bern vor einer gantzen Stuben vol Leute nach der-
selbigen Warwiesen / mit vormeldung was mir
für ein Anschlag vorsties / gefragt) Ist mir mit so
hohem erbiten vnd solchen vmbstenden gesche-
hen / Das man alles on mein zuthun vnnnd bey sein
zuorrichten / sich vornemen lassen. Wiewol ich a-
ber zu solchem allen keine lust / neigung / vnd begir-
de / sondern viel mehr eine abschew darob gehabt /
auch zum teil für vnmögliche / zum teil aber für sol-
che ding geachtet / dadurch mich meine Wieder-
wertigen entweder vorsuchen / oder gern in fernere
last vnd beschwerung führen wolten / So hab ich
allwege diesen einfeltigen gebrauch bey mir gehal-
ten / das ich disfals niemand für den kopff zu stofs-
sen pfleg / Sondern las ein jedern ausreden / Weis
aber dennoch / Gott hab lob / wol / was ich thun
sol.

Das ich aber die jenigen / so mir solche Vor-
schleg thun / melden vnd angeben / vnd also der
Leute Vorrhete sein solt / Des hab ich mich bis
anher nie gebraucht / Woff auch nicht das mir
jemand solchs zu thun auff legen noch anmuten
werde. Das mag aber wol sein / das ich mit etzli-
chen vom Adel von der Warwiesen geredt / Vnd
sie solchs Vorschlags halben gefragt habe / Da
man mir auch derselben einen oder mehr vorstel-
len würde / wil ich der wort keines / so ich mit
ime gered / ausfallen / Woff Dochgedachter mein
gnediger Churfürst vnd Herr werde eben dar-
aus /

aus/Dieweil ich solche von andern Leuten herru-
rendt / vnd nicht von mir gepracticirte Anschlege/
so gar nicht heimlich halte/so viel spüren vnd ab-
nehmen / das mir derer Anschlege keinen jemals ins
werck zu setzen / in sinn kommen/Es wirdet auch
keiner/er sey gleich Edel oder Vnedel/mit warheit
sagen können / das ich mich mit jemandt solcher
Anschleg halben zu reden vnd zu handeln/inges-
lassen habe/

Sehe vnd erfare derhalben nicht vngern/
das diese ding S. Churf. G. vorbracht worden
sind / Sintemal ihre Churf. G. heraus abnehmen
können/ das die grausam hertigkeit etzlicher wie-
derwertigen / gegen vns armen vom Adel (so aus
keinen andern vrsachen/in diese beschwerung kom-
men / dann das wir einem löblichen Fürsten treu-
lich gedienet / vnd von S. f. G. in derselben eusser-
sten not/ nicht haben absetzen wollen) in viel wege
vben vnd gebrauchen / nicht allein vns/ sondern
auch vielen andern weh thut/Vnd also dieselbigen
zu rettung vnser vnschuldt/vns solche wege zu wei-
sen/ verurrsachen möchten/

Da auch jr Churf. G. den sachen recht nach-
dencken / So werden sie befinden/ das solche vnd
dergleichen Vorschleg eben aus dem Quell vnd
vrsprung herfließen / daraus der armen gemar-
terten Leute bekendnus auch kommen/Nemlich
aus der gezwengten vnd drangseligen Not/wel-

3 4 che

che dann dem gemeinen Sprichwort nach / lernet /
Wege suchen / Dann die tegliche Erfahrung vnd
wissenschaft der grausamen vnerhörten / Vorbit-
terung / damit man hin vnd wieder dermassen ge-
gen vns entbrandt ist / Das man vns (Wie sichs
ansehen leßt / Vnd wo der barmhertzige Gott vber
vns vnd vnser ehenbürtige vom Adel / als arme
Gesellen / Vnd doch / Gott hab lob / Rittermessige
Leute / in vnserer grossen Vnschuld vorhengen
wolt nicht alleine zu vnterdrücken / vnd auszurot-
ten / Sondern auch mit Leib vnd Seel in hundert
tausent Stücken zuschmettern vnd zu malmen /
nicht vngeneigt sein möchten / Gibt vnd bringt
zu allerley nachdencken / mercklich Vrsachen vnd
anleitung / Auch bey den jenigen / so sich für vnsern
Widerwertigen nicht befahren dürfen / ein hertz-
lichs mitleiden gegen vns / Vnd darbeneben auch
ein natürlichen / vnd allen Menschen angeborenen
Dass solcher Rachgirikheit / vornemlich / dieweil
menniglich wol bewust / Das wir kein Vrsach zu
solcher geschwinden vnauffhörlichen Vngnad
vnd verfolgung jemals gegeben. Derhalben so
mag nicht befremdblich sein / Das mancher gar
ehrliebender biderman / alles das jenig zu rathen /
vnd zu thaten wol gewogen / so vns zu nutz / vnd
vielleicht vnsern Widerwertigen zu Vndienst vnd
missfallen gereichen kan.

Gleichsals hat es auch die gelegenheit mit
der armen gemarterten Leut Vrgichten / welche
Vordachts

Vordachts oder ander Vordbrechung halben/ in
S. Churf. G. straff gefallen sind/ Dann derer ab-
genöthigte Bekenntnus komen zum theil aus furcht/
zum theil aus einem solchen gefassten Wahn her/
das sie gedenccken/ Was sie wieder die jenigen/ auff
welche sie S. Churf. G. hertz mit grimmigen zorn
entbrandt wissen / etwas erdichten/ So werde es
iuen zu linderung irer Straff (wie dann die armen
leute / derer vormeinten Vrgichten E. F. G. zuge-
schickt sind / solchs in irem Widerruff selbstem be-
kandt haben) oder je dazu gereichen/ Das sie sol-
cher Aussage halben / vorgestellet werden/ vnnnd
durch solche Vorstellung sich etwas zutragen sol-
te/ Dadurch sie (Wie dann wol ehe erfahren) gar
ledig werden möcht.

Nu können aber wir arme vom Adel sol-
ches beides nicht wehren/ Dann so wenig als wir
den Leuten wehren können/ das sie sich obberür-
ter vnser gezwengten vnd drangseligen Noth an-
nehmen / vnd vns aus erbarmung vor ihre Person/
Mittel vorschlagen/ dardurch wir ires erachtens/
zu sicherung komen möchten/ Dieweil sie sehen/
das vns alle vnser vielfeltigs vnderthenigs Bit-
ten/ auch zu aller Gleichheit vnnnd Rechten besche-
henes erbieten/ Ja alle Mittel vnd Wege/ so auch
von hohen Potentaten vnserthalben vorgeschla-
gen seind / vnd bis daher nichts helfen noch vor-
tragen wollen etc. So wenig können wir darvor
sein/ vnd wehren/ das arme Sünder in ihren Vhr-

glichen / solche Anschlege/ so sie irem einfeltigen
verstand nach / vns gefellig zu sein / vnd gleich
als ob wir wirklich vnd thetlich darmit vmbgan-
gen/sich vermuten/zuerlangung vorhoffentlicher
Gnaden/ vnd irer eigenen rettung/auff vnser Pers-
jonen elendlich erdichten vnd angeben/Zuorderst
aber / wann sie vor denjenigen Leuten solches
bekennen / welche darnach mit fleis fragen/ vnd
solches von den armen Sündern zu erzwingen/
sonderliche lust vnd neigung haben / Wie sich
dann in den fellen der vormeinten Vrgichten/so
E. F. G. zu geschickt worden / allenthalben zu
getragen vnd begeben hat. Vnd ist leichtlich zu
erachten/Dieweil sich Leute finden/so vns anmu-
ten/ das wir sie/ ihre thaten/vnter vnserm Namen
volbringen lassen wolten / Das gleichfals ihrer
viel sein werden / so solchs / vnser vnersucht/ vnd
vns im rücken thum / S. Churf. G. Landt vnd
arme Vnterthanen/ ja S. Churf. G. eigener Person/
vnter vnserm Namen / Schaden zu zufügen/
sich vnterstehen mögen / Dazu sie dann / wo
ire Churf. G. vns zu gnaden annemen/ vnd auff ire
seiten brechte / vielleicht kein Vrsach mehr haben
würden.

Es würden auch diejenigen/so S. Churf. G.
feind vnd gefehr sind (Wie man dann weis/ das
S. Churf. G. sehr viel Leute entgegen weniger vrs-
sach haben / sich wieder S. Churf. G. derselbigen
Landt oder Vnterthanen jehes zu vnterwinden/
wo

so ire Churf. G. inen die gelegenheit / sich mit vn
erm Namen zu behelffen / durch solchen Weg abz
chneiden / Wie sie dann solchs leichtlich vnd wol
kuntdönten / Nemblich da ihr Churf. G. vns zu
erfolgen einstellten / vnd vnser aussonung bey
er Röm. Key. Maie. vnd dem heiligen Reich / be
irthern hülffen / Inmassen bey S. Churf. G. wir
erent halben zum öfftermal in Vnderthenigkeit
gesucht / vnd noch zum vnterthenigsten bitten /
dittler zeit / vnnnd ehe solchs geschicht / Daben
h S. Churf. G. vnser vnterthenigen Besorg
ch / nichts gewissers zuorsehen / dann das sich
ancher wieder S. Churf. G. aus eigenem privat
ass vnd Wiederwillen etwas vorzunemen / vns
stehen mag / Der es sonst / wo er sich nicht
den Deckel vnser Namens zuuortrösten / vnd
mit zu behelffen hette / wol vnterlassen würde.
er gleichwol so kenen wir arme vom Adel gar
l zu mas / wann der selbigen gesellen einer nider
vnd vff der Leitter on einige rechtmessige vnd
ebliche Ursachen wieder vns befragt würde /
selbige auch durch solche vnordentliche befras
g anleitung gewünne / seine losse thaten mit vns
Namen gleicher gestalt zu beschönen / wie er
uorhelen / begeret / Da man ime von stund an
vnuorhort / auch onie betrachtung einiger
stende / so strack glauben geben / Vnd vns / vns
sehen / das wir durch gebürliche mittel vnnnd
des Rechten vnüberzeugt / gleich in vor schül
achten vnnnd vorteilen solt / wie dann gesche
hen

hen würde / Wo E. F. G. dem jüngst gethanen
Churf. Schreiben nach / den obgemelten zum theil
aus marter vnd qual erzwungenen / zum teil aus ob
erzelten vrsachen erfolgten / vnd an ihm selbst wie
derwertigen Vrgichten / stat vnd glauben geben/
vnd vnsern wolgegründten Gegenbericht der ge
stalt / wie in solchem Schreiben gesucht / vorwerf
fen solte / Dazu wir aber doch E. F. G. viel zu eins
Nochadelichen / rechtliebenden / Christlichen/
vnd gantz Fürstlichen gemüts / erkennen / Vnd
derhalben E. F. G. nochmals wie zuuor / in vnder
thenigkeit bitten / E. F. G. wollen den warhafti
gen bericht / welchen wir E. F. G. auff alle vnd je
de Puncten / der vormeinten E. F. G. vormals zu
geschickten Vrgichten / vor dieser zeit gethan / vnd
anhero von wort zu wort erholen thun / auch hie
mit erholt haben wollen / gegen den auff's newe zu
geschickten instrumentirten Vrgichten gnediglich
halten / So werden E. F. G. greifflich befinden/
das es vmb solche Vrgichten kein ander gelegen
heit hat / dann das die armen Sünder stracks auff
vns / one einige gegebene Vrsachen oder rechtliche
vornutungen vnd anzeigungen sind befragt / Vnd
inen also dadurch die anleitung / oder viel mehr
vorreizung gegeben worde / solche aussage wieder
vns zu thun / auch deshalb in hoffnung gestan
den sind / ire Straffe dadurch zu lindern / vnd auff
zuschieben / Oder wann sie vorgestellet würden / et
wan eine zufellige gelegenheit / dadurch sie gar
vnd gantz erlediget werden möchten / zu erlangen /
Wie

Wie dann daraus greifflich abzunehmen/das
Dans Beheim erstlich/dam an in peinlich zu fra-
gen angefangen/Vnd hernach als er den 18. Junij/
aus des Rads Fronstest/für den Radt in die Rads-
stuben geführet / in gegenwart des gantzen vor-
samleten Rads/auff des Schöffers gethane Fra-
ge geantwort / Er kennete Wilhelm von Grum-
bach nicht/ Dette in auch nicht gesehen etc. Auff
welchen Wiederruff vnd waren Bekendtnus er
dann auch / wie der gemeine laut gehet/ hernach
als er von wegen solchs Wiederruffs kein linder-
ung noch erledigung der zuerkandten Straff zu
vorhoffen gehabt / bestendiglich vnnnd bis in sein
ende verharret/Welchs er nicht würde gethan ha-
ben/wo jnen nicht sein Gewissen/auch seine selige
binfart/niemandts mit falschem gezeugnus zubes-
schweren / vormanet hette. Das er aber bald auff
solchen vor einem Erbarn Radt geschehen Wieders-
ruff/ wiederum in gefengnis geführt / Vnd sol-
gends von solchem seinem Wiederruff abgefallen/
Solchs ist von jme nichts weniger/dann die erste
vormeinte Vrgicht/wieder vornunfft vnd Recht/
durch die anderweit erholte Tortur/nach inhalt
vnd besagung der angezognen/vnd sonst vnerheb-
lichen Instrument / abgedrungen worden / Wie
dann Landtrüchsig/vnd daraus klerlich erscheint/
das er seine vorige vnd auffß new durch pein von
jmer zwungene Aussage/so viel im jmer möglich ge-
wesen/der warheit ehnlich zu machen/sich bestie-
sen hat/

Da

Dann

Dann nach dem der arm Mensch vielleicht
von Christoff Kretzern/welcher vor dreissig Jas
ren/mein Wilhelm von Grumbachs Jung gewes
sen/wie ich in dann auch von Kind auffgezogen/
vnd er mir hernach für einen Knecht trewlich ges
dienet/Aber hernach vom Bischoff zu Wirtzburg
jemerlich ermordt vnd vmbbracht etc. etwan ges
hört haben mag/ So ist vormutlich/er habe sei
ne Aussage durch desselbigen Namen/glaublich
zu machen/vormeint. Dieweil er aber kein fer
nern bescheidt von demselben Kretzer gewust/
dann das er sich des worts kratzen beyleufftig er
innert/ So hat er von stund an/an seinem Tauff
vnd Zunamen geirret/vnd ine Dans Kratz ge
nant. Vnd dieweil er gedacht/ich pflegte/wie et
wan andere gut Gesellen/mit einem Knecht vber
feld zu reiten/ So hat er ausgesagt/Ich sey mit
demselben Dans Kratzen von Saluelt bis gen
Plauen geritten/Aus welcher seiner irrenden aus
sage allein (wo sonst nichts dergleichen in der vor
meinten Vrgicht/zu befinden) wol abzunemen/
das der arme Mensch mich die zeit seins lebens
nie gesehen/Auch vmb mein thun vnd gelegens
heit/weniger dann nichts gewust/Sondern alles
aus furcht der marter/vnd durch die gegebene
anleitung/der gefehrlichen fragen/so auff meine
person/wieder alle vornunft vnd geordnete Recht
gerichtet vnd angestellet/also erdacht hab/Sin
temal er gesehen/das mans gerne hörte/Vnd dera
halb verhofft/wo er darauff beharrete/so würd
man

man in ferner vngemartert lassen / Dat sich viel
leicht auff die Vorstellung auch vortröstet / vnd in
hoffnung solcher Vorstellung desto leichtlicher
auff seinem erdichten Zusagen vorharret /

Und Dann se alle Knechte / so nun viel Jar hero
teglich vmb vnd neben mir sind / wissen / das
ich nie kein Knecht gehabt / der Dans Kratz ge-
heissen / Kretzer aber lenger dann vor sechs Jaren
vmbkommen / Vnd derhalben nicht möglich / das
der arme Knecht wiederum sollte lebendig wer-
den / vnd in newlichen Jaren / als seindt der zeit
seines todts / mit mir von Saluelt nach Plauen /
einen Ritt gethan haben / Zu dem ist wissentlich /
vnd gnugsam darzuthun / das ich nicht selban-
der zu reiten pfleg / Inniassen dann auch mein ge-
legenheit ein zeit hero solchs nicht leiden wollen /
Ober das / so bin ich seindt der zeit / das ich zum
Churfürsten Moritz / hochlöblicher gedechtnus /
wie Dans Jenitzschen wissentlich / gen Dresen
bescheiden / vnd ein Nacht zu Plauen gelegen / gen
Planen nie kommen. Dat derhalben der arme
Mensch solchs alles eben so wol erdacht / als
das / so er von dem Puluer vnd dem Wirt zu Sal-
uelt / Item von einem Knecht / so Valten Schöns-
berg heissen solt / des Namens doch in diesen Lan-
den keiner zu finden / vnd vornemlich von L. F. G.
das sie zu der zeit / als der erdichte Valten Schöns-
berg / ine den armen Menschen in ein grosse Stu-
ben gefordert / In solcher Stuben bey seiner ab-

fertigung gewesen / ein schwarzzen Damasciken
Rock / mit Tobeln gefüttert / mit Sammet verbre-
met / vnd ein gestrept Goller angehabt haben sol-
ten / Vnd was dem allen mehr anhengig / erdicht /
vnd hernach widerraffen hat. Wo man jm auch
von vns die Wort gesagt hette / die Nochgedachter
Churfürst in S. Churf. B. Schreiben erzelet /
Das man jm von L. F. G. gesagt habe / Nämlich /
das er vns mit Lügen / dafür mans dann
hielte / nicht beschweren solt / So würde er von
vns eben so wol gesagt haben / als von L. F. G.
Das er vns nur derhalben gemeldet / das er ge-
hofft / Man würde jm vff solch Bekentnus gnadt
erzeigen.

Dann hat er ein solche hohe Person seines
Theils halben / Mit Lügen zubeschweren / kei-
ne schew gehabt / Wie viel mehr hat ers armen
Gesellen thun dörrffen / Sonderlichen dieweil er
gemerckt / Das / wo er solchs nicht thete / man
jne mit Marter dahin bringen würde / das ers
thun müste / In gleicher gestalt / so ist auch hier-
aus der jenigen Personen / so bey der Tortur zu
sein / vnd als dann Nochgedachtem Churfürsten
Relation zu thun / verordnet worden / gefehrli-
cher grieff vnd Vorsatz / augenscheinlich abzun-
men / Das sie des armen Sünders Widerruf ge-
gen L. F. G. Desgleichen auch Matthes von Wal-
denrods / des Wirts zu Saluelsdts / vnd anderer
person halben / haben gelten vnd gut sein lassen /
Daran

Daran sie dann wol vnd recht gethan/ Aber den
Widerruff vff vnser personē/ durch die Tortur/
oder Bedrohung der selbigen als bald vmbgestos-
sen/ Vnd die armen Sünder vff iren vorigem vnd
ersten bekentnis zuuerharren/ gezwungen ha-
ben/ Da doch das erste Bekentnis bald im an-
fang so wol/ als die hernach folgende abgedrün-
gene Beharrlichkeit/ wieder alle Vornunfft vnd
Vorordnung der Recht/ zu wegen gebracht wor-
den/ Welchs wir aber Gott zu richten/ befehlen
müssen/ Jedoch so haben wir vns dessen zu getrös-
ten/ das vnser Unschuld durch die hieoben an-
gezeigte Ursachen/ selbst an tag bricht/ Vnd als
les das/ so der arme Mensch vff vns gesagt/ nichts
anders ist/ dann lauter erdichte/ vnd aus furcht
der Marter/ mit etlichen von dem gemeinen ge-
rucht/ herzugezognen vmbstenden/ geferbten Lün-
gen/ vnd erzwungene Aussagen/ Welchs dann
nicht in einem/ Sondern in allen Puncten vnd Ar-
ticulen/ der vermeinten Vrgicht/ so greifflich er-
scheinet/ das es fast keiner andern Vorlegung/ o-
der ablehnung bedarff/ dann deren/ so die wider-
wertige Wort vnd Reden solcher Vrgichten/ an-
sich selbst mit bringen/ Dann wie der vnschuld-
igen Susanna in dem alten Testament begegnet
ist/ Da sie/ wie der Ehebruch/ ein weil vnter ei-
ner Linden/ die ander weil vnter einer Lieben ge-
schehen/ beschuldigt ward/ Also geschieht in die-
sem Fall auch/ Da itzo die abfertigung zu Go-
tha/ bald zu Wiltburg/ bald zu Planen/ bald zu

Saluelot / geschehen / Bald sein L. F. G. dabey /
aber bald nicht dabey gewesen / Bald sagt er / Er
kenne vns / Bald sagt er / Er kenne vns nicht / Vnd
ist in keinem Articul gewisse Stell oder Zeit be-
nant / Da sie aber benant werden / da haben wir
in vnserm vorigen Bericht stracks das Gegen-
spiel mit vnserm persönlichen anwesen / zu denen
zeiten / vnd örtern vberweist / vnd L. F. G. die an-
zeige gethan / das L. F. G. aus dem / so L. F. G.
selbst wissentlich / schliessen müssen / das solches
falsch sey.

Es werden auch in vielgemelten Vrgich-
ten / vff L. F. G. Festung Grimmenstein / solche
Gemach beschrieben / Dergleichen keins weder
von Namen / noch von Gelegenheit / vff dem ganz-
tzen Daus zu finden. In sonderheit aber ist das
ein solche Lügen / daraus allein abzunemen / das
alle das ander / so dem anhengig / vnd darauff /
als vff ein Fundament / gegründet / erdicht / vnd
erlogen sein mus / Als nemlich / das der arme
Sünder vorgeben / Er habe mir Wilhelm von
Grumbach / drey Jar gedienet / Vnd sey bey mir
in das Vortrawen kommen / Das ich in / in einne-
mung der Stadt Wirtzburg / der gestalt gebraun-
chet / Das er mit sechs pferden in einer Herberg
gelegen / sich für einen Herrn ausgeben / vnd ge-
sagt / Sein Zug gieng nach Franckreich. Als ich
aber des Morgens / zwischen drey vnd vieren vor
Tag / für die Stadt kommen / Dette er mit seinen
Gefellen /

Gesellen / vnnß sechs pferden / vnnß den andern
 Reutern / derer bis in viertzig pferd in der Stadt
 gewesen / so sich zuvor hinein geschleiff / die Pfor-
 ten innen gehalten / das sie mit Schrauben geöff-
 net worden etc. Wie dann solche wort in der instrum-
 mentirten Vrgicht / sub Numero. 1. zu befinden /
 Aber so gar öffentlich der hellen Warheit wider-
 streben / Das auch die von Wirtzburg selbst das
 widerspiel / da sie darunib gefragt wurden / sagen
 müßten. So wissen alle die redliche Leute / beide
 Edel vnd Vnedel / so bey solcher Einnam gewes-
 sen / derer dann viel des Churfürsten Diener vnd
 Landsassen sind / Das nicht ein einiger Man zu
 Ross oder zu Fuß vns zustendig / dieselbige nacht
 in Wirtzburg gewesen da die Pforten eröffnet /
 vnd der Einfall geschehen / Zu dem / so hat der
 Bischoff von Wirtzburg kurtz vorsehiener zeit /
 ein armen Man / von wegen der Vfflag / als solter
 mit die Stadt vorrathen haben / jimmerlich vier-
 teilen lassen / Wo nu dieses Danks Beheimis auf-
 sag war were / So müßte jenem armen Mann /
 vnrecht geschehen sein / Oder wo jener der vor-
 meinten Bezichtigung schuldig gewest / So sol-
 get notwendig / das dieses armen Menschen Bes-
 richt falsch vnd vnrecht sein mus. Dieweil aber
 hieraus allenthalben klerlich erscheint / das dies-
 se vormeinte Aussage / nichts anders dann ein
 lauter Gedichte / Vnd man gleichwol sagen wil /
 Er sey darauff gestorben / So haben L. F. G. zu-
 crachten / was sein sterben (wo dem gleich also)

den andern Stücken seiner Aussage / für ein gewisheit bringen kan / In sonderheit da fast von meniglich vnd öffentlich darvon geredet wirdet / mit was Tortur vnd marter der arme Mensch / auff seiner falschen bekendtnus vnd vorharen gedrungen worden / Zu dem / das auch one das sterbender Leute bekendtnus / auff andere Leute ausgesaget / kein krafft noch wirkung haben /

Wir wollen itzundt geschweigen / das man mit der Execution nicht so sehr hetten eilen dörrffen / Sondern wol ein solchen Process halten können / dadurch aller vordacht vorbleiben mögen / vnd zweiueln gar nicht / wo der arme Sünder vns vorgestellt / er würde die rechte warheit bekandt / vnd vns so hefftig entschuldigt haben / als er vns zuuor beschuldigt hat / Wie dann in gleichen fällen wol ehe beschehen.

Ferner / so stehet auch vnter anderm / in solcher vormeinten Vrgicht / Er sey itzt vorscheinen Pfingsten zwey Jar / von vns beiden semptlich / zum andern mal / zu Gotha abgefertigt / Daraus L. F. G. abermals / so wol als daraus / das er seine erste abfertigung / ein weil zu Gotha / die ander weil zu Deltburg / die dritte weil zu Plaswen / die vierde weil zu Saluelt / empfangen haben wollen / gnediglich abnehmen können / das eins so wol erdacht / als das ander / Sintemal
L. F. G.

E. F. G. sich gnediglich zu entsinnen wissen/ das
ich Wilhelm von Grumbach dazumal in meines
Sons haus Delingen gewesen / vnd alle tag zu
E. F. G. gen Deltburg kommen/ Ich aber Wil-
helm vom Stein/ eben auff die zeit zu Coburg vnd
mehrer teils auch bey **E. F. G.** zu Deltburg auff-
gewart.

Diewell dann gnediger Fürst vnd Herr/
dem allen also/ vnd wir one das vns/ vmb solche
Vbrgichten/ nach besag der Rechten/ anzunemen
nicht schuldig/ So wollen wir hiemit vnser vori-
ge Protestation erholet/ vnd gegen **E. F. G.** in vn-
terthenigkeit/ sonst aber gegen menniglich in der
besten form / weis vnd mass/ als solchs immer
geschehen sol/ kan oder mag/ Protestirt vnnnd be-
dingt haben / Protestiren vnd bedingen vns hie-
mit / das wir vns weder durch diese/ noch durch
die vorige vnser/**E. F. G.** zu vnterthenigem gebor-
sam / gethanen vorantwortung/ one vorgehende
rechtliche Process/ vnd ordentliche erkendtnus/
der wir dann vnserm vorigen erbieten nach/ für
E. F. G. zu jeder zeit gewertig sein/ in einige weiter
erklerung/ beweisung oder entschuldigung/ ein-
zulassen/ keins wegs gemeint/ viel weniger dazu
vorpflcht sein wollen/

Nach dem es auch itzo an dem/ das wir vor-
müg der nechst gepflogenen handlung/ von hin-
nen abziehen/ vnd sich ein jeder seiner gelegenheit
nach/ in sein gewarssam thun/ vnd begeben würdt/

B b

So

So wollen wir nichts best weniger / zu jeder zeit /
auff E. F. G. erforderung / vns zu gütlicher oder
rechtlicher vorhör dieser sachen / auch aller an-
dern zuspruch haben / in vnterthenigkeit einstel-
len / vnd niemands gebürlichs rechtens vor sein /
Mittler zeit bitten E. F. G. wir vnterthenig / E. F.
G. wollen hochgedachtem jrem freuntlichen lies-
ben Vettern / dem Churfürsten zu Sachsen / vns
ferm gnedigsten Herrn / diese vnser entschuldig-
ung / sampt itztgemeltem vnserm rechtmessigen
erbieten / fürderlich kundt thun / vnd S. Churf.
G. für jr person freuntlich / vnd von vnser we-
gen / auffß vnterthenigst bitten / das doch jr
Churf. G. die wieder vns gefaste vngnade / gne-
digst fallen lassen / vnd nicht alles das / so andere
jr Churf. G. wiederwertigen gegen jre Churf. G.
derselben Landen oder Vnterthanen vornemen /
also bald auff vns vordenccken / in gnedigster be-
trachtung / das wir beide arme Gesellen / in son-
derheit aber / ich Wilhelm von Grumbach / mei-
nes Leibs ein armer alter Francker Man bin / vnd
allbereit mit dem Bischoff zu Wirtzburg / so viel
zu schaffen hab / das es die größte Thorheit wer /
die ein Mensch auff Erden begehen köndte / wo
wir vns ein solchen mechtigen Churfürsten des
Reichs / auff den hals laden / vnd S. Churf. G.
vns zu verfolgen / billiche vrsach geben solten.

Welchs alles aber / vnd das es bey vns ein
rechtschaffener ernstlicher wille vñ meinung sey /
So

So wollen wir in keiner weigerung stehen/vns
dessen gegen E. F. G. zuuorpflichten / das irer
Churf. G. auch derselben Landen vnd Vntertha-
nen / wir nicht zu wieder handeln / noch ichts
vornemen wollen / darob jr Churf. G. zu billichen
vngnaden gegen vns / eingerley weis bewogen
werden möcht. Des zum todt vorurteilten / vnd
folgents als bald / gerichtten Philip Blassen / auff
new geschickte vormeinte Vrgicht / Ist durch die-
sen / vnd dann den vorigen vnsern darauff in son-
derheit gethanen bericht / zur notdurfft vorant-
wort /

Derhalben wollen wir bemelten vnsern vori-
gen Bericht / von wort zu wort / In sonderheit
aber / in dem punct anher erholt haben / da gesagt
würdt / das vnser keiner den gedachten Blassen /
seins wissens jemals gesehen / Item / das in sol-
chen fellen / da der beweis heller sein sol / dann die
mittags Sonne / nicht gnug / einige vornutung /
schweig dann etwas anders zuerherten / das der
arme Mensch fast allenthalb / wo er vns anzeugt /
gesagt / Er achts dafür / Item / wie inen die sa-
chen ansehen / vnd was dergleichen vnschliesliche
vnd vngewisse wort / in seiner vormeinten Aus-
sage / mehr zu befinden / Zweineln nicht / dieweil
Dans von Wildesheim / vff welchẽ die vormein-
te Aussag / vornemlich zeuget / derselbige durch-
aus nicht gestendig / E. F. G. werden sich dis fals /
was zu Recht verordnet / vnd in vorigem / auch
itzigem vnserm vnderthenigen schreiben / etli-

cher massen angezogen / gnediglich zu erinnern/
vnd wol zubeschneiden wissen / was von solchen
vnd dergleichen Vrgichten zu halten/vornemlich
dieweil in der nechst zugeschickten vormeinten
Instrumentirten Vrgicht / solche wort zubefin-
den / daraus ein jeder vorstendiger leichtlich er-
achten kan / was den ermelten armen Sünder/
dieselbige gantze Fabel zu erdencken vorursacht/
Dann wo er (wie in viel gedachtem vormeinten
Instrument vermeldt würdt) gesagt / Erachtet
dafür / solcher Ritt sey dadurch verhindert wor-
den / vnd vorblieben/das er neben Döbeln nicht
mit geritten / etc. So bringen solche wort an sich
selbst mit / das er gehofft / wann er anzeigung
thet / was er gestalt er einen Anschlag/ so wieder
des Herrn / in des handen sein Leib vnd Leben
itzo stünde / Leib vnd leben vorgenommen/were/
durch seine weigerung gehindert hette/ So wür-
de man jme die straff/ derer er anderer gelegenheit
nach / sich zu besorgen gehabt / erlassen/vnd zu
einem mitleidlichen erbarmen gegen jme bewor-
gen werden/Dieweil man daraus spüren köndte/
das er sich wieder niemands anders/dann wie-
der seine in sonderheit abgesagte Feind/hat ein-
lassen wollen.

Ob aber gnediger Fürst vnd Herr/einem
armen Menschen/der den Todt vor augen sieht/
vnd denselbigen durch solche erdichte Fabeln/
zu vermeiden verhofft/blinde Ausagen/derge-
stalt (wie zum theile geschehen) anzuziehen sein/
Das

Das stellen wir hochgedachtem Churfürsten/
als einem weisen / rechtliebenden Christlichen
Fürsten / selbst zu vrtheilen heini.

Vnd ist vns in warheit nicht wenig befrembde-
lich / was man doch an vns armen Gesellen / in
sonderheit aber an mir Wilhelm von Grumbach/
der ich numehr ein alter verlebter Man / vnd mei-
nes Leibs so vnuormöglich bin / das mir nach
nichten so sehr / als nach gutem fried / vnd ruhigen
tagen zu trachten / ersehen hat / Das man vns in
solche beschwerliche vordacht nimpt / vnd nicht
viel mehr auff den fall / da man jemandt weis / so
hochgedachtem Churfürsten entgegen / vnd mit
der that nachtrachten dieselbigen darumb bespre-
chen / vnnd vns / so die zeit vnser lebens / derglei-
chen ding nie in vnsern sinn genommen mit fries-
den leßt.

Aber wie dem allen / So lassen wirs mit
erholung vnser hieueor gethanen Bericht / vnd
daran gehafften Protestation / hierbey beruhen /
E. F. G. in vnterthenigkeit bittend / sie wollen
diese vnser entschuldigung gnediglich stat finden
lassen / jeder zeit / vnser gnediger Fürst vnnd
Herr / sein vnd bleiben / Datum den 27. Julij/
Anno 1566.

E. F. G.

Vnterthenige vnd ges-
horsame Diener.

Wilhelm von Grumbach vnd
Wilhelm vom Stein.

B b 3 Folget

Folget ferner Wilhelm von Grumbachß gegenantwortung / auff Christoffen von Jedwitz / dem Churfürsten zu Sachßen gethanen bericht.

Item/
Graff Günthers von Schwarzbürgß / von sich gegebenen Briefflichen erkundt / den 5. Augusti / Anno 1566.

Dediger Fürst vnnnd Herr / Als E. F. G. mir heut dato / den 5. diß Monats Augusti schriftlich behendigt / was Christoff von Jedwitz E. F. G. gewesener Diener / schriftlich an den Churfürsten zu Sachßen gelangt / das habe ich alles inhalts vorlesen / Vnd hette ich Christoffen von Jedwitz / viel für einen andern Man gehalten / Als das er im mit leichtem vnd vergeblichem Mehrtragen / bey Chur vnd Fürsten gnad zu erlangen / sich befließen wöllen / da ich auch gewußt / das Christoff von Jedwitz / der vom Adel gewest / dauon hienur hochgedachter Churfürst in irer Churf. G. schreiben /

schreiben / meldung gethan / So wolt ich auch
jme Zewitz / in meinem beyligenden Schreib
ben / die ding one schwer / mit ausgedrückten wor
ten vñ namen verantwort haben / Vnd ist die war
heit / wie in meinem vnd Wilhelm vom Steins /
ausführlichem schreiben vormeldet / das mir in
zeit / als Jörg von Geuffau gefangen gelegen / vnd
mir / auch meinen Mituorwandten / die zeitung
einkommen / das jre Churf. B. Steckbrieff vber
vns geben vnd / nach Leib vnd leben trachten lies
sen / durch vertraute ehrliche Leut / ein Anschlag
zugeschrieben worden / Welcher gestalt jre Churf.
B. auff ort vnd ende / da man es die Darwiesen
nennet / zuer greiffen wer / dadurch gedachter von
Geuffau geledigt / vnd wir alle gesichert werden
möchten / Tieweil aber ich / noch auch meine Mit
uorwandten von dieser Wiesen / nichts gewust /
Auch dauon nicht gehört / darzu auch den Chur
fürsten nieder zu werffen nicht gewilt gewest /
vnnd gleich so wenig das jenige / so in meinen
gedanken nicht gestanden / daruor achten vnd
halten können / das solchs zuthun möglich / So
hab ich solchen Anschlag / wie der an mich ge
langt / nicht heimlich / sondern in beysein vieler
vom Adel / vnnd anderer ehrlicher Leut öffent
lich gesagt / welchs Christoff von Zewitz / so
wol als andere von mir auch gehört / Das ich
aber Christoffen von Zewitz angezeigt / solchen
Fürschlag fürzunehmen / oder jne gebeten / mir
darzu zuhelffen / das habe ich nicht gethan / Zu
B b 4 dem /

dem / vnd da ich solche ding fürzunemen im wil-
lens gehabt / So hett ich ander Leut dazu haben
müssen / als Christoffen von Sewitz / Nach dem
er Sewitz / doch kein Reuter / vnd auch menniglich
sein Leibs gebrechligkeit weis / So hab auch ich
zu ime Sewitzen / weiter oder anderst nicht ge-
redt / dann was ich vor andern auch öffentlich one
schew gesagt / Vnd haben E. F. G. leichtlich zu er-
achten / wann ich ein solchen Anschlag vorhett /
das ich den nicht so öffentlichen anzeigen würde /
vnd sonderlichen Christoffen von Sewitz / dies
weil er dazu nicht dienstlich / Da auch E. F. G.
darnach fragen / so werden sie von vielen vorne-
men / das ich solche ding / one heble geredt / Aber
nicht das ich sie fürnemen wölt / vnd wird sich
nicht finden / das ich mit einigem Menschen ge-
handelt / mir zu solchem Anschlag zu helfen / oder
sich dazu gebrauchen zu lassen / Vnd mag ich mit
warheit schreiben / das ich den Maintaler / dauon
Sewitzer meldung gethan / in etzlichen Jaren
nicht gesehen / So hab ich auch weder in Franck-
reich / Preussen / oder in die Graffschafft Olden-
burg / vmb vnder schleiff des Churf. geschickt /
das ist sich an den örtern leichtlich zu erfahen /
Aber das ist war / das ich an diese drey ort / so wol
als in ander Königreich mehr geschickt / vnd ge-
sucht / mir meine Wirtzburgische Bürgen / der en-
de einzunemen / zu gestatten / Was aber mir dar-
auff zu Antwort worden / das ist sich der ende
auch zu erkündigen / Vnd bin ich was dis als hal-
ben

an mich gelangt/nie in abredt gewest/noch
lbig hehl gehabt / Dieweil ich doch das
im willens gehabt/auch dauon nichts ge
n/vnd haben inetzlichen Jaren her/viel vnd
ley fürschieß/von Edel vnd Vnedel/so meine
en gern gut sehen / an mich gelangt/der ich
en fürgenommen/noch fürzunehmen willens
est / Das ich aber darumb die gute ehrliche
e/so es trewlich vnd gut mit mir meinen/an
n/vnd sie vormelden solt/das stündt mir gar
an/Vnd wolt ich viel lieber todt sein/als das
ich mit solcher vndanckbarkeit erweisen solt/
ber Christoffen von Zerwitz/das/so er ob
lter gestalt/gehört/für warhafftig anzuzei
ebürt habe oder nicht / Das geb ich E. S. G.
thenig zubedencken / Vnd ist diß der danck
ohn / den ich vmb gedachten von Zerwitz
ient / Welchen ich nicht allein bey meinem
igen Fürsten vñ Herrn Marggraß Albrecht
Christlicher seliger gedencknus/in E. S. G.
/Sondern sint der zeit/bey andern Potenta
vnd grossen Herrn/ vnd sonderlich bey der
hen Kron Frankreich/trewlich befürdert/
auch die gnedigste vertröstung bekommen/
h verhofft/es würde ime zu nützlicher wol
elangen/ So habe ich auch jne Zerwitz/wie
B. selbst gnedig wissen in derselbigen dienst
cht / allda er solche statliche vnterhaltung
t / die er gewiß nicht bald/bey Thur oder
en/erlangen mögen/Wie dann er in solchem
Cc dienst/

diensft/wo fern er selbst gewolt/wol bleiben mö-
gen/Vnd heit ich jme auch noch mehr guts erwel-
ten/vnd zu aller wolffart helffen können/ich heit
es gern gethan/Wie er dann mich jeder zeit seinen
Vater geheissen/Derwegen ich mich dieser dinge
ge billichen nimmermehr vorsehen sollen/Ich
mus es aber Gott befehlen/der wird es nach sei-
nem Göttlichen willen/wol zu vergelten wissen/
Für eins.

Ihm Andern/Das E. J. G. mir auch So-
phey/einer vrkündt/so Graff Günther von
Schwarzenburg/hochgedachtem Churfür-
sten/meinet halben vbergeben/zugestellt/die las
ich auff jrem vnwerdt beruhen/Vnd kan ich/als
(Gott hab lob)ein ehrlicher vom Adel/von diesem
Grauen/durch seine schriftliche vnd vntrefflige
vrkündt/so wenig/als wann er darzu auch mit
auffgerekten fingern/diese vrkündt auff seinem
Todtbette/vnd da jme auch gleich die Seel auff
der zungen sesse/betworen wolt/überzenget wer-
den/Aber hiermit/vnnd dardurch/wil ich den
hochgelobten Grefflichen Ehrenstandt/keines
wegs verkleinert/Sondern das eines einzeltichen
Mannes rede/vor keine vnwiedersprechliche/
oder vnwiederbringliche rede zu achten sey/ge-
meint haben/Vnd sage derhalben nochmals in
gemüt vnd meinung/niemandts zu schmeihen/
Sondern allein mein Adelige ehr zu erretten/vnd
wie ich in meinem schreiben auch vormelt/das
mich

mich der Graff in solcher Aufflag andicht / wie
dann in jetzgedachten meinem hienorigen schrei-
ben / nach notdurfft ausgefñrt / da sich der Graff
seiner sachen so recht gedñckt / so solt er der vor-
hör / kein schew tragen / Würde er dann die ding /
war machen / Als dann bin ich in meinem schrei-
ben / mit meinem erbieten gehört / Im fall er aber
die ding nicht war machen wird / Als dann er
billich für den Man zu achten / so arme Gefellen
mit vnerfindlichen dingen / vnbillich zubeschwe-
ren geneigt / Zu dem / so thut sich ermelter Graff
auff etzliche ehrliche vom Adel zu kundtschafft
ziehen / die öffentlich sagen / das er sie in solchem
andicht / das sie auch die ding nie gehört / viel we-
niger dabey gewesen / sind auch vrbüttig / solchs
mit mund vnd hand / auff den Grauen zu erwei-
sen / das er jnen hierinnen vnrecht thue / Solchs
werden sie vor hohen vñnd niedern Stenden / öf-
fentlich zu sagen / kein schew tragen / Derhalben
der Graff / vnd damit er von den ehrlichen vom A-
del / im bericht solchs selbst vernemen möcht /
der öffentlichen verhör / so viel weniger beden-
ckens haben solt.

Das er aber anzeigt / Ich sey ein Echter /
derhalben jme mit mir zu Tagleisten / nicht ge-
büren wöll / Ist abermals hierans sein hertz
vnd gemüt leichtlich abzunemen / Dann da er
mich für einen schuldigen oder verwirckten Leb-
ter gehalten / So hett jme je nicht gebüret / mich in

der Aicht zu sich in sein Haus zu laden/wie dann
beschehen / vnd mir freie öffnung vnd sicherung
in allen seinen Deusern vnd Flecken / vngesche-
wet der Aicht zuvorsprechen / Da ich doch mein
lehtag vor mein Person / zu ime / vnd in seiner
Deuser vnd Flecken einen zu kommen / oder auch
einige hülff bey ime / weder begert noch gesucht
habe.

Was aber nun hienon zu halten / das gib
ich den ehrliebenden zu bedencken / Zu dem / vnd
da diese sachen zu vorhör kommen würdet / Als
dann sol sich ausfündig machen / ob ich / oder
der Graff / iren Churf. G. vbel vnnnd vorletzlich
nachgeredt habe / dabey ichs auff dissmal be-
ruhen laß / Vnd thue mich nochmals auff meinen
hienorigen warhafftigen / vberschickten schrift-
lichen bericht / in allen Puncten vnd Articulen
ziehen / Welches alles ich dann mit bestandt vnd
warheit / darzuthun weis / etc. Vnd hab solchs
E. F. G. beyneben zu vnterthenigem Bericht /
nicht vorhalten sollen / Vnd thue mich
denselben hiemit vnderthe-
nig befehlen / etc.

E. F. G.

Vndertheniger gehorsam-
mer Kadt vnd Diener

Wilhelm von Grumbach.

THE UNIVERSITY OF CHICAGO
LIBRARY
1000 S. EAST ASIAN BLDG.
CHICAGO, ILL. 60607



